

প্রথম সংস্করণ

বশস্বী চিত্রপরিচালক
অধেন্দু মুখোপাধ্যায়

গ্রীকরকমলেশু

মন্মথ ঝাঝ

১লা বৈশাখ

১৩৫৭

‘কুবাণ’এর মূল কাহিনীটি রচনা করিয়াছিলাম ১৯৪০ সালে। আমি তখন সমবায় মাসিক পত্রিকা ‘ভাণ্ডার’এর সম্পাদক। এই কাহিনীর ভিত্তিতে যে নাটক রচনা করিয়াছিলাম, ১৯৪০ সালের ৩০এ মার্চ ‘বেঙ্গল কোঅপারেটিভ অ্যালায়েন্স’কর্তৃক কলিকাতা টাউন হলএ অনুষ্ঠিত দ্বিতীয় বার্ষিক ‘কোঅপারেটিভ ব্রাদারহুড’ ভোজসভায় তাহা অভিনীত হয়— অর্ধেন্দু মুখোপাধ্যায় এই নাটকখানির পরিচালনা করেন।

পরবর্তী কালে অর্ধেন্দু যখন চিত্রপরিচালনায় সাফল্য ও যশ লাভ করেন তখন এই কাহিনীটিকে অরণ করেন, এবং ‘রঙ্গশ্রী’ চিত্রপ্রতিষ্ঠান অর্ধেন্দুর হস্তেই ইহার চিত্ররূপ-দানের ভার অর্পণ করেন। এতদুপলক্ষে আমি যে চিত্রনাটিকা রচনা করিয়াছিলাম, তাহা পরম আত্মীয় শ্রীযুক্ত প্রমথনাথ গুপ্তের সম্পাদনায় উপস্থাস আকারে প্রকাশিত হইল।

গত ১৭ই ফেব্রুয়ারী রঙ্গশ্রী কথাচিত্রের প্রযোজিত, অর্ধেন্দু মুখোপাধ্যায়ের পরিচালিত ‘কুবাণ’এর বাঙলা বাক্চিত্র কলিকাতায় প্রথম প্রদর্শিত হয়। এই চিত্ররূপ দেখিবার সৌভাগ্য আমার হয় নাই, কিন্তু এ বিশ্বাস আমার আছে যে, অর্ধেন্দুর পরিচালনায় আমার কাহিনী উৎকর্ষই লাভ করিয়া থাকিবে।

এই চিত্রনাটিকার প্রণয়নে শ্রীযুক্ত মনমথ চৌধুরী এবং ইহার সম্পাদনে শ্রীযুক্ত প্রমথ গুপ্ত আমাকে যে সাহায্য করিয়াছেন, তাহার জন্য তাঁহাদিগকে কৃতজ্ঞতা জানাইতেছি। পূজনীয় গুরুতাত শ্রীযুক্ত বিনয়ভূষণ রায় তাঁহার মুক্তাকরে এই চিত্রনাট্যের পাণ্ডুলিপি প্রস্তুত করিয়া দিয়াছেন; ইহা তাঁহার স্নেহের পরম নিদর্শনরূপে আমার নিকট সর্বদা রক্ষিত হইবে। প্রচ্ছদচিত্রখানি প্রসিদ্ধ চিত্রী শ্রীযুক্ত বি ভৌমিক অঙ্কন করিয়া দিয়াছেন; তাঁহাকেও কৃতজ্ঞতা জানাই।

শ্রীযুক্ত কালীপদ চট্টোপাধ্যায় ইহার গ্রন্থনে সহায়তা ও প্রশোধন করিয়া আমাকে কৃতজ্ঞতাপাশে আবদ্ধ করিয়াছেন।

২২২সি, বিবেকানন্দ রোড,
কলিকাতা ৬

মনমথ রায়
১লা বৈশাখ ১৩৫৭

এসেছি! তোর কি? তোর সাত পুরুষ তো ঐ ভিটেতে জন্মায়নি
—মরেনি! ও-জলের মর্ষ্য তুই কি বুঝবি?

ক্রোধে ও ক্ষোভে আত্মহারা হইয়া বড়ের এ গেল,
কেন গেল পলায়। জন্ম এড়া আসিতেছে।
খাসীটির দড়ি ধরিয়া সে দ্রুতপদে ভিতরে ছুটিয়া গিয়া
উচ্চ কণ্ঠে সংবাদ দিল—

লক্ষণ ॥ না না, ঐ দেখ বুড়ো ভূতটা আবার এসেছে।

বালকের মা দুর্গা রান্নাঘরে ব্যস্ত ছিল, পুত্রের নাড়া
পাইয়া বাহিরে আসিয়া কহিল—

দুর্গা ॥ হিঃ, লক্ষণ, গুরুজ্বকে ভূত বলতে নেই—উনি তোমার দাহ।

পঞ্চশস্ত বুদ্ধ ভিতরে প্রবেশ করিয়া কুটিরের দাওয়ায়
বসিয়া পাড়লে দুর্গা ব্যস্ত হইয়া একটি বাটিতে করিয়া
জল আনিয়া তাহার সম্মুখে রাখিয়া দিয়া গেল। লক্ষণ
খাসীটিকে দাহুর সম্মুখে হাজির করিয়া কহিল—

লক্ষণ ॥ হট্—হট্—ফের পালাচ্ছিস! দেখছিস না কদিন পরে দাহ
এল! নম কর—নম কর।

পরান ॥ বাঃ, খাসা খাসা দেখছি।

বুদ্ধের শুষ্ক দুটি লালসায় সজল ও তীব্র হইয়া উঠিল

লক্ষণ ॥ তাইতো ওর নাম দিয়েছি ‘রাজা’!

পরান ॥ দা’টা নিয়ে আয় তো।

লক্ষণ ॥ কেন দাহ?

পরান ॥ ওকে কাটব—খাব—বড় ক্ষিদে পেয়েছে রে!

বালক বিস্মিত ও ক্রুদ্ধ হইয়া উঠিল

‘কৃষাণ’এর মূল কাহিনীটি রচনা করিয়াছিলাম ১৯৪০ সালে। আমি তখন সমবার মাসিক পত্রিকা ‘ভাণ্ডার’এর সম্পাদক। এই কাহিনীর ভিত্তিতে যে নাটক রচনা করিয়াছিলাম, ১৯৪০ সালের ৩০এ মার্চ ‘বোম্বে অপারেটিভ অ্যালায়েন্স’কর্তৃক কলিকাতা টাউন হলএ অনুষ্ঠিত ‘অপারেটিভ ব্রাদারহুড’ জোক্তসভায় তাহা অভিনীত হইয়াছিল।

দুর্গা ॥ লক্ষণ !...

লক্ষণ ॥ দেখতো মা, রাজাকে কেটে খেতে চায় !

পরমাণ ॥ ফিড়ে-তেষ্টায় প্রাণ যায়—তাই ঠাট্টা করছিলাম !...বা শালা যা,—আমি না খাই, আর কেউ খাবে।

দুর্গা ভাতের খালা ও জলের গ্লাস খণ্ডের সম্মুখে রাখিয়া দিল। পরমাণ ব্যগ্রভাবে জলের গ্লাসটি হাতে লইয়া পান করিতে উজ্জত হইয়াই হঠাৎ প্রস্থ করিল—

পরমাণ ॥ এ কোন্ কুয়োঁর জল মা ? আমার সাবেক ভিটের ?

দুর্গা ॥ (ভয়ে-ভয়ে) নতুন কুয়োঁর জল বাবা।

পরমাণ ॥ নতুন কুয়োঁর জল ! খাব না, খেতে হয় তোরা খা। বলিনি যে, যে-ক’টা দিন বাঁচি, আমায় সাবেক কুয়োঁর জল দিবি ?

দুর্গা ॥ মহাজন যে সাবেক কুয়োঁ থেকে জল আনতে দেয় না বাবা।

পরমাণ ॥ মহাজন ভিটে-মাটি নিলেম করেছে ব’লে কি জলও নিলেম ক’রে নিয়েছে ? আচ্ছা, আমি যাচ্ছি।

দুর্গা ॥ বাবা, আপনি যাবেন না। মহাজনের কাছে গিয়ে আমিই সাবেক কুয়োঁর জল ভিক্ষে চেয়ে আনছি।

পরমাণ ॥ ভিক্ষে ! ভিক্ষে কেন ? মহাজন তো বলেছিল—‘বুড়ো, যদি তুমি বাঁচবে, এই জলই খেয়ো’। তাই-না আমি ভিটে ছেড়ে

এসেছি ! তোর কি ? তোর সাত পুরুষ তো ঐ ভিটেতে জন্মায়নি
—মরেনি ! ও-জলের মর্শ্ব তুই কি বুঝবি ?

ক্রোধে ও ক্ষোভে আত্মহার্য হইয়া ঝড়ের মত বাহির
হইয়া গেল পরাণ। দুর্গা দীর্ঘনিঃশ্বাস ফেলিয়া
তাহার গমনপথের দিকে দৃষ্টি নিবদ্ধ করিয়া রহিল।
লক্ষণ বিস্মিত হইয়া কহিল—

লক্ষণ ॥ রাক্ষসটা না খেয়ে চ'লে গেল কেন মা ?

দুর্গা ॥ ছিঃ, বাবা, দাছকে রাক্ষস বলতে নেই।

লক্ষণ ॥ রাক্ষস নয় তো কি ? আমার রাজুকে খেতে চায় কেন ?

দুর্গা ॥ খুব বেশী ক্ষিদে পেয়েছিল তাই। কিন্তু সত্যি কি আর খেতেন ?
দেখলি তো ভাত চারটেও আর খেলেন না।

লক্ষণ ॥ কিন্তু রাজুকে পেলে ঠিক খেতেন। তুমি দেখনি মা, ওর জিত
দিয়ে জল পড়ছিল—হ্যাঁ মা, তোমার আঁচার দেখলে যেমন আমার
জিভে জল আসে।

কণাবর্তায় দুর্গা অত্মমনস্ক হইয়া পড়িয়াছিল—এই
সুযোগে খাসীটি পরাণের পরিত্যক্ত ভাতের থালায়
মুখ দিয়া উহার সন্ধ্যবহারে তৎপর হইল—এমন সনয়
হঠাৎ ঘটনাতলে প্রবেশ করিয়া বৃক্ষের পুত্র অর্জুন এই
দৃশ্য দেখিতে পাইল।

অর্জুন ॥ এই—এই—হট্—হট্ ! আ মোলো বা ! দুর্গা, দুর্গা ! রাজা
ভাত খেয়ে গেল !

দুর্গা ॥ এই দেখ ! বাবা যদি ফিরে আসেন, কি খেতে দেব ? লক্ষণ,
কতবার বলেছি, রাজাকে বেঁধে রাখবি। কোথায় গেল ? দেখ
শেয়ালে আবার না ধরে।

কৃষ্ণাণ

লক্ষণ ॥ ও এমন ছুটেতে জানে—শেয়ারের বাবাও ওকে ছুঁতে পারবে না। দেখছি আমি।

চলিয়া গেল

অর্জুন ॥ বাবা কি না খেয়ে চলে গেছেন ?

দুর্গা ॥ সেই এক গোঁ—সাবেক কুয়ার জল চাই।

অর্জুন ॥ আমি তো তোমায় বলেছি, নতুন কুয়ার জল দিবেই বোলো—
সাবেক কুয়ার জল।

দুর্গা ॥ মিথো আমি বলতে পারব না। আর, ব'লে লাভও নেই,—
জল মুখে দিলেই তিনি বুঝতে পারেন। বাবার একবার খোঁজ
করবে না ?

অর্জুন ॥ মজি হ'লে তিনিই আসবেন, নইলে পায়ে ধ'রেও আমি তাঁকে
আনতে পারব না। খুঁজে লাভ কি ?...চল, খেতে দে'ব চল।

*

*

*

*

গভীর রাত্রি। পত্নীপুত্র সহ অর্জুন স্থপ্তিমগ্ন।

সংসা বাহিরে একটা শব্দ শুনিয়া দুর্গার ঘুম ভাঙ্গিয়া
গেল।

দুর্গা ॥ ওগো ! ওগো ! শুনছ ?

অর্জুন ॥ (তন্দ্রাস্রবে) উ ? কি হ'ল ?

দুর্গা ॥ ঐ শোন, কে যেন গোঙাচ্ছে !

অর্জুন কান পাতিয়া শুনিল

অর্জুন ॥ তাইতো ! কে ?

দরজা পুলিয়া ক্ষতপদে বাহিরে আসিয়া অর্জুন
দেগিতে পাইল, প্রাঙ্গণে পড়িয়া কাতর আর্তনাদ
করিতেছে তাহার বৃদ্ধ পিতা ! অর্জুনের পিছনে দুর্গাও

আসিয়া দাঁড়াইল। বৃদ্ধের আর্জনাৎ একই ভাবে
চলিতেছিল—

পর্যাণ ॥ উঃ ! আ—আঃ—

অজ্জুন ॥ এ কি, বাবা ! কি হইবে ? তোমাকে মেরেছে ? কে
মেরেছে ? কে মেরেছে ?

বৃদ্ধ বৃদ্ধের নিকটে বাসনা পড়িয়া শুশ্রূষা করিতে লাগিল

পর্যাণ ॥ মহাজনের লোক রে—মহাজনের লোক !

অজ্জুন ॥ কতবার তোমাকে বলেছি, ও আর আমাদের বাড়ী নয়—
ওখানে তুমি বাবে না ; তবু কেন তুমি ওখানে মরিতে যাও ?

পর্যাণ ॥ জল খেতে—জল খেতে। ও-কুয়োর জল ছাড়া যে আমার
তেষ্ঠা মেটে না রে—

অজ্জুন ॥ এখন মিটেছে তো ! এস, ঘরে চল -

পর্যাণ ॥ আমি বাব না তোর ঘরে। বুড়ো বাপকে একটু জল দিবে
ঠাণ্ডা করতে পারিস না—অথচ তৌদেবই জন্তে আমার সব গেছে
ঐ মহাজনের হাতে। না, আমি বাব না।

অজ্জুন ॥ কে তোমায় বলিছিল ধার-কর্জ করতে ?

পর্যাণ ॥ (উন্মাদের হাসি হাসিয়া) কে বলেছিল ! ..ধার করবে না !...

ধারের বোঝা ঘাড়ের নিয়ে আমরা জন্মাই—ধার ক’রে আমরা বাঁচি—
আর এই দেনার দায়েতেই আমরা মরি। খাটতেও কসুর করিনে।
সকাল থেকে সন্ধ্যা মাথার ঘাম পায়ে ফেলে চাষবাস করি, ফসলও
ফলে—সোনার ফসল ; তবু আমান বলতে আমাদের কিছুই নেই—
বাড়ভাঙা খাটুনির মজুরীতে আসল শোধ হয় না। (একটু দম
লইয়া) নিক, ওরা যত পারে নিক ; কিন্তু ওটা আমার সাত পুরুষের
ভিটে—ঐ বাড়ীতে আমি জন্মেছি, আমার বাবা চোখ বুজেছে,

কৃষা

মা শেষ নিঃশ্বাস ফেলেছে, তুই ওখানে হয়েছিস। আমার সাত পুরুষের মাটি। তুই ওদের বলিস অর্জুন, আর কিছু না—আমায় ঘেন ওরা ঐ মাটিতে মরতে দেয়।

*

*

*

গোষ মাসের শেষ ভাগ। এবার ধানের ক্ষেতে সোনা ফলিয়াছে। কল্যাণপুর গ্রামের কৃষককুল নারা বছরের হাড়ভাঙ্গা পরিশ্রমের সার্থকতায় মনের আনন্দে মাতিয়াছে। ধান কাটার পালা শুরু হইয়াছে—ধানের ক্ষেতে গ্রামবাসিগণের আজ আনন্দ-নেলা। বৃদ্ধ পরাণ মণ্ডল আসিয়াছে সপরিবারে—অর্জুন, দুর্গা লক্ষ্মণ, এমন কি পুর্বোক্ত খাসীটিও বাদ যায় নাই। কৃষক-পরিবারের এই সময়টির মত আনন্দ ও উৎসবের দিন আর নাই;—ইহারই প্রতীক্ষায় তাহারা সারাটি বছর ধরিয়া সাগ্রহে দিন গণিতে থাকে।

দেখা যাইতেছে, বৃদ্ধ পরাণ গাছতলায় বসিয়া হাঁকা হস্তে মনের সুখে ধূমপানে রত। এদিকে খাসীটি ধান খাইতেছে।

জৈনক কৃষক ॥ হাড়হাৰাতে বুড়ো, বলি চোখের মাথা খেয়েছ? এদিকে খাসীতে যে ধানগুলো সাঁবাড় করে দিলে!...এই শালা, ভাগ্!

পরাণ ॥ খেতে দে, খেতে দে বাবা, খাসীতে আর কত খাবে। খাসীতে না খায়, মহাজনেই খাবে। ও একই কথা।

দুর্গা একটি একটি করিয়া মাটিতে গড়া ঝরা ধানগুলি সম্বন্ধে আঁচলে তুলিয়া লইল এবং লক্ষ্মণ ধানের বোঝা মাথায় উঠাইয়া বাড়ীর দিকে চলিবার উপক্রম করিল।

দুর্গা ॥ লক্ষণ, দেখছিস তো বাবা—ঐ তো ধান রয়ে গেছে। ধান ফেলে যেতে নেই বাবা। খুঁটে খুঁটে তুলে নে।

হঠাৎ সকলে দেখিতে পাইল, মহাজন আদালতের পিওন সহ সদলবলে তাহাদের দিকে আসিতেছে—
পুরোভাগে মহাজনের গোমস্তা হর্যোধন।

হর্যোধন ॥ এই, দাঁড়াও! ধান নিয়ে দ্বিবি স'রে পড়ছ যে!

মহাজন ॥ তা ধানগুলো আর কষ্ট ক'রে মাথায় বইছ কেন বাবা!

গাড়ী এনেছি তো! দে বাবা তুলে দে!

অর্জুন ॥ বাঃ রে, গাড়ীতে তুলে দেব মানে?

হর্যোধন ॥ (পিওনের প্রতি) চুপ ক'রে রইলে কেন হে? বাবাজীবনকে মানেটা ভাল ক'রে বুঝিবে দাঁও তো!

পিওন ॥ সাতশ' পচাত্তর নম্বর টাকার মামলায় মহাজন বৃদ্ধির সামন্ত তোমার এই ধান অগ্রিম ক্রোক করেছে! এই ধান অগ্রিম ক্রোক হ'য়ে রইল।

পিওনের নির্দেশে মহাজনের লোক ধানের বোঝা অর্জুনের মাথা হইতে নামাইয়া গাড়ীতে উঠাইলে বেচারি নির্বাক-ক্লেভে তাহাদের মুখের দিকে তাকাইয়া কেবল একটি দীর্ঘনিঃশ্বাস ফেলিল। তাহার অন্তরের অন্তস্তল হইতে যেন একটি অক্ষুট শব্দ বাহির হইয়া আসিল 'হা ভগবান'। একান্ত অসহায়ের মত অঞ্চলের ধান কয়টি বুক চাপিয়া ধরিয়া ভয়ে ও দুঃখে দুর্গা কাঁদিয়া ফেলিল। আর, বৃদ্ধ পরাণ আশাভঙ্গের নিদারুণ ক্লেভের জ্বালায় বুকভাঙ্গা কান্নার নামাস্তর একপ্রকার অদ্ভুত অটহাসির শব্দে সকলকে সচকিত

কৃষাণ

করিয়া মর্দঙ্গশী ও অসংলগ্ন ভাবায় বাহা ব্যক্ত করিল
তাহা একমাত্র তাহার মত হতভাগ্য কৃষকের
পক্ষেই সম্ভব।

পরাণ ॥ হাঃ হাঃ হাঃ ! বলেছিলাম না যে, আমাদের ধান হয় খাসীতে
খাবে, না হয় মহাজনে খাবে ! জমি যে চষবে সে খাবে না। তোল
বাঁকা তোল, গাড়ীতে ভাল ক'রে সাজিয়ে দে। বল হরি হরিবোল !

দুর্যোধন ॥ আ মরণ ! পাগলটার কাণ্ড দেখ !

পরাণ ॥ তা আমাকে এমনি ক'রে ক্রোক করবে বাঁকা ? আমায় তোমার
গাড়ীতে তুলে, আমার—না না—তোমার ভিটেয় নিয়ে মাটি দেবে ?
আমি যে সেই দিনটিরই পথ চেয়ে ব'সে আছি।

হাউ হাউ করিয়া কাদিয়া উঠিল

অর্জুন ॥ আদালতের পিওন ! অগ্রিম ক্রোক !! কিন্তু—কিন্তু—সারা
বছর আমরা কি খাব, মহাজন ?

মহাজন ॥ সে ভাবনা ভাবিসনে অর্জুন—আমি বেঁচে থাকতে তোদের
ছ'মুঠো ভাতের অভাব হবে না। তবে, ত্রাণ্য পাওনা ছেড়ে দিই
কি ক'রে বল ? আদালত রয়েছে—অবিচার কিছু হবে না। আরে
যাঃ, ব'সে পড়লি যে ? আরে হবে, হবে। তোদের বাঁচিয়ে না
রাখলে আমি বাঁচব কি ক'রে ?

পরাণ ॥ তোমার-আমার ভালবাসা—

যেন হিঁদুর ঘরে পাঁঠা পোবা।

ক্ষোভের হাসি হাসিয়া উঠিল

মহাজনের লোকজন ও গাড়ী চলিতে লাগিল—একটু
দূরে থাকিয়া তাহারই পিছনে পিছনে রওনা হইল
পরাণ মণ্ডল সপরিবারে গ্রাম্যপথ ধরিয়া। এই পথের

মধ্যে দেখা গেল, ধান-বোঝাই একখানি চলন্ত গরুর
গাড়ীর উপরে সুখাসনে বসিয়া আছে হুর্গার
প্রতিবেশিনী কুঞ্জলী। গাড়ীর চালক তাহার স্বামী
গণেশ মণ্ডল স্বয়ং। হুর্গা নিকটে আসিলে নিজের
পদমর্যাদা ও সৌভাগ্যে গর্বিতা গণেশ-ঘরগী সখীর
মনে দীর্ঘ-উজ্জেকের উদ্দেশ্যে প্রচ্ছন্ন বিদ্বেষ করিয়া
কহিল—

কুঞ্জলী ॥ কি ভাই পটের বিবি, তোমাদের ধান বুঝি, ভাই, হাতীর
পিঠে ক’রে আসছে ? তা ভাল—অনেক ধান কিনা—

হুর্গা নিরন্তরে পথ-চলিতে লাগিল

*

*

*

*

মহাজন বুধিষ্ঠির সামন্তর গোলাবাড়ীর প্রান্তর। সুপীকৃত
ধানের রাশিকে কেন্দ্র করিয়া ভাগচাষীরা বুড়ু
ভিকুরের মত ভীড় জমাইয়া বসিয়া আছে—তাহাদের
নিজ নিজ অংশের ধানের প্রত্যাশায়। ধূলিমলিন
দণ্ডরটি লইয়া মহাজনের গোমস্তা হুর্ঘ্যোদন গভীর
মনোবোগ-সহকারে ধানের সূক্ষ্ম হিসাব-নিকাশে ব্যস্ত।

হুর্ঘ্যোদন ॥ কুড়োবা কুড়োবা কুড়োবা লিঙ্গে

কাঠায় কুড়োবা কাঠায় লিঙ্গে—

হারাদন, তোমার ভাগে এই হ’ল গিয়ে—হু’মণ দশ সের
সাত ছটাক—

হারাদন ॥ কিন্তু আমি তো দশ মণ ধান তুলেছি হুজুর ? আমার ভাগে
তো হিসেবমত পাঁচমণে গিয়ে দাঁড়ায়।

হুর্ঘ্যোদন ॥ গত বছরের মূল বল ছেড়ে দিই !—রামরাজ্য ক’রে দিই !

কৃষাণ

কিন্তু ব্যাটা, আমি ছাড়লেও তো হিসেবে ছাড়বে না—আদালত ছাড়বে না,—বুঝলি? সেই তো আবার খাবার নেই ব'লে ধান চাইতে আসবি। তখন?

জারাদন ॥ তা দাও বাপু—তোমাদের হিসেবেই যা দেবার হয় দাও। তোমাদের দেনা—ও কোনকালে শোধ হবেও না। মিছে বাজে বকি।

দুর্ঘোষন ॥ বুছেছিস? বেশ বেশ! এই চিঠু'নে। ওখানে দেখিয়ে ধান নিয়ে যা। হ্যাঁ, এবার নকুল মণ্ডল এস।

নকুল-নামধারী ব্যক্তিটি হুজুরে হাজির হইল। তাহার জীর্ণ বেশ ও ম্যালেরিয়া-প্রভাবে শীর্ণ কঙ্কালসার দেহ—স্বরহৎ স্নীহার পরিপূর্ণ ক্ষীত উদর।

ও বাবা! এ-যে ঘাটের মড়া রে! তা তুই ধান নিয়ে কি করবি? সঙ্গে ক'রে ঘাটে নিয়ে যাবি?

নকুল ॥ সেই আশীর্বাদই কর বাবা—যেন শিগ্গির-শিগ্গিরই ও-পথে যাত্রা করতে পারি! অদেষ্ঠর কথা আর ব'লে লাভ কি?—

দুর্ঘোষন ॥ থাক থাক হয়েছে।...তা দেখছি, এক বিঘে মাটি চ'বে ধান দিয়েছিস মোটে চার মণ। তোর ভাগে হবে দু'মণ। সূদের বাবদ কাটা যাবে—

কুড়োবা কুড়োবা কুড়োবা লিজে

কাঠায় কুড়োবা কাঠায় লিজে—

তা হ'লে থাকছে গিয়ে—উইঃ, তোর ভাগে তো শূন্য ছাড়া আর কিছুই থাকছে না।

নকুল ॥ কিন্তু, কি খাব বাবা? যে ক'টা দিন ঝিচি দু'মুঠো খেতে দাও বাবা।

দুর্ঘোষণ ॥ দিই কি ক'রে ? এই তো সামনে আসছে বুড়োশিবের মেলা ॥ জুয়া খেলে, তাড়ি খেয়ে সবই তো উড়িয়ে দিবি। কে জানে বাবা, হয়তো তার আগেই পটল তুলবি। পাওনা আদায় করতে হ'লে আমাকেই যে তোর পিছু পিছু স্বর্গে যেতে হবে বাবা। না না, ধান-টান আর হবে না। দেনা-পাওনা সব চুকে গেল—যা বাড়ী যা।

নকুল ॥ কিন্তু হিসেবটা...

দুর্ঘোষণ ॥ হিসেব আবার তুই কি বুঝবি ?

কুড়োবা কুড়োবা কুড়োবা লিজ্জ

কাঠায় কুড়োবা কাঠায় লিজ্জ—

কি বুঝলি ? যা যা, এখন কাজের সময় ঝামেলা করিসনে। ওহে অর্জুন, এস বাবা এস। তা তোমার নিজের জোতের ধান তো অগ্রিম ক্রোক হয়েছে। আমাদের যে জোত ভাগচাব করেছ তাতে তোমার পাওনা ডাচ্ছে ছ'মণ। হিসেবটা বুঝিয়ে দেব কি ? অর্জুন ॥ না থাক্। আপনার হিসেব আর এ জন্মে বুঝব না। এখন কি দিচ্ছেন দিন—দিন।

দুর্ঘোষণ ॥ ওই, ছ'মণ। এই নাও চিঠ্।

*

*

*

গ্রামাপথ ধরিয়া চলিয়াছে অর্জুনের ধানের গাড়ী।
গাড়ীর উপরে বসিয়া আছে অর্জুন। নকুল গাড়ীর
সঙ্গে চলিয়াছে নিজ অদৃষ্টকে ধিকার দিতে দিতে—
তাহাকে অনাহারে মরিতে হইবে।

অর্জুন ॥ তা, যে দু'দিন বাঁচিস, না খেয়ে মরবি কেন ?

কৃষ্ণাণ

নকুল ॥ কি ক'রব ? এক দানা ধানও যে দিলে না !

অর্জুন ॥ ওরা দেয়নি, আমি দিচ্ছি—

নকুল বিস্মিত হইল । এ কি কথা কহিতেছে অর্জুন ?

মহাজন তাহার দুঃখ বুঝে নাই—যাহার অনেক

আছে ; কিন্তু অর্জুন বুঝিয়াছে—যে তাহারই মত

দুঃখী । নকুলের শুষ্ক চক্ষু জলে ভরিয়া উঠিল ।

নকুল ॥ তুমি দেবে ? তোমার কি ক'রে চলবে ?

অর্জুন ॥ তোর যে ভাই একেবারেই চলবে না । চলবে না কান্ধরই ;

তবু যে দুটো দিন পারি, এক সঙ্গেই চলুক ।...বুড়োশিবের মেলায়
বাচ্ছিস তো

নকুল ॥ আমি ! মরতে ব'সে সখ !

অর্জুন ॥ আরে, আমাদের বিনে-পরসার সখ । চোখ দিয়ে দেখা ।

চোখ দুটো মহাজন এখনো কেড়ে নেয়নি । যাস, বুঝলি ?...এই
যে, ধান নে ।

নকুলের মাথায় ধানের বস্তা তুলিয়া দিল

*

*

*

*

বিখ্যাত বুড়োশিবের মেলায় রকমারি চমকপ্রদ
দৃশ্যাবলী—যে কোন লোকের দৃষ্টি আকর্ষণ করে ।
সারি সারি হুসজ্জিত দোকান-পশারার তাঁবু । কোথাও
বাঁদর-নাচের ধুম, কোথাও বা নাগরদোলার খেলা—
আবার ওদিকে দেখা যাইতেছে গাজনের সং সাজিয়া
নাচিয়া গাহিয়া বেড়াইতেছে একদল লোক—তাহাদের
পিছনে কোঁতুহলী বালক-বালিকার আনন্দ-উল্লাস ।
মহা মুন্ডিলে পড়িয়া গিয়াছে আজ এই ছেলে-মেয়েরা,
কারণ চক্ষু যে তাহাদের প্রত্যেকের সঙ্গে মাত্র দুইটি

করিয়া। এই সব মনোহারী দৃষ্টাবলীর কোনটিকে বাদ দিয়া কোনটিকে দেখিবে ইহাই দাঁড়াইয়াছে তাহাদের মহাপ্রসঙ্গের বিষয়। এদিকে থাকিলে ওদিকে ফুরাইয়া যায়—এমনি অবস্থা তাহাদের, অথচ মনের অভিপ্রায় সব-কিছুই দেখিবার। গ্রাম্য কৃষক-রমণীগণের মনে আজ স্থানান্তরের বান ডাকিয়াছে—অগত্যা প্রসাধন ও বেশভূষা তাহাদের সর্বোচ্চ। নিজ নিজ অলঙ্কার ও শাড়ীর বাহার দেখাইবার এমন সুবর্ণ-সুযোগ আর তাহাদের কবে মিলিবে !

দেখা গেল, মেলায় নদ্য দিয়া এদিকে আঁগিতেছে কল্মিগী ও দুর্গা।

কল্মিগী ॥ কি ভাই, খালি-হাতে যে ? এখনও কিনিসনি কিছুই ?

দুর্গা ॥ কি আর কিনব ?

কল্মিগী ॥ আমিও ভাই তাই বলছিলাম। তোমার দেওর তো কিছুতেই শুনবে না ! কি কিনছে আর কি না কিনছে—বাসন থেকে স্বরূপ ক’রে মায় চুড়ি আংটি মাথার কলিপ্। নালাস্বরীতে আনায় ভালো দেখায় ব’লে মিন্‌সে এখন সারা মেলায় নালাস্বরী খুঁজে বেড়াচ্ছে। পারিনে ভাই, আর সামলাতে পারিনে—

দুর্গা ॥ হ্যাঁ, সে তো জানি—গণেশ-ঠাকুরপো যে কল্মিগী বলতে অজ্ঞান !

কল্মিগী ॥ হ্যাঁ, তুমি যেমন তোমার সোয়ামী বলতে অজ্ঞান। আমি তো তাই বলি, রূপ ধুয়ে যদি পারিস জল খেয়ে নে !...যাই ভাই, দেখি আবার মেলাতুচ্ছ না কিনে বসে।

উভয়ে অস্থানিক প্রস্থান করিল

*

*

কৃষ্ণাণ

নাগরদোলাওয়ালা উচ্চ চীৎকার করিয়া লোকের ভীড়
জমাইতেছে আর ঘণ্টা বাজাইতেছে। ওদিক হইতে
ছুটিয়া আসিল লক্ষ্মণ—তাহার আনন্দ ও বিস্ময়ের সীমা
নাই। তাহাকে নাগরদোলায় চড়িতেই হইবে—এ
স্বযোগ হারাইবার পাত্র সে নয়—কখনই নয়।

নাগরদোলাওয়ালা ॥ (ঘণ্টা বাজাইতে বাজাইতে) চ’ড়ে যাও—চ’ড়ে
যাও—বন্ বন্ বন্ ঘুরে যাও—

লক্ষ্মণ ॥ ক’ পয়সা ?

নাগরদোলাওয়ালা ॥ (লক্ষ্মণের দিকে তাকাইয়া) ক’ পয়সা—
চার পয়সা ।

লক্ষ্মণ পয়সা তাহার হাতে দিয়া দোলায় গিয়া বসিল—
উহা একটু নড়িয়া উঠিতেই বালক ভয়ে ও বিস্ময়ে
অভিভূত হইয়া দোলাটি ছই হাতে শক্ত করিয়া চাপিয়া
ধরিল। দোলা একপাক ঘুরিতেই তাহার সাহস
বাড়িয়া গেল—তখন আনন্দে উচ্ছ্বসিত হইয়া সে
হাসিতে লাগিল ! ঘণ্টা-সহকারে নাগরদোলাওয়ালার
পেটেন্ট চীৎকার সমভাবে চলিতে লাগিল—“চ’ড়ে
যাও—চ’ড়ে যাও—বন্ বন্ বন্ ঘুরে যাও—চার
পয়সায় পক্ষীরাজ চড়ে!”—ইত্যাদি

*

ওদিকে দেখা গেল, অজুন ও দুর্গা এক খড়মের
দোকানের সম্মুখ দিয়া চলিয়াছে—দুর্গা ঐ স্বদৃশ
খড়মের রাশি দেখিয়া ধামিল ও নিকটে গিয়া
একজোড়া হাতে লইয়া দেখিতে লাগিল।

অৰ্জুন ॥ এ কি, খড়ম দেখছ যে ?

দুৰ্গা ॥ হ্যাঁ, এমনি একজোড়া খড়মের আমার অনেক দিনের সখ ।

অৰ্জুন ॥ খড়ম পরবে তুমি ? ও বাবা, কোন্ দিন হয় তো গুনব
মেয়েমাহুসরাও গোঁফ-দাড়ি রাখছে !

দুৰ্গা ॥ পায়ে দাও তে

অৰ্জুন ॥ তার মানে ?—আমি—

দুৰ্গা ॥ পরোই না ।

অৰ্জুন খড়ম পায়ে দিল—দুৰ্গা বসিয়া পড়িয়া পায়ে
ঠিক হইয়াছে কিনা পরীক্ষা করিতে লাগিল ।

দোকানী ॥ ঠিক হয়েছে—চমৎকার মানিয়েছে, মণ্ডলের পো ।

দুৰ্গা ॥ কত দাম ?

দোকানী ॥ তা সস্তা ক'রেই দিচ্ছি । খড়ম এর চেয়ে সস্তায় আর এ
মেলায় পাবে না । দেড়—

অৰ্জুন ॥ দেড় ! আনা না টাকা ?

দুৰ্গা উঠিয়া দাঁড়াইল

দোকানী ॥ দেড় আনায কাঠের খড়ম হয় না, একজোড়া খড়ের খড়ম
হতে পারে ।

অৰ্জুন ॥ বটে ? তা হ'লে থাক্ তোমার খড়ম । বুঝলে দুৰ্গা, আমি
বরং জুতোই একজোড়া কিনব ! চল ।

নিরাশ হইয়া উভয়ে অন্তদিকে প্রস্থান করিল

দোকানী ॥ ইস্ ! খড়ম কেনবার মুরোদ নেই—কিনবেন জুতো !

এক শাখার দোকানের সম্মুখে আসিয়া ষামিল
অৰ্জুন ও দুৰ্গা ।

কুমাণ

অৰ্জুন ॥ দেখি দেখি, শাঁখা দেখি ।

দুৰ্গা ॥ না, আগে তোমার জুতো কেনো, তারপর শাঁখা কিনব ।

অৰ্জুন ॥ আগে শাঁখা কেনো, তারপর জুতো কিনব ।...এ জোড়া—

দুৰ্গা ॥ না না, এ জোড়া নয়, এ তো খুব ভাল—অনেক দাম হবে—

অৰ্জুন ॥ আরে, একজোড়া শাঁখা—তার আবার কত দাম ! কৃষ্ণিণী

পরতে পারে আর তুমি পরতে পারবে না ? নাও—পরো ।

দুৰ্গা ॥ না, আগে দামটা জিজ্ঞেস করো ।

অৰ্জুন ॥ ও মশাই, এ জোড়ার দাম ?

দোকানী ॥ ও সাচ্চা কাজ—আসল ঢাকাই—দাম সাড়ে তিন টাকা ।

অৰ্জুন ॥ তা হোক—আমার বেশ পছন্দ হয়েছে—তোমাকে পরতেই হবে দুৰ্গা ।

দুৰ্গার হাতে শাঁখা দিল

(দোকানীকে দাম দিতে দিতে) রাম, দুই, তিন—এই নিন সাড়ে তিন টাকা ।

দুৰ্গা ॥ না না, দাঁড়াও, এ আমার হাতে হচ্ছে না ।

দোকানী ॥ হচ্ছে না ? এই তো চমৎকার ফিট করেছে ।

দুৰ্গা ॥ নাঃ, আমার হাতে লাগছে ।

অৰ্জুন ॥ কোথায় আবার লাগছে ?

হাত দুখানি ধরিয়! দেখিতে লাগিল

দুৰ্গা ॥ আমি বলছি লাগছে । আমায় বরং ঐ জোড়া দিন ।

অৰ্জুন ॥ ও তো বাজে জিনিষ—ও আমার পছন্দ হয় না । তা হ'লে চল—অল্প দোকানেই চল ।

দাম ফেরত লইয়া তাহার! প্রস্থান করিল

দোকানী ॥ (সহকারীর প্রতি) হুঁ ! লাগছে কোথায়, বুঝলে হে ?
সহকারী ॥ তা আর বুঝিনি ? হাতে নয়, লাগছে মোড়লগিরীর ট্যাঁকে !

অৰ্জুন ও দুৰ্গা এক বাঁশীর দোকানের সম্মুখে আসিতে,
অৰ্জুন দুৰ্গাকে কহিল—

অৰ্জুন ॥ এইখানে তুমি একটু দাঁড়াও তো দুৰ্গা, আমি লক্ষণকে ডেকে
নিয়ে আসি ।

দুৰ্গা ॥ বাঃ, আমি একা একা দাঁড়িয়ে থাকব ?

অৰ্জুন ॥ একা আবার কেন, ত্রৈ তো কুন্সীণী এদিকে আসছে ।
দাঁড়াও, এক্ষুনি আসছি ।

অতঃপর প্রথান করিল

কুন্সীণী ॥ (নিকটে আসিয়া) কি ভাই, শাঁখা কিনলে বুঝি ?

দুৰ্গা ॥ না ভাই, পছন্দ হ'ল না ।

কুন্সীণী ॥ (নিজের হাত দেখাইয়া) আমার এই শাঁখাও পছন্দ
হ'ল না ?

দুৰ্গা ॥ তা হয়তো হ'ত, কিন্তু হাতে লাগল না ।...ওমা ত্রৈ তো লক্ষণ !

লক্ষণ আসিয়া মাকে জড়াইয়া ধরিয়া কহিল—

লক্ষণ ॥ আমি বাঁশী নেব মা । মা গো—

দুৰ্গা ॥ নিবি বৈকি বাবা । (দোকানীর প্রতি) কত দাম ?

বাঁশীওয়াল ॥ চার পয়সা । এইখানে এসো-না ।

লক্ষণ দুৰ্গাকে টানিয়া লইয়া চলিল

কুন্সীণী ॥ (হাসিয়া) ইস্, লক্ষণের আর তর সইছে না !

লক্ষণ ॥ (দোকানীর প্রতি) একটা বাঁশী দাঁও তো ভাল দেখে ।

বাঁশী হাতে পাইয়া বাজাইতে শুরু করিল

কুবাণ

*

*

*

*

ওদিকে পূর্বোক্ত শাঁখার দোকানে আসিয়া হাজির
হইল অর্জুন। লক্ষ্মণকে খুঁজিতে যাওয়ার অর্থই
হইল—দুর্গার অজ্ঞাতসারে পুনরায় এইখানে আসা ও
তাহার জন্ত সেই শাঁখাজোড়াটি খরিদ করা।
দুর্গার জ্ঞাতসারে তো উহা কিনিবার উপায় নাই।
উঃ কী ভীষণ কুপণ দুর্গা !

অর্জুন। (দোকানীকে) না মশাই, পাওয়া গেল না। ঐ জোড়াই নিতে
হবে। এই নিন—সাড়ে তিন টাকা।

*

*

*

*

ঠিক এমন সময় এদিকে আর একটি বিপরীত ব্যাপার
ঘটিতে দেখা গেল। দুর্গা লক্ষ্মণের সহিত পুনরায়
আসিয়াছে ঐ সেই খড়মের দোকানে—উহা অর্জুনের
অজ্ঞাতসারে কিনিবার উদ্দেশ্যে। অর্জুনের জ্ঞাতসারে
তো উহা কিনিবার নাম করিতে পারিবে না ! বাবাঃ,
কী যে শক্ত ঐ লোকটি, দুর্গা তাহা ভাবিতেও
পারে না।

*

*

*

*

কুবক-দম্পতির এই লুকোচুরির পালা শেষ হওয়ার
পর অর্জুন এইমাত্র দুর্গার নাগাল পাইয়াছে একটা
খেলনার দোকানের সম্মুখে। পূর্বোক্ত ঘটনা উভয়েই
গোপন রাখিয়াছে আর দুইজনের মাথায় একই রকম
কল্পনা যে, সময় হইলে একে অপরকে একেবারে
অবাক করিয়া দিবে। সে যাহা হউক, ঐ খেলনা
দেখিয়া লক্ষ্মণের মনের অবস্থা এখন বর্ণনাতীত।

গায়ের দীক্ষু কুমোরের হাতের তৈরী মাটির হাঁস, মাটির সাহেব ও বুড়োবুড়ি—অনেক রকম খেলনাই সে দেখিয়াছে ; কিন্তু কলের মেমসাহেবের পেট টিপিলে বিড়ালছানার মত মিউ মিউ শব্দ করে, চোখ পিটু পিটু করে—এমন অসম্ভব কথা কে কবে ভাবিতে পারিয়াছে ? তাহাকে উহার একটা কিনিয়া দিতেই হইবে—মা'র অঞ্চল ধরিয়া সে একেবারে দুর্ব্বার হইয়া উঠিয়াছে। তাহাকে শাস্ত কারিতে যথাসাধ্য চেষ্টা করিতেছে অর্জুন।

অর্জুন ॥ দেখ্—ঐ বাঘ, ঐ হরিণ, ঐ মোটর, ঐ রাধাকৃষ্ণ, ঐ বন্দুক—
তো'র যা খুসি কেন্। ওসব দামী কলের খেলনা আমাদের জন্তে
নয় বাবা—শুধু চোখ ভ'রে দেখে নে।

লক্ষণ ॥ ছাই ! এ মাটির ! চাই না আমি ! মা গো—

দুর্গা ॥ মাটি হচ্ছে লক্ষ্মী, বুঝলি লক্ষণ ? দেখিসনি, মাটিতে কি সোনার
ফসল ফলে ?

লক্ষণ ॥ না, আমি দেখব না, নেব না—কিছু করব না—

অর্জুন ॥ নিবিনে তো নিসনি। কথায় বলে—গরীবের ছেলের আবার
ঘোড়ারোগ—তো'র হয়েছে তাই।

দুর্গা ॥ নেবে, লক্ষণ নেবে। নাও বাবা, তোমার বেটা পছন্দ হয় নাও।

ঐ যে দেখ্—ওদিকে আবার মেঠায়ের দোকানে ওরা কত কি খাচ্ছে !

সত্যি তো !—এই সব তাজ্জব ব্যাপার দেখিয়া লক্ষণ
স্বধাতুকর কথা ভুলিয়াই গিয়াছিল, তাই এ
দোকানের কাজ দ্রুত শেষ করিয়া এবার একাই
ওদিকে ছুট দিল। অর্জুন ব্যস্ত হইয়া তাহার পশ্চাৎ
অনুসরণ করিল। কিছুক্ষণ পরে দুর্গা অগ্রপথ ধরিল।

কৃষাণ

*

*

*

*

তাড়ির দোকানে বসিয়া পরাণ মণ্ডল ও তৎব্রাতৃশূত্র
গণেশ দস্তরমত আসর জমাইয়া তুলিয়াছে।

গণেশ ॥ রসটা কিছু অবর কড়া, কি বল খুড়ো ?

বেশ একটু গোলাপী নেশায় খুড়োর চক্ষু মুজিত—
মাথা নাড়িয়া ইঙ্গিতে জানাইল যে, এ বিষয়ে তাহার
মন্তব্য নাই।

পরাণ ॥ (চোখ খুলিয়া) হ্যাঁ বাবা গণেশ, দাঁও তো বাবা আর একটু
—এই তোমার গিয়ে, লক্ষ্মী ছেলের মত।

গণেশ ॥ (ভাঁড় তুলিয়া) কিছু ফুটিয়ে গেছে।

ভাঁড় সহোরে বিক্ষিপ করিল

পরাণ ॥ আ-হা-হা—

গণেশ ॥ আ-হা-হা কেন ? আবার খাব, তোমাকেও খাওয়াব। এই—
এই বাবা দোকানদার, লে-আও আর-এক ভাঁড়—কুচ্ পরোয়া নেই ;
তোমাকে খাওয়াব না তো খাওয়াব কি ঐ ছরোধান বাটাকে ?
আলবাৎ খাওয়াব—তুমি ওচ্চ আমার বাবার—

পরাণ ॥ ভাঃ। হেঁ-হেঁ-হেঁ !—হ্যাঁ দাঁও, খাব—একশ'বার খাব।

গণেশ ॥ এই নাও, খেয়ে চল তাড়াতাড়ি এখন।

পরাণ ॥ কেন, আবার কোথায় যেতে হবে ? এই তো খাসা
আছি বাবা !

গণেশ ॥ বাঃ খুড়ো, মনে নেই বুঝি—সেই গাজনের গান—

পরাণ ॥ ঠিক, ঠিক, কিন্ জলদি লাও ভাঁড়। আমি শিব মাজব—আমি
শিব মাজব—

গণেশ ॥ আর আমি সাজব পার্কী—এই যেমন তবলার পাশে বেয়ে !
হেঁ-হেঁ-হেঁ—

* * * *

ওদিকে দুর্গা দাঁড়াইয়া আছে এক স্তার দোকানের
সম্মুখে । নানা রংবেরংএর স্তার কেনা-বেচা
চলিতেছে । সে নিজেই কিছু স্তার কাটিয়াছে । তাহার
ইচ্ছা, ঐ স্তার গোছাটি বিক্রী করে দোকানীর কাছে ।

দুর্গা ॥ (দোকানীকে) আমার এই স্তরোটা বেচব । এটাও একটু
ওজন কর তো ।

* * * *

এদিকে অর্জুন ও লক্ষ্মণ সারা মেলায় খুঁজিয়া
বেড়াইতেছে দুর্গাকে

অর্জুন ॥ তোর মা কি তবে বাড়ী চ'লে গেল লক্ষ্মণ ? কোথাও যে তার
পাতা নেই—

লক্ষ্মণ ॥ ঐ দেখ বাবা, ওখানে কি হচ্ছে !

তাহারা একটু অগ্রসর হইয়া দেখিল, বড় রকমের
একটা জমকালো তাঁবুর সম্মুখে বিবন ভীড় । সেই
গাদাগাদি ভীড় হইতে নিজেকে বাঁচাইয়া একটু দূরে
দাঁড়াইয়া আছে দুর্গা । অর্জুন নিকটে আসিয়া
কহিল—

অর্জুন ॥ এই যে তুমি এখানে ! তোমাকে গরু-খোঁজা খুঁজিছি ।

দুর্গা ॥ চুপ, ঐ দেখ—কি ?

কুশাণ

দেখা গেল, একজোড়া অপূর্ণ হরপার্বতী উদ্দাম নৃত্য
স্থ করিয়াছে এবং তাহাকে কেন্দ্র করিয়া অগণিত
দর্শকের ভীড় জমিয়াছে পূর্বোক্ত ভাবুর সম্মুখে।
ভাবুর ভিতরে চলিতেছে বাঈজীর নাচগানের
মহোৎসব। দুর্গা অর্জুনকে কহিল—

দুর্গা ॥ যাও না, ভেতরে গিয়ে দেখেই এস না একবার।

অর্জুন ॥ দেখছ না ভেতরে পয়সা নিচ্ছে! এক টাকা ক'রে টিকিট—তা
আমাদের একদিনের খোরাকী। চল, আমাদের ও দেখে আর
কাজ নেই।

লক্ষণ ॥ না বাবা, আমি যাব না।

অর্জুন ॥ তবে থাক, আমরা কিছু চললাম।

এমন সময় ভাবুর ভিতর হইতে বাহির হইল কচ্ছপা

কচ্ছপা ॥ এই যে ভাই দুর্গা,—দেখে এলাম। টাকাটাই জলে
গেল। নাচ তো নয়—ঢলাঢলি। মিন্সেগুলো হাঁ ক'রে গিলছে।
তা সে-মিন্সে গেল কোথায়?

লক্ষণ ॥ বাবা, ঐ দেখ—সং দেখ।

কচ্ছপা ॥ ওমা, এ আবার কি? বুড়োশিব দেখছি একটা জুটিয়েছেন!
বা—বাঃ, বেশ দুর্গা গো সেক্ষেত্রে তো!

বুড়োশিব ও দুর্গার উদ্দাম নৃত্য

কচ্ছপা ॥ ও মা! তং দেখে বাঁচিনে! ওমা এটা কে গো!

দুর্গা-বেশী গণেশকে চিনিতে পারিল

—তবে রে মিন্সে!

তাহার শাড়ী ধরিয়া টানিতে লাগিল। শাড়ী খুলিয়া
আসিল। ভাগ্যে গণেশের কাপড় পরা ছিল—তাই
সংরক্ষা।

*

*

*

*

চায়ের দোকানে বসিয়া দর্শক ও ভক্তবৃন্দ বাদ্জীর
রূপগুণের প্রশংসায় মুগ্ধ হইয়া উঠিয়াছে। তাহাদের
বেশভূষা তাহাদিগকে তথাকথিত ভক্তলোক বলিয়াই
প্রমাণ করিতেছে।

জীবনবাবু ॥ আঃ মাইরি, কি গানই গাইলে ! প্রাণটাকে তরু ক'রে
দিলে।

সহদেব ॥ রতনবাদ্জীর চেয়ে বড় বাদ্জী আজকাল কলকাতাতেও নেই।
জীবনবাবু ॥ না, তা বলতে পার না। এর চেয়ে বড় গাইয়ে ঢের
ঢের আছে। তবে হ্যাঁ, এমন চেহারা নেই।

অদূরে দাঁড়াইয়া অর্জুন ইহাদের কথাবার্তা শুনিতেছিল

অর্জুন ॥ বাদ্জী তো শুনছি ভাল। গান জম্ছে কেমন ? সঙ্গত
কি রকম ?

অসিত ॥ আরে রাখো তোমার সঙ্গত,—মুখপানা দেখলেই পয়সা উণ্ডল।

*

*

*

*

রাত্রি প্রথম প্রহর। এইমাত্র সকলে মেলা হইতে
ফিরিয়াছে। অর্জুন দাওয়ায় বসিয়া দুর্গার সহিত
বিশ্রান্তালাপে রত।

দুর্গা ॥ মণ্ডলমশাই, এবার পায়ে দিন তো !

অর্জুন ॥ এ কি ! সেই খড়ম ? তুমি কিনেছ ? ও বুঝি—স্বতো
বিক্রী করে। কেন কিনলে ?

খড়ম পায়ে দিল

দুর্গা ॥ বাঃ, বেশ হয়েছে, দিকি মানিয়েছে ! স্বতো-কাটা আমার
সার্থক হ'ল।

কৃষাণ

চানরের খুঁট হইতে একখোড়া শাঁখা বাহির করিল
অজ্জুন ।

অজ্জুন । দেখি দুর্গা তোমাব হাতখানা ।

দুর্গাব হাত ধরিয়া

মণ্ডলগিরী, এবার হাতে পকুন তো !

দুর্গা ॥ একি ! সেই শাঁখা । তুমি কিনেছ ? কিন্তু এত দাম দিয়ে
কেন কিনলে ?

অজ্জুন এমনি—

দুর্গা ॥ তা জিনিষটা কিন্তু ভারী সুন্দর । দেখে আমাব সত্যি সখ
হয়েছিল ।

পরম পরিভ্রষ্ট দৃষ্টিতে দুর্গার মুখের দিকে তাকাইল
অজ্জুন

*

*

*

*

পরদিন সকালে অজ্জুন মাঠের দিকে চলিয়াছে চাষের
কাজে । দেখা গেল, বৃদ্ধ পণাণ এইমাত্র মেলা হইতে
ফিরিতেছে—কাল সারাদিন ও সারারাত্রির পর ।
শহর কগ প চেহারা ও সন্দ্বিজে চণকানি মাথা ।

অজ্জুন এই বুঝি মেলা থেকে ফিবছ ?

পণাণ ॥ হ্যাঁ, সাব্বারাত শিবের নৃত্য নেচেছি—আর প্রণামো পেয়েছি ।

একদিনের রোজগার কত শুনবি ?—বাইশ টাকা । কি দেশ রে
বাবা ! চাববাস কব, জমিদার-মহাজন লুটে খাবে । শিব সেজে
ব্যোম-ভোলানাথ হবে গাঁজায় মারে' দম, সেই ব্যাটারাই এসে ভক্তি-
ভরে পায়ে ধুলো নেবে—কাঁড়ি কাঁড়ি পয়সা দেবে আর বলবে—
'ধনে পুবে লক্ষ্মীস্বর কর বাবা' । নে বাবা, এই বাইশ টাকা নে,

আমি আবার মেলায় চললাম। নেচেফুঁদে ঘোম-ভোলানাথ হয়ে
বসে আছি।

চলিয়া গেল

এমন সময় জামদারের পাইক আসিয়া হাজির। এষ্ট
টাকা লেনদেনের কিছুই তাহার দৃষ্টি এড়ায় নাই।

পাইক ॥ কি হে মণ্ডলের পো, জমিদারের পাইককে দেখে সবাই তটস্থ
হয়ে ওঠে; অথচ তোমার দেখছি হুঁসই নেই—খাজনা দেবার নামটিও
নেই—অথচ মাঝপথে দাড়িয়ে খুব টাকা গুণছ! ব্যাপার কি?
টাকার গরম, না?

অজ্ঞান ॥ না না, সে কি?

টাকা লুকাইতে ব্যস্ত হইল

এই—এই—এক চরাতে বাচ্ছি খুড়ো—

পাইক ॥ আর আমি যে ঈদিকে তোমায় গুরু-খোজা খুঁজছি। তিন
কিস্তির খাজনা বাকি—জমিদারকে তো দিব্যি কাকি দিয়ে পালিয়ে
বেড়াচ্ছ। বাড়ীতে টাকা না রেখে—দেখছি ট্যাকে টাকা গুঁজে
রাখা হচ্ছে। চল—জমিদারের কাছারীতে চল; আজ আর
ছাড়াছাড়ি নেই বাবা—

অজ্ঞান ॥ আমি—আমি বথা দিচ্ছি খুড়ো—বিকেলে নিশ্চয়ই যাব।

পাইক ॥ আরে, ওরা ক'র পালাচ্ছে হে! আরে ঐ তো জগন্নাথ! ঐ
তো রামধন! ওহে হারামধন, আমার চোখে ধুলো দিয়ে কোথায়
পালাবে বাছাধনরা? তা হ'লে তুমি বিকেলে যেয়ো। ওদের আমি
ছাড়িনি।

*

*

*

*

কৃষাণ

স্বকোশলে জমিদারের পাইকের হাত এড়াইয়া মাঠে
কৃষকগণ কর্মব্যস্ত। কেহ জমিতে সার দিতেছে,
কেহবা মুগুর দিয়া জমির ঢিল ভাঙ্গিতেছে। তাহাদের
হাতেব কাজেরও যেমন অন্ত নাই, মুখেও তেমনি
মুগুরোচক গল্পের কোয়ারা ছুটিয়াছে।

১ম চাষী ॥ আরে, আমাদের নরনে কাল মেলার জুয়েয় দুশো টাকা
জিতেছে।

২য় চাষী ॥ বলিস কি ! নরনের কপাল তা হ'লে ফিরে গেল বল্। তাই
আজ মাঠে আসেনি দেখছি।

১ম চাষী ॥ আর মাঠে এসেছে ! দুশো টাকা পেয়ে ওর খাঁই আরো
বেড়ে গেছে। আজ নাকি আবার খেলবে।

৩য় চাষী ॥ নরনের বৌ আমার বৌকে বলেছে—নরনে নাকি কাল
সারারাত মাল টেনে মেলাতেই পড়েছিল।

৪র্থ চাষী ॥ মেলা থেকে বাড়ী ফিরবার সময় নরনের সঙ্গে দেখা—
বললে, ‘আজ ভাই সারারাত বাড়ীজীর নাচ দেখব’।

৫ম চাষী ॥ কি হে মণ্ডলের পো, আজ এত চুপচাপ যে ? বাড়ীজীর নাচ
কাল দেখনি তুমি ?

অর্জুন ॥ না, নাচ দেখবার পরস্য কোথায় ?

১ম চাষী ॥ তা ভাই বলেছ ঠিক। নরনের মত কপাল হ'লে নাচ দেখা
যায়। শুনছি ডানাকাটা পরী।

অর্জুন ॥ সঙ্গত কেমন দেখলে হে—তবলা ?

২য় চাষী ॥ তা ভাই যাই বলা, কলকাতার তবলচি—তাদের কায়দাই
আলাদা। তুমি অবিগ্রি বাজাও ভাল, কিন্তু ওদের ঢংঢাংই আলাদা।
আরে আজকে একবার গিয়েই দেখ না। ফুরিয়ে গেলে আর পাবে না।

অৰ্জুন ॥ আর দেখব! জমিদারের পাইক তলব দিয়ে গেছে—তিন কিস্তির খাজনা বাকি।

ঐ চাষী ॥ হ্যাঁ হ্যাঁ, দেখলাম। আমরা তো ভাই দেখেই হাওয়া হলাম।

অৰ্জুন ॥ তোমরা তো হাওয়া হ'লে, এদিকে বাড়ীতে গিয়ে হয়তো ফ্যাসাদ বাধিয়েছে। বুঝলে ভাই—চাষবাস ক'য়ে চাষীর আর চলবে না। কপাল যদি ফেরে তবে জুয়ো খেলেই ফিরবে।

*

*

*

দিবা তৃতীয় প্রহর। জুয়ার আড্ডা হইতে এইমাত্র ভগ্নমনে অৰ্জুন বাড়ী ফিরিয়াছে—তাহাব হাতের সম্বল সব-কিছু হারাইয়া।

হুর্গা ॥ নাওয়া নেই, খাওয়া নেই, সারাদিন কোথায় ছিলে? এদিকে পাইক এসেছিল। আজই নাকি তোমার তিন কিস্তির খাজনা দেবার কথা ছিল!

অৰ্জুন ॥ কথা তো ছিল; কিন্তু দেবো কোথেকে! আর এসব কৈফিয়তই এখন কি তোমাকে দিতে হবে নাকি? খেতে টেতে দেবে কিছু? ক্ষিদে পেয়েছে।

হুর্গা ॥ এই দেখ, সারাদিন না দেখে তোমার ভাত যে নকুলকে এই একটু আগেই দিয়ে দিলাম।

অৰ্জুন ॥ আমার ভাত নকুলকে দিলে? খুব বড়লোক হয়েছ দেখছি?

হুর্গা ॥ বেচারি ছদ্ম্বিন কিছু খায় নি—তোমার নাম করতে করতে দাওয়ায় এসে শুয়ে পড়ল। তুমি হাতমুখ ধোও—আমি এক্ষুনি ভাতে-ভাত চাপিয়ে দিচ্ছি।

অৰ্জুন ॥ থাক—চিড়ে-মুড়ি কিছু থাকে তো দাও। ও কি, দাঁড়িয়ে

কুবাণ

রইলে যে? তাও নেই? বাঃ বেশ! কেন কি হ'ল—তাও কি
নকুলকে খাইয়েছ?

দুর্গা ॥ বা ছিল লক্ষণ রাজাকে খাইবেছে। আমি ভাতে-ভাত চাপাছি।

অর্জুন ॥ না। লক্ষণ কোথায়?

দুর্গা ॥ জমিদারের পাইক এসেছিল—লক্ষণকে তোমার খোঁজে
পাঠিয়েছি।

অর্জুন। রাজাকে খাইয়েছ!—রাজা! আচ্ছা!

রজ্জুবদ্ধ খাসীটির দড়ি টানিয়া লইয়া হঠাৎ ঝড়ের মত
বাঁহির হঠ গেল অর্জুন।

দুর্গা ॥ (বিস্মিত হইয়া) এ কি! রাজাকে নিয়ে আবার যাচ্ছ কোথায়?

অর্জুন ॥ চলেয়।

এমন সময় লক্ষণ ছুটিয়া আসিয়া কহিল—

লক্ষণ ॥ এ কি, রাজাকে কোথায় নিয়ে যাচ্ছ বাবা?

অর্জুন ॥ সব খোঁজে তোর দরকার কি?

লক্ষণ ॥ কিন্তু বাবা, তোমার খোঁজে জমিদারের পাইক আসছে যে।

অর্জুন ॥ তাকে বসতে বলবি। আমি আসছি।

লক্ষণ ॥ তুমি আমার রাজাকে কোথায় নিচ্ছ বাবা?

অর্জুন ॥ মেরে খুন করব—শীগগির বাড়ী বা।

লক্ষণ ॥ মা, মা!

* * * *

এক কসাইএর দোকানের সম্মুখে অর্জুন। রাজাকে
সে বিক্রয় করিয়াছে বরদস্তর ঠিক করিয়া। কসাই
গ্রাহ্য হাতে টাকা দিল—গাংগা লইয়া অর্জুন বাড়ীর
দিকে চলিল। দুই পা অগ্রসর হয় আর পিছন ফিরিয়া

রাজাকে দেখে। তাহার মনে হইল, রাগের মাধ্যম
এ কি করিল সে? ও বেচারির কি বোধ্য? কেন
তাহার এই দুর্ভাগ্য হইল? হঠাৎ সে আবার ছুটিয়া
গেল গাশীটির কাছে, আদর করিয়া তাহার পিঠ
চাপড়াইতে লাগিল। কসাই তাহার এই ভাববৈচিত্র্য
দেখিয়া বিস্মিত হইয়া কহিল—

কসাই ॥ কি হ'ল কর্তা?

অর্জুন ॥ মাপ কর ভাই, তোনার টাকা ফেরত নাও—খাসা আমি
বেচব না।

* * * *

ওদিকে বাড়ীতে গস্থির হইয়া উঠিয়াছে লক্ষ্মণ তাহার
রাজার জন্ত।

লক্ষ্মণ ॥ কই মা, বাবা তো রাজাকে নিয়ে এখনো ফিরেন না!

দুর্গা ॥ ফিরবে বাবা।

পরান ॥ ব্যাটার এদিনে সুবুদ্ধি হয়েছে। তোর রাজাকে কাটতে
গেছে। আঃ, আজ পেট ভ'রে মাংস আর ভাত খাব। কতদিন
মাংস খাইনি!

লক্ষ্মণ ॥ না, রাজাকে কাটলে আমি ন'রে বাব না।

দুর্গা ॥ বাট্—বাট্! ও কথা বলতে নেই। রাজাকে কাটবেন কেন
তিনি? দেখিসনি—তোর বাবা কতদিন নিজের ভাত রাজার নুখে
তুলে ধরেছেন।

এমন সময় বাহিরে খাসীর গলার খর শোনা গেল।
পরক্ষণে তাহার দড়ি ধরিয়া অর্জুন ভিতরে প্রবেশ
করিল।

কৃষাণ

লক্ষণ ॥ রাজা, আমার রাজা ।

আনন্দে অধীর হইয়া জড়াইয়া ধরিল

পরান ॥ আজ যদিও বাঁচল, কিন্তু কাল ?—তারপর ? কদিন বাঁচবে ?

রাজা যাবে, রাণী যাবে—হাতী-ঘোড়া সব রাক্ষসে খাবে !

হাঃ-হাঃ-হাঃ !

বৃদ্ধের ক্ষোভের আর সীমা রহিল না

দুর্গা ॥ (অর্জুনকে) তুমি খাবে এস । হয়তো এক্ষনি আবার জমিদারের
পাইক এসে পড়বে ।

লক্ষণ ॥ না মা, পাইক চ'লে গেছে । কাল খুব ভোরে আসবে ব'লে
গেছে ।

* * * *

মনের উদ্বেগে কাল অর্জুন সারারাত্রি ঘুমাইতে পারে
নাই, তাই আর বৃথা শয্যা পড়িয়া না থাকিয়া
আজ পূর্ব ভোরেই উঠিয়া পড়িয়া বাড়ীর সম্মুখে
পায়চারি করিতে হুহু করিয়াছে । নিদাক্ষ দুর্ভাবনা ও
দুশ্চিন্তায় মন তাহার একান্ত চঞ্চল—এখনি জমিদারের
পাইক আসিয়া তাহার লাঞ্জন্যের একশেষ করিবে ।
তাহার হঠাৎ কি মনে হইল, ঘরে ছুটিয়া গিয়া তাহার
তবলাজোড়া বাহির করিয়া আনিয়া দ্রুতপদে মেলার
দিকে রওনা হইল । কেবলই তাহার মনে হইতে
লাগিল, তিন কিস্তির খাজনা থাকি ।

* * * *

দেখা গেল, তাবুর সম্মুখে বসিয়া অর্জুন একমনে তবলা
বাজাইতেছে—সেই শব্দে আকৃষ্ট হইয়া সহচরী তার

ও যমুনা সহ তাঁবুর ভিতর হইতে বাহির হইল রতন-
বাঈ । কোন ভূমিকা না করিয়া অর্জুন জানাইল যে,
তবলাজোড়া সে বিক্রী করিতে চায় তাহার নিকটে ।

রতন ॥ আমাকে কিনতেই হবে ? কিন্তু আমার যে অনেক তবলা রয়েছে ?
অর্জুন ॥ আমার খুব দরকার । আর এ তবলাজোড়া খুব ভাল—আমি
জোরগলায় বলছি ।

যমুনা ॥ নাও দিদি—অত ক'রে বলছে !

রতন ॥ (মুহ হাসিয়া) নিজের জিনিষ সবাই তো ভাল বলে ।

অর্জুন ॥ না না, তা নয়, সত্যি ভাল তবলাটা—ভারী মিষ্টি আওয়াজ ।

রতন ॥ বটে ! তা হ'লে বাজাও তো শুনি ।

অর্জুন বাজাইতে শুরু করিল । বাঈজী পাকা লোক,
বাজনা শুনিয়া কিছুক্ষণেই সে বুঝিল, এ বিজায় সে
সত্যি পারদর্শী । তাই এই নবাগত দরিদ্র শিল্পীর প্রতি
তাহার মনটা দরদে ভরিয়া উঠিল ।

রতন ॥ সত্যি খুব ভাল তবলা । আরো ভাল তোমার হাত । তবলা
আমি নিচ্ছি—সেই সঙ্গে তোমাকেও আমি চাই ।

অর্জুন ॥ আমাকে ?

রতন ॥ তুমি না হ'লে জমবে না । এস ।

একরকম জোর করিয়াই বাঈজী অর্জুনকে তাঁবুর
ভিতরে লইয়া গেল ।

*

*

*

*

তাঁবুর ভিতরে বাঈজীর খাসকামরায় অর্জুন ও
রতনের কথাবার্তা চলিতেছিল ।

কৃষ্ণাণ

রতন ॥ কত দাম ?

অৰ্জুন ॥ দশ টাকা দ্বিযে কিনেছিলাম নন্দনপুরের গণ্ডে । তা আপনি
না হব—

রতন ॥ কুড়ি টাকা দেব আমি ।

অৰ্জুন ॥ কুড়ি ! এত !

রতন ॥ (ব্যাপ হইতে টাকা বাহির করিয়া) হ্যা, বেশী নয়—নাও ।

অৰ্জুন ॥ (বিস্মিত হইয়া) না—মানে—এত টাকা আপনি কেন দেবেন ?

বাঈজী নিকটে আসিয়া অৰ্জুনের হাত ধরিল, টাকা-
গুলি তাহার মুঠার মধ্যে গুঁড়িয়া দিয়া কহিল—

রতন ॥ কেন ? তবলা সত্যি খুব ভাল—আরো ভাল তোমার হাত ।

আর (হাসিয়া) সবচেয়েও ভাল তুমি !

অৰ্জুন ॥ (হতভম্ব হইয়া) আমি ! আপনি—

রতন ॥ হ্যা, তোমাকে আমি চাই । তোমাকে না হ'লে আমার নাচ
জমবে না । এস ।

অৰ্জুনের মনের অবস্থা বর্ণনাতীত । আনন্দে ও বিষময়ে
হতবুদ্ধি হইবার তাহার আব কিছুমাত্র বাকি নাই !
সে কি স্বপ্ন দেখিতেছে ?

তারার ॥ কি করবে ও ?

রতন ॥ বাজাবে । এস ।

টানিতে টানিতে অৰ্জুনের মজলিসের দিকে লইয়া
চলিল । তারার ও যমুনা হাসিয়া গল্পগাথা পড়িতে
লাগিল ।

* * * *

এইমাত্র নাচের মজলিস ভাঙিয়াছে। শ্রেষ্ঠগানের সম্মুখস্থ মঞ্চের যবনিকা পড়িয়া গিয়াছে। বাদ্যজী আসিয়া অর্জুনের হাত ধরিল। যমুনা ও তারা অন্তরাল হইতে সবই লক্ষ্য করিতেছিল। সম্মুখে টেবিলের উপরে এক থালা খাবার।

রতন ॥ কথায় বলে, গোবরে পদ্মফুল ! তুমি তাই। বোস।

অর্জুন ॥ (বসিয়া) কি বাজিয়েছি জানি না, আমার জ্ঞান ছিল না।

বাদ্যজী ॥ (আরও নিকটে আসিয়া) আমারও জ্ঞান ছিল না। ও কি !
হাত তুলে রইলে যে ? খাও !

অর্জুন ॥ হ্যাঁ পাব। আজ সারাদিন কিছু খাইনি।

খাওয়া শুরু করিল

রতন ॥ কি ভাবছ ওস্তাদ ?

অর্জুন ॥ এত ভাল খাবার আমি জীবনে খাইনি,—আমি দেখিনি কোনদিন।

রতন ॥ কি আর ভাল খাবার ! এখানে কি-ই বা জোটে। কলকাতায় এস, দেখবে—খাবার কা'কে বলে।

অর্জুন ॥ কলকাতা ! সেই ছেলেবেলায় একবার গিয়েছিলাম। ওরে বাব্বা, কি মস্ত সহর !

রতন ॥ বাবে—আমার সঙ্গে বাবে ?

অর্জুন ॥ তোমার সঙ্গে ! কলকাতা ! না না, আমি বাড়ী চললাম বাদ্যজী। এসব আমার বিদ্যাগ হচ্ছে না।

অর্জুন ভাবিল, ইহা কি স্বপ্ন ! পরক্ষণেই মনে হইল, হয়তো সে বুঝিতে ভুল করিয়াছে।

কৃষ্ণাণ

রতন ॥ কি বিশ্বাস হচ্ছে না ?

অর্জুন ॥ এহঁ—এই সব কিছূ ।

অত্মদিকে মুখ ফিরাইল অর্জুন

রতন ॥ আমার দিকে তাকাও তো ।

অর্জুনের হাত ধরিয়। তাহার মুখের প্রতি দৃষ্ট নিবন্ধ
করিল ।

এবার বল—এখনো কি বিশ্বাস হচ্ছে না ?

অর্জুন ॥ (অন্তর্দ্বন্দে ক্ষতবিক্ষত হইয়া) না—না—

রতন কি ?

অর্জুন ॥ আমায় ছাড় !

অর্জুন উদ্ভ্রান্তের মত ডুটীয়া বাতির হইয়া গেল—রতন
অবাক হইয়া তাহার গতিপথে দৃষ্ট নিবন্ধ করিয়া
রহিল ।

*

*

*

*

এদিকে বুদ্ধ পরাণ গত দিব্যরাত্রিব্যাগী অত্যাচার
ও অনিয়মে ঘোর অহস্ত । এরের সন্তাপে মনের
পুঞ্জীভূত অনেক দুঃখ অনেক ক্ষোভ অকাশ পাই-
তেছে—বিগাণ ও প্রলাপের আকারে । সে তাহার
সাব্যেক কুয়ের জলের জন্ত সেই মামুলি বায়না
ধরিয়াছে—এ জলের মায়া কাটাইতে সে জীবন
থাকিতে পারিবে না ! দুগা জল আনিয়া বুদ্ধের
সম্মুখে রাখিয়াছে ; কিন্তু বুদ্ধের বিশ্বাস—দুগা
নিশ্চয়ই অল্প কুয়ার জল আনিয়া তাহার সহিত ছলনা
করিতেছে ।

দুর্গা ॥ সত্যি বলছি বাবা, 'এ জল তোমার সাবেক কুয়োর—তুমি
খেলেই বুঝবে ।

পরান ॥ (জলপান করিয়া) আঃ বাঁচলাম । মা, আমার কাছে একটু
বস । মা, আনার হ'য়ে এসেছে । ..লক্ষণ—

লক্ষণ ॥ দাছ !

পরান ॥ কি করছ দাছ ! আমার কাছে একটু এস । তোর দাছ
চলল ।

লক্ষণ ॥ কোথায় দাছ ?

পরান ॥ যে-দেশে মহাজন নেই রে, সেট দেশে । ..আয়, কাছে আয়,
আমাদের সাবেক বাড়ীটা দেখেছিস ?

লক্ষণ ॥ দেখেছি দাছ ।

পরান ॥ হুদের হুদ তস্ত হুদ ধ'রে—দেনার দায়ে মহাজন আমার ঐ
বাড়ী কেড়ে নিয়েছে । রামায়ণের গল্প শুনেছিস তো ! সীতাকে
যেমন ক'রে কেড়ে নিয়েছিল—তেমনি ! কিন্তু লক্ষণ চুপ ক'রে
ব'সে ছিল ?

লক্ষণ ॥ না, যুদ্ধ ক'রে ইন্দ্রজিতকে মেঝে ফেললে ।

পরান ॥ তুই পারবি না তোদের সীতা—আমার ঐ সাবেক ভিটে
তেমনি ক'রে উদ্ধার করতে ?

লক্ষণ ॥ পারব দাছ, পারব—পারব ।

পরান ॥ তোরা আমায় ধ'রে ঐ ভিটেয় একটিবার নিয়ে যাবি ?

লক্ষণ ॥ নেব দাছ ।

দুর্গা ॥ না বাবা, তাতে বিপদ আছে । আর শরীরেও সহবে না ।

পরান ॥ আমি বলছি—সহবে । আমার শরীর আমি জানি নে ? কথা
রাখ—আমার শেষ কথা—

কৃষ্ণ

দুর্গা ॥ না বাবা, কিছুতেই তা হয় না। আপনার ছেলে আহুক—তারপর দেখা যাবে।

পরান ॥ পালা—স'রে বা আমার সামনে থেকে।

দুর্গা মহাবিপদে পড়িয়া গেল—এখন কি করিবে সে !
বাস্ত হইয়া লক্ষ্মণকে পাঠাইল অর্জুনের খোঁজ করিতে।
নিজে নারবার কুটিরের বাহিরে গিয়া দেখিতে
লাগিল। এভাবে সে কখনও বাহিরে, কখনও
ভিতরে, কখনও পথে গিয়া দাঁড়ায়। হঠাৎ দেখিল,
সতাই আসিতেছে অর্জুন। নিকটে আসিয়া অর্জুন
এক ঘুঠো টাকা দুর্গার হাতে দিল।

অর্জুন ॥ এত টাকা কতদিন চোখে দেখনি বল তো ? দেখ কত
টাকা ! নাও, শুনে বাঞ্ছা তোল। খাজনার ভাবনা এবার গেল।

দুর্গা ॥ কিন্তু তোমার তবলাজোড়াও যে গেল ! সখের জিনিষ ঐ একটি
ছিল—তাও গেল !

অর্জুন ॥ তুমি যখন আছ, তখন আমার সব আছে।

দুর্গা ॥ এসব কথা শোনার সময় আমার নেই—এদিকে যে বাবার এখন-
তখন। রোখ হয়েচে—সাবেক ভিটেয় গিয়ে মরাবেন। আমি
কোন রকমে ঠেকিয়ে রেখেছি। এস—একদান দেখবে এস।

উভয়ে কুটিরের ভিতরে প্রবেশ করিয়া দেখিল, বৃদ্ধের
শয্যা শূন্য।

অর্জুন ॥ (বিমূঢ়ভাবে) কৈ ?

দুর্গা ॥ তাহতো !...তবে কি !...ওগো, তুমি শীগ্গির যাও সাবেক
ভিটের—শীগ্গির যাও।...না-জানি কি সর্বনাশ হ'ল।

উভয়ে ছুটিয়া বাহির হইয়া গেল

*

*

*

*

নিশ্চিত মৃত্যুপণ করিয়া বিকারের ঘোরে পিতৃপুরুষের
ভিটার মাটিতে পড়িয়া শেষ নিঃশ্বাস ফেলিতেছে বৃদ্ধ
পরান। তথাপি এই অন্তিম মুহূর্ত্তে বৃদ্ধের একমাত্র
শান্তি এই যে, যেখানে সে ভূমিষ্ঠ হইয়া প্রথম অরণ্য-
আলোর দেখা পাইয়াছিল—তাহার এই বিড়খিত
জীবনের অন্তসিদ্ধিতে সেই ভিটার খুলিতে সর্বদা
ধূসরিত করিয়া যাত্রা করিতেছে। এই মৃত্যুই
ছিল তাহার একমাত্র কাম্য।

অর্জুন ॥ (পাংগলের মত ছুটিয়া আসিয়া) বাবা—বাবা !

বৃদ্ধ অর্জুনের মুখে দিকে দৃষ্টি নিবদ্ধ করিল। তাহার
দুই চক্ষুকেটির হইতে জল গড়াইয়া পড়িল।

পরান ॥ আঃ, কি শান্তি ! কি শান্তি ! একটু জল—সাবেক কুয়োর
একটু জল—

দ্রুগা অঝোরধারায় কাঁদিতেছিল

দ্রুগা ॥ ই্যা, আনছি—আনছি, জল আনছি—

ছুটিয়া জল আনিতে গেল

পরান ॥ (অর্জুনকে) আয়—কাছে আয় বাবা ! কতদিন তোকে কত
দ্রুঃখ দিয়েছি—কত গালমন্দ দিয়েছি তোকে ;—কিন্তু আর না।
আমার সাতপুরুষের ভিটে আজ আমাকে টেনে এনেছে ! শোন—
শোন, কান পেতে শোন, তোর মা এসেছে—আমাকে ডাকছে,
তোরা দাদু এসেছে—আমাকে ডাকছে ! ঐ—ঐ সব...জল—
উঃ—জল—জল—

কৃষাণ

বাবা ! বাবা !!

গা জল লইয়া পাগলের মত ছুটিয়া আসিল

দুর্গা ॥ জল এনেছি—জল এনেছি—বাবা—বাবা !

দুর্গা বুঝিল, তাহার সম্মুখে প্রাণহীন দেহ । জলের
পাত্র তাহার হাত হইতে মাটিতে পড়িয়া গেল ।

*

*

*

*

বেলা দ্বিপ্রহর । অর্জুন মাঠ হইতে তখনও বাড়ীতে
কিরিবার অবকাশ পায় নাই । দুর্গা তাহার প্রতীক্ষায়
অনর্থক বসিয়া থাকিয়া অবশেষে ভাত ও জল লইয়া
লক্ষণের সঙ্গে অর্জুনের উদ্দেশ্যে রওনা হইল । মাঠে
পৌঁছিয়া দেখিল, অর্জুন তখনও কর্মব্যস্ত । দুর্গাকে
দেখিয়া অর্জুন কহিল—

অর্জুন ॥ তুমি আবার খাবার বয়ে আনলে কেন ? আমি তো এক্ষুনি
বাড়ী যেতাম ।

দুর্গা ॥ বেলা পড়ে গেল, তাই—

অর্জুন ॥ লক্ষণ খেয়েছিস ?

লক্ষণ ॥ আমি খেয়েছি । মা থাযনি ।

অর্জুন ॥ ভারী অন্ডায় হ'য়ে গেছে দুর্গা—আমার খেয়াল ছিল না ।

লক্ষণ ॥ বাবা, দেখেছ কারা আসছে ?

অপরিস্রব লোকজন দেখিয়া দুর্গা চলিয়া গেল

অর্জুন ॥ তাই তো ! এ যে বান্ধজীর লোক দেখছি !

দাঁত বাহির করিয়া হাসিতে হাসিতে প্রবেশ করিল
বান্ধজীর মোসাহেবগণ—ভানু, জহর ও অজিত ।

অদূরে রজ্জুবদ্ধ 'রাজা'কে দেখিয়া তাহারা সকলেই
দন্ত বিকশিত করিয়া ফেলিল ও পরস্পর বিশেষ একটি
অর্থপূর্ণ দৃষ্টির বিনিময় করিতে লাগিল।

ভানু ॥ ও বাবা, এ যে দেখছি মেঘ না চাইতেই জল !

জহর ॥ আরে আরে, এ যে ওস্তাদ যে !

অর্জুন ॥ তা তোমরা এদিকে কোথায় ?

তিন মোসাহেব ॥ (সমস্তরে) আমাদের চাই একটা পিসী—

না হয় একটা মাসী—

নিদেন একটা খাসী !

জহর ॥ হ্যাঁ বাবা ! তোমাদের এই পোড়া দেশে এসে যে পেট একেবারে
গড়ের মাঠ হ'বে গেল বাবা ।

ভানু ॥ ভাল-মন্দ কিছুই জুটছে না ।

জহর ॥ না মাছ—না মাংস । কি নির্নিমেষ দেশ রে বাবা !

অজিত ॥ আচ্ছা, এদেশে তোমরা সবাই কি বিধবা বাবা ?

জহর ॥ নয় তো কি ? তাই একটা মাসী-পিসা যা জোটে খুঁজে
বেড়াচ্ছি ।

ভানু ॥ আমিষ না হয় নিরাмиষই হোক । একটু ক্ষীর, একটু সর,
একটু রাবড়ি—

অজিত ॥ আরে রেখে দে তোর ক্ষীর-সর-রাবড়ি । সামনে এমন পুরুষ্টু
খাসী—আহাহা, জিতে জল আসছে গো !

লক্ষণ দেখিল, এই লোকগুলির কথাবার্তা তো বড় ভাল
নয়, তাই সে দস্তরমত ভয় পাইয়া গেল। তাহার
রাজাকে খাইতে চায় ঐ রান্ধস ব্যাটারা !

কৃষ্ণাণ

লক্ষণ ॥ (রাজাকে জড়াইয়া ধরিয়া) আমি বাড়ী বাব বাবা ।

জহর ॥ ওস্তাদের ছেলে বুঝি ? খাসা ছেলে ! খাসা খাসী, বুঝলে ওস্তাদ,—

বাঈজী ভারী খুসী হবে । তোমার কথাই বলে দিলে কিনা । বললে—

অজিত ॥ ওস্তাদের কাছে বাণ্ড—গিয়ে বল, ভাত তো আর মুখে
রোচে না । সত্যি ওস্তাদ, বাঈজীর বড় কষ্ট হচ্ছে । খাসীটা দাও ।

লক্ষণ ॥ (বিপন্ন হইয়া) বাবা—

জহর ॥ ও বাবা !

অর্জুন ॥ ওটা হ'ল গিয়ে লক্ষণের খাসী—নিজে না খেয়ে ওকে খাওয়ায় ।

ভানু ॥ তা বটে, তা বটে,—তবে কি-না—

জহর ॥ ঐ দেখ, আসল কথাটাই বলতে ভুলে গেছি । বাইজী তোমাকে
ডেকেছে ওস্তাদ ।

অর্জুন ॥ আমাকে ?

অজিত ॥ নয় তো কা'কে ? কা'র ওস্তে এই এক হাঁটু কাদা ভেঙে,
এই ভূত সেজে এখানে এসেছি বাবা—নকর মণ্ডল, না কিহু
সাঁওতাল ?

ভানু ॥ মানে বুঝলে কিনা ওস্তাদ, বাঈজী তোমাকে দেখে, এই বাক
বলে গিয়ে, ফেসেছে !

অর্জুন ॥ ছিঃ ! কি যে বল !

অজিত ॥ ও বাবা, দর বাড়ানো হচ্ছে !

অর্জুন ॥ না না, তা নয়, তবে কিনা—

জহর ॥ গানও জমছে না, নাচও জমছে না । তুমি, ওস্তাদ, সঙ্গত না
করলে বাঈজীর আর মন উঠছে না ।

ভানু ॥ তুমি না গেলে কি হবে জান ? তুমি না গেলে আমাদের তাঁবু
গুটোতে হবে ।

অজিত ॥ শেষে এগনি ক'রেই আমাদের ডুবোবে ভায়া ?

ভান্ন ॥ খাসীও পাব না—তুমিও বাবে না ! তোমার মনে এই ছিল ওস্তাদ ?

জহর ॥ আধা, চল চল—একবার চলই না ! বাঈজী কি তোমাকে খেয়ে ফেলবে ?

অজিত ॥ তুমি না গেলে কি হবে জান ওস্তাদ ? বাঈজী আমাদের মুখ-দর্শন করবে না ! চল ।

তাহারা অর্জুনকে টানিয়া লইয়া চলিল

*

*

*

*

অর্জুনকে পাকড়াও করিয়া বাঈজীর ঠাবুতে একে একে প্রবেশ করিল মোসাহেবের দল । সাফল্যের আনন্দে তাহাদের মন ভরপুর । বাঈজী যে যখন-তখন বিনা কারণে তাহাদের চৌদপুরুষ উদ্ধার করে—এইবার দেখুক সে তাহাদের হাতযশ । তাহাদের কোন দাম আছে কিনা, এইবার বুঝুক বাঈজী । ফলাও করিয়া পদ্ম উৎসাহে তাহারা বাঈজীকে স্তনাইতে লাগিল—কত কষ্টে—কি কৌশলে শিকার করায়ত্ত করিয়া নিদ্রিখে আসিয়া বাঈজীর সমীপে পৌঁছিয়াছে ।

রতন ॥ আচ্ছা, তা হ'লে তোমরা এখন এস । আমি ওর সঙ্গে দুটো মনের কথা বলি ।

যমুনা ॥ (খিলখিল হাসিয়া) দেখিস রতনদি, বেফাঁস কিছু বলিসনি ।

তারা ॥ মনের কথা বলবে বল—মন দিও না যেন !

দুজনে খিলখিল করিয়া হাসিতে লাগিল

অজিত ॥ ও বাবা, মনের কথা বলবে গোপনে !

কৃষ্ণাণ

জগর ॥ তা বটেই তো—তা বটেই তো—

শ্রামলাল ॥ বল বাবা, বল—মনের কথা বল ; কিন্তু তার আগে সেই চারপেয়ের কথাটা একবার বল বাঈজী।

রতন ও অর্জুন ছাড়া সকলে চলিয়া গেল

রতন ॥ দাঁড়িয়ে রইলে কেন ? বস !

অর্জুন ॥ ওরা যে বললে—তা কি সত্যি ? সত্যিই কি তুমি আমাকে ডাকতে পাঠিয়েছিলে ?

রতন ॥ নইলে তো তুমি আসতে না ? সেই যে গেলে, আর তো এলে না !

অর্জুন ॥ আসতে চাইলেই কি আসতে পারি ? আমার চাম্বাস আছে, স্ত্রী-পুত্র আছে—ভাত জোটে না—নাচ দেখব !

রতন ॥ চাম্বাসে ভাত না জুটলে, সে-চাম্বাস ক'রে লাভ ?

অর্জুন ॥ তোমার নাচ দেখলে ভাত জুটবে ?

রতন ॥ (হাসিয়া) জুটবে। নাচের তালে তালে মিঠে হাতে তবলা বাজালে, তা জুটবে বৈকি।

অর্জুন ॥ তার মানে—চাকরি করতে বলছ তোমার ?

রতন ॥ ভালোবেসে যদি না আস, তবে তোমাকে টাকা দিয়েই আমাকে রাখতে হয় ওস্তাদ।

অর্জুন ॥ কলকাতার এত বড় নামকরা বাঈজী তুমি—পাড়াগেয়ে এক চায়ীর সঙ্গত তোমার ভাল লাগল—এ-কথা আমাকে বিশ্বাস করতে বল ?

রতন ॥ টাকা দিয়ে রাখতে চাইছি—অবিশ্বাসের কি আছে ওস্তাদ ? (নিকটে আসিয়া হাত ধরিয়া) আমার সঙ্গে চল কলকাতায়। তোমার হাতে বাহু আছে ওস্তাদ। আর তোমার চোখে—তোমার হাতে মধু। তুমি যাহকর !

বাঈজীর কণ্ঠ কম্পিত, তাহার চক্ষে লালসার চরম অভিব্যক্তি। অর্জুনের পিঠে হাত রাখিয়া সম্মোহন দৃষ্টি নিবদ্ধ করিল বাঈজী গ্রাহার মুখের পানে। বাঈজীর বাহুপাশে আবদ্ধ অর্জুনের সে-কি ভীষণ পরীক্ষা। অমৃদ্বন্দ্রে ক্ষতবিক্ষত হইল অর্জুন। এক দিকে তাহার সমাজ সংসার, তাহার দুর্গা ও লক্ষ্মণ, অগ্ন দিকে এই প্রলোভন !

অর্জুন ॥ (নিজেকে মুক্ত করিয়া) না—না, অমন ক’রে তুমি বোলো না। আজ আমি যাই। আমার দুর্গা—আমার লক্ষ্মণ—তারা আমার পথচেষ্টে বসে আছে। তাদের আমি বুঝতে পারি—কিন্তু—কিন্তু তোমাকে আমি বুঝি না বাঈজী।

মোসাহেব-চতুষ্টয় গাদাগাদি ভীড় করিয়া অন্তরাল হইতে উঁকি মারিতেছিল—সকলে একসঙ্গে গলা-খাঁকারি দিয়া উঠিল। রতন সে দিকে তাৎক্ষণিক—সকলে একসঙ্গে হাসিয়া উঠিল।

অজিত ॥ আসব? ‘মে উই কাম্ ইন্ প্ৰিজ্?’

রতন ॥ এস! তোমরা ভারী বেরসিক!

শ্রামলাল ॥ না এসে যে পারলাম না—তাই এসেছি। তাল কাটল বুঝি?

রতন ॥ কি হয়েছে?

অজিত ॥ মেলাতে এক ভজন বুড়ো খাসী এসেছে, কিন্তু গুস্তাদের খাসীর মত পুরুষ্টু খাসী একটিও নেই। তাই বলছি কি—

জহর ॥ কি বলছ?

অজিত ॥ বলছি যে, ঐ খাসীটা গুস্তাদ দেবে, না, একটা বুড়ো খাসীই আনব?

কৃষ্ণাণ

শ্রাম ॥ আর, ওস্তাদ, দাম নিতে চাও—নাও ।

অজিত ॥ বাঈজীর খাবার কষ্ট তো আর এই পোড়া চোখে দেখতে
পারি নে। সত্যি ভারী কষ্ট—দেখে জল আসে চোখে—নোনা
জল ! এটো দেখ —

রতন ॥ কি যা-তা বলছ ? না ওস্তাদ, খাবার কষ্ট আমার কিছুই নেই।
আমার যা কষ্ট, তা তুমি বুঝবে না (বিচিত্র হাসি) ।

অজিত ॥ ও রে বাবা ! ‘কেস্’ বড় খারাপ ! ‘হোপলেস্’ !

*

*

*

*

গভীর রাত্রি। লক্ষণ নিদ্রিত। হুগার চোখে ঘুম
নাই—অৰ্জুন এখনও বাড়ী ফিরে নাই। হুগা জানিতে
পারিয়াছে, বাঈজীর লোক আসিয়া নাকি অৰ্জুনকে
ডাকিয়া লইয়া গিয়াছে। কখন সে আসিবে কে জানে ?
হঠাৎ বাহিরে গোয়ালঘরের দিক হইতে কি যেন
একটা শব্দ হুগার কানে আসিল। হুগা ডাকিল—

হুগা ॥ কে ?

কোন সাড়া পাওয়া গেল না। মুহূর্ত্তপরে
বাহিরে আবার ঐরাপ শব্দ। হুগা ভয়ে ভয়ে দরজা
খুলিয়া বাহিরে আসিয়া অশ্রু আলোকে দেখিল,
একটি ছায়ামূৰ্ত্তি—গোয়ালঘরের সম্মুখে। হুগা
চীৎকার করিয়া উঠিল। সেই ছায়ামূৰ্ত্তি—অৰ্জুনের
সাড়া পাওয়া গেল—

অৰ্জুন ॥ ভয় নেই—আমি।

হুগা ॥ তুমি ! এখানে ?

অৰ্জুন ॥ ও ! হ্যা—আমি।

দুর্গা ॥ তা অন্ধকারে কেন ? আমি ভাবছিলাম—কে !

অৰ্জুন ॥ ভাবছিলে চোর, না ?

দুর্গা ॥ না, ঠিক তা নয়,—তবে—

অৰ্জুন ॥ লক্ষণ ঘুমিয়েছে ?

দুর্গা ॥ তোমার ভুলে অনেকক্ষণ ভেগে বসেছিল।

অৰ্জুন ॥ তুমি খাওনি ?

দুর্গা ॥ তুমিও তো খাওনি।

অৰ্জুন ॥ চল যাচ্ছি। বাতিটা এদিকে ধর। খাসীটাকে বাঁধেনি।

বাতিটা আমার হাতে দাও। খাসীটাকে বাঁধো—এমন ক’রে বাঁধো
যেন চোরে খুলে নিতে না পারে।

*

*

*

*

রাত্রি তৃতীয় প্রহর। দুর্গা ও লক্ষণ গভীর ঘুমে অচেতন।
কিন্তু এ কি হইল অৰ্জুনের ? চিন্তার পর চিন্তায় তাহার
উক মস্তিষ্ক আলোড়িত। কোন্ এক অদৃশ্য শক্তির
আকর্ষণে হঠাৎ চুপিচুপি দরজা খুলিয়া সে বাহির
হইল। পরমুহূর্তে কি-একটা শব্দে দুর্গারও ঘুম
ভাঙ্গিয়া গেল। অন্ধকারে অৰ্জুনের শয্যায় হাত
বুলাইয়া বুঝিল, তাহার আশঙ্কা অমূলক নয়। খোলা
দরজা দিয়া দুর্গাও দাওয়ায় নামিল। দেখা গেল,
গোয়ালঘর হইতে রাজাকে কোলে লইয়া বাহিরে
আসিল অৰ্জুন। দুর্গার বজ্রাহতবৎ অবস্থা। ঘোর
অন্ধকারে অৰ্জুন অদৃশ্য হইয়া গেল। নীরব
চলচ্চিত্রের মত এই যে ঘটনা সংঘটিত হইল, ইহার
নাশক জ্ঞানিতেও পারিল না যে, তাহার পিছনে
দাঁড়াইয়া আরও একটি লোক নীরবে মর্শ্বভেদী

কৃষাণ

দীর্ঘনিঃশ্বাস ফেলিতেছে—তাহার অধঃপতনের এই
প্রথম সোপানে ।

*

*

*

*

এইমাত্র সুখোদয় হইয়াছে । বিনিম্র-রাত্রিষাপনের
পর দুর্গা ভগ্নমনে গৃহকর্ম করিয়া যাইতেছে—যেন
কতকটা অভ্যাসের বশে আর নেশার ঝোঁকে ।
লক্ষণের এখনও ঘুম ভাঙে নাই । তাহাকে ডাকিতে
গিয়া দুগা দেখিল, লক্ষণ শয্যায বসিয়া চক্ষু মুছিতেছে ।
লক্ষণ কহিল—

লক্ষণ ॥ মা, আমি বড় খারাপ স্বপ্ন দেখেছি মা ।

দুর্গা ॥ সে কি রে ?

লক্ষণ ॥ হ্যাঁ ! কালকের সেই বাঈজীর লোকগুলোকে তো তুমি
ভাল ক’রে দেখনি । কি যে খারাপ চেহারা তাদের ! রাজাকে
তারা কেটে খেতে চায়—এমনি রাঙ্গস ওরা !

দুর্গা ॥ (হাসির ভান করিয়া)—তাই কি ?

লক্ষণ ॥ স্বপ্ন দেখলুম, ব্যাটারা রাজাকে ধ’রে নিয়ে যাচ্ছে ঐ মেলায়—
কাটবে ব’লে । (হঠাৎ) মা, সকালে বের করেছ রাজাকে ?
ওকে যে আমি কত-কি শেখাচ্ছি মা, দু’দিন পরেই ভা দেখতে
পেয়ে অর্ধাক হয়ে যাবে । মাত্র দু’পায়ে ভর ক’রে, দু’হাতে
লাঠি নিয়ে পাহারাওয়ালার মত সারা উঠোন ঘুরে বেড়াবে !
আমি যেমন বলব, ‘এই পাহারাওয়ালো, সেলাম দাও’—
‘অমনি হাতের লাঠি মাটিতে ঠেকিয়ে তার এক হাত কপালে
ছোঁয়াবে ।

দুর্গা ॥ (বালকের কথার গতির মোড় ফিরাইবার উদ্দেশ্যে) যা বাবা,

এখন হাত-মুখ ধুয়ে, মেলায় গিয়ে, তোর বাবাকে ডেকে নিয়ে
আয়। নে বাবা, একটু শীগ্গির কর।

লক্ষণ বাহিরে চলিয়া গেল। কিছুক্ষণ পরেই তাহার
চীৎকার শোনা গেল—“মা! আমার রাজা!—রাজা
কোথায় গেল?” লক্ষণ ছুটিয়া আসিয়া মার বকে
ঝাঁপাইয়া পড়িল।

দুর্গা ॥ কাঁদিসনে—তোর বাবা থাকতে কেউ ওকে কাটতে পারবে না।
যা, মেলায় গিয়ে তোর বাবাকে সব বল—তা হ'লেই সব ঠিক হ'বে
যাবে। আর, তাঁকে সঙ্গে ক'রে নিয়ে আয়। যা বাবা!

*

*

*

*

বাঈজীর তাঁবুর সম্মুখে সমস্ত কলরব করিয়া
মোসাহেবগণ অর্জুনের অভ্যর্থনা করিল।

অজিত ॥ এই যে ওস্তাদজী, আইয়ে—বৈঠিবে।

ভানু ॥ (সুর করিয়া) আজু রজনী হাম-ভাগে পোতায়া পেখন
য়ামুখ-চন্দা।

জহর ॥ বাঃ বাঃ—তা এ মুখ-চন্দাটা কোন্ পিয়ার? ওস্তাদজীর, না
ঐ খাসীর?

ভানু ॥ উভয়ের। আর জানতো বাওয়া, এই—অধিকার—

অজিত ॥ ন দোষায়। তা যাই বল, আমাদের ওস্তাদজীর দৈলের বহরটা
দেখলে তো একবার? এ আমি আগেই জানতুম। কেবল কবে
মরব, তাই জানি না।

বাকি দুইজনের সহিত একটা অর্থপূর্ণ দৃষ্টি-বিনিময়
করিয়া নিজের এই স্থল রসিকতায় নিজেই হাসিয়া
অস্থির।

কৃবাণ

জ্বর ॥ তা ওস্তাদজী, এমন স্পিক্টি নট হয়ে ব'সে রইলে কেন বল
তো ? এ দৃষ্ট তো আমরা সহিতে পারিনে । এইখানে লাগে ।

বুক দেখাইল

ভাল ॥ ছেলেটার খে এমন সুবুদ্ধি হবে, ভাবতেও পারিনি ।

অজিত ॥ বাপকো বেটা—হঁ-হঁ, কুহু, নেহি তো খোড়া খোড়া । বুঝলে
কিনা ?

অর্জুন ॥ দেখুন মশাইরা, আমার মনের কথা বলবার নয় । খেতে
চেয়েছিলেন, তাই এনে দিলাম । আপনারা খেলেই আমি খুসী হব ।
কিন্তু এ নিয়ে আর কথা বাড়াবেন না । আমি চললাম । বাঙ্গীজীকে
বলবেন আমার কথা ।

দ্রুতপদে চলিয়া গেল

*

*

*

*

খাসীর হত্যাকাণ্ড নির্বিঘ্নে সমাধা হইয়াছে—এখন দেখে
হইতে চামড়া ছাড়ানো হইতেছে । এমন সময়ে দেখা
গেল, উন্নতের মত এদিকে ছুটিয়া আদিতেছে লক্ষ্মণ ।
সাপাপধ বালকের মুখে একটি মাত্র আর্ন্ত চীৎকার—
“বাবা—বাবা !”

অজিত ॥ ঐ ওস্তাদের সেই ছেলেটি না ?

ভাল ॥ ওহে বাপু, ব্যাপার কি ? এমন হস্তদস্ত হয়ে যাওয়া হচ্ছে
কোথায় ?

লক্ষ্মণ ॥ তোমরা আমার বাবাকে দেখেছ ? আমার রাজাকে দেখেছ ?

সকলে দৃষ্টি-বিনিময় করিতে লাগিল

অজিত ॥ তা বাছা, দেখেছি—এই মাত্র তোমার বাবা—

ভাল ॥ আধ-কুড়ি টাকায়—

জয় ॥ (খাসীর দেহমাংসের প্রতি অঙ্গুলিনির্দেশ করিয়া) বিক্রী
ক'রে হাওয়ার বেগে ছুটে গেল ।

লক্ষণ ॥ অ্যা ! (বালক ভূমিতে লুটাইয়া পড়িয়া কাঁদিতে লাগিল)

* * * *

নিজ পুত্রের প্রাণাপেক্ষাও প্রিয় খাসীটিকে চুরি করিয়া
রাত্রির অন্ধকারে যেভাবে বাহির হইয়া গিয়াছিল
অর্জুন, এই দিনের আলোকেও চুপি চুপি তেমনি
ভাবেই নিজ বাড়ীতে চোরের মত প্রবেশ করিল
সে । কিন্তু যখন দেখিল, দুর্গা গৃহকর্ণে রত,
তখন সে মনে মনে একটু আরামই বোধ
করিল ; কারণ ইহার বিপরীত দৃষ্টই সারাপথ সে
কল্পনা করিতেছিল । কিন্তু হঠাৎ দুর্গার সম্মুখে
দাঁড়ানোই বা যায় কি করিয়া ! তাই বিনা কারণে সে
কাসিতে লাগিল । দুর্গা আড়চোখে তাহাকে
দেখিয়াই নীরবে রান্নাঘরের দিকে চলিয়া গেল ।
অর্জুন প্রমাদ গণিল ।

অর্জুন ॥ লক্ষণ ! ওরে লক্ষণ !

রান্নাঘরে গেল

এই—এই, লক্ষণকে দেখেছ ? খুব কাঁদছিল বুঝি ?

দুর্গা নীরব

রাজার অন্তে লক্ষণ খুব কাঁদছিল বুঝি ?

দুর্গা নীরব

কি বলছিল লক্ষণ ? সে বুঝি আমার পেছনে ছুটে গিয়েছিল ?
দেখেছে সব ?

দুর্গা নীরব

কৃষ্ণাণ

আমি কি করেছি শুনবে ?

দুর্গা নীরব

জানি—আমি জানি, আমাকে কেউ জিজ্ঞেস করবে না। যেম্নার
আমার সঙ্গে কেউ কথা কইবে না, না ?

দুর্গা ॥ (অর্জুনের মুখের দিকে তাকাইয়া ধীরে) আমার কিছু বলছ ?

অর্জুন ॥ (বিস্মিত হইয়া) তোমায় ? নাঃ !

(একটু পরে) কি আবার বলব ? বলবার আছেই বা কি ?...বেশ,
আমার যা ধুসী তাই করব—কাউকে আমি কৈফিয়ত দিতে পারব না।
(জানালার নিকটে গিয়া) কৈফিয়ত ! কেন ? কি দোষটা
আমার ?

(একটু পরে) তোমরা আমার ছোট মনে করলেই কি আমি ছোট ?
না, তা নয় গো ! শুণী ব'লে আমাকেও সবাই হাত ধ'রে টানাটানি
করে। কিন্তু গাঁয়ের যোগী ভিথ্ পায় না—সে-কথা তো আর
মিথ্যে নয়।

(একটু পরে) নাঃ—এই গাড়ুটা আবার গেল কোথায় ? পোড়া
বাড়ীতে কিছুই যদি হাতের কাছে পাবার জো আছে !

গাড়ুর ধোঁজে দ্রুতপদে বাহির হইয়া গেল।

* * * *

ওদিক দিয়া লক্ষ্মণ বাড়ীতে ঢুকিল। কাদিয়া কাদিয়া
বেচারি চোখ ফুলাইয়াছে। লক্ষ্মণের সাড়া পাইয়া
দুর্গা বাহিরে আসিয়া দাঁড়াইল।

লক্ষ্মণ ॥ (কাদিতে কাদিতে) বাবা রাজাকে কেটে ফেলেছে মা।—
আমাকেও তোমরা মেরে ফেল মা।

হুর্গা (হলেকে বুকের কাছে টানিয়া) হিঃ, বাবা, কঁদিতে নেই—হিঃ !

লক্ষণ ॥ কেন রাজাকে তবে কাটল বাবা ? (কান্না)

হুর্গা ॥ কঁদিস না বাবা, কঁদিস না । তোর বাবার মাথার ঠিক নাই—
তাই । আচ্ছা আচ্ছা, আবার একটা খাসী কিনে দেব তোকে—
সত্যি বলছি ।

লক্ষণ ॥ (কঁদিতে কঁদিতে) না, আমি নেব না । চাই না আমি অন্য
খাসী । আমি আমার রাজাকে চাই । রাজা—রাজা !

হুর্গা ॥ ছি বাবা, বুড়ো ছেলে হয়ে কঁদিস তুই ! হিঃ ।

অর্জুন অন্তরাল হইতে এই দৃশ্য দেখিতেছিল ।
লক্ষণের দৃষ্টি-আকর্ষণ করিবার উদ্দেশ্যে এদিকে একটু
সরিয়া আসিলে—লক্ষণ তাহাকে দেখিতে পাইবামাত্র
হুর্গার বাহুপাশ হইতে নিজেকে মুক্ত করিয়া বাটার
সম্মুখস্থ পথে বসিয়া পড়িয়া কঁদিতে লাগিল ।

অর্জুন ॥ কোথায় গেল ?

হুর্গা ॥ জানি না ।

অর্জুন ॥ আর-একটা খাসী কি আমি কিনে দিতে পারি না ?

হুর্গা অর্জুনের মুখের দিকে কণেক তাকাইয়াই
আবার নিজের কাজে মন দিল ।

তাকে বুঝিয়ে বললেই তো পার ।... কে বলবে !

(হঠাৎ নরম হইয়া) হুর্গা, ও খাসী আমাদের জন্তে নয় । বাদে
খাবার তারাই খেয়েছে ।

হুর্গা বীরব

কুশাণ

(আরও নরম হইয়া) আচ্ছা, দুর্গা, বাতাবিলেবুর চাণাটি যেন
তুকিয়ে যাচ্ছে মনে হচ্ছে ।

দুর্গা নীরব

(একটু রাগের ভান করিয়া) আমি জানি, কেউ কোন জিনিষের
যত্ন নেবে না । ঘরের চাল দ্বিগুণে জল প'ড়ে প'ড়ে ঘর ভেসে যাক—
চাল প'ড়ে যাক ! বলি, বলবে তো কোন্ জায়গা দিয়ে জল পড়ে ।

(একটু পরে) নাঃ কেউ কিছু বলবে না, আর যত দোষ আমার ।

দাওয়ার গিন্না বসিল

(আপন মনে) তা আর-একটা খাসী কিনলেই তো হ'ল ? দেখে
এসেছি—ওর চেয়েও ভাল । টাকার জন্তে আমি ভয় করি না ।
যেখান থেকে হোক আমি টাকার জোগাড় করব ।

(গলার স্বর এক পর্দা চড়াইয়া) লক্ষ্মণকে এ-কথা ব'লে বাড়ীতে
ডেকে আনলেই তো হয় ।

*

*

*

*

বাড়ীর সম্মুখে গাধের উপর বসিয়া লক্ষ্মণ সেই একই
ভাবে কাঁদিতেছে । দুর্গা আসিয়া তাহার নিকটে
দাঁড়াইল ।

দুর্গা ॥ বাড়ী আব লক্ষ্মণ ।

লক্ষ্মণ ॥ না ! (কান্না)

দুর্গা ॥ ছিঃ, বাবা, এমন অবস্থা হোযো না ।

লক্ষ্মণ ॥ বাবা আছে ?

দুর্গা ॥ হ্যাঁ আছেন—ঘরের ভেতর । যাও বাবা, কাছে যাও ।

লক্ষ্মণ ॥ না মা, বাবার কাছে আমি আর যাব না । বাবা আমার
মোটাই ভালবাসে না । বাবা আমার রাজাকে কেটেছে ।

কুশাণ

লক্ষণকে বাহপাশে আবদ্ধ করিয়া দুর্গা ভিতরে প্রবেশ
করিল।

দুর্গা ॥ লক্ষণ এসেছে, ওকে তুমি একটিবার বৃকে নাও। বৃথালে না
—ছেলেমানুষ!

অর্জুন ॥ আমি আসছি—আমি এদুনি ফিরে আসছি।

ঝড়ের মত বাহির হইয়া গেল

* * * *

অর্জুন পুনরায় মেলায় আসিয়াছে পুত্রের জন্ত আর-একটি
খাসী কিনিতে। খাসীওয়ালার সঙ্গে তাহার কথাবার্তা
চলিতেছে—

অর্জুন ॥ হ্যাঁ, এইটা—এটার দাম?

দোকানী ॥ পনেরো টাকা।

অর্জুন ॥ পনেরো টাকা!

দোকানী ॥ মশাই, দামের কথা আর বলবেন না। একজোড়া কড়িং ধ'রে
বাজারে গিয়ে বসুন—দু'টাকা দাম পাবেন। আর এ তো হ'ল গিয়ে
খাসী।

অর্জুন ॥ হ'!

দুঃ মনে চলিতে লাগিল

* * * *

লক্ষীর কোটা শূন্য করিয়া দুর্গার অজান্তসারে লওয়া
তিনটি টাকাই ছিল আজ অর্জুনের একমাত্র সঞ্চয়,
কিন্তু এরূপে তাহাকে নিরাশ হইতে হইল। লক্ষণের
প্রার্থিত বস্তু পনেরো টাকার কমে পাওয়া সম্ভব নয়।
অন্তমনক হইয়া পথ চলিতে চলিতে কখন যে সে জুয়ার

কৃষাণ

আড়ার সন্মুখে আসিয়া পড়িয়াছে তাহা তাহার নিজেরই
খেরাল ছিল না। হঠাৎ খেরাল হইল—ঐখানে তাহার
ভাগ্যপরীক্ষা করিয়া দেখিলে হয় না? পরবর্তী ঘটনা
অতি সাধারণ ও সংক্ষিপ্ত। দুর্গার বড় বড় রাধা লক্ষ্মীর
কৌটার সিন্দূরলিপ্ত ঢাকা তিনটি গিয়া উঠিল জুয়াড়ির
চন্দ্রপেটিকার।

*

*

*

*

রতনবাঈজীর তাঁবুর সন্মুখে আজ কান পাতিবার উপায়
নাই। মোসাহেববর্গ ঢাক-কাড়া-নাকাড়া—সবকিছু-
সহযোগে তারতর অদ্ভুত অঙ্গভঙ্গী-সহকারে ঘোষণা
করিতেছিল, আগামী কল্যাই বাঈজীর ‘ট্রাইক্‌ দি টেক্‌’
অর্থাৎ তাঁবু উঠিয়া যাইবে—হুতরাং যদি কেহ বিলম্বে
হতাশ হইতে না চায় তবে আজই—ইত্যাদি

ভান্ন ॥ দেখে যাও ! দেখে যাও ! আজকে বাদে কাল হবে না !

জহর ॥ চ’লে এস ভাইসব ! সুর হয়ে গেল ! অণ্ড রজনী শেষ রজনী।

ভান্ন ॥ দেখে যাও ! দেখে যাও ! হু’আনা আর চার আনার টিকিট্‌।

এমন সময় রক্তস্থলে প্রবেশ করিল অর্জুন। সকলে
সমস্বরে কলরব করিয়া মহাসম্মানে তাহার তাঁবুর
ভিতরে পাঠাইয়া দিল।

এদিকে বাহিরে জীবন নামে জনৈক সবুজ বাবু ভান্নর
সন্মুখে আসিয়া অতি মোলায়েম স্বরে অনুন্নয়-বিনয়ের
পালা হুক করিল।

জীবন ॥ শুনেছেন, ও মশাই ?

ভান্ন ॥ কা’কে বলছ তাই ? আমাকে ?

জীবন ॥ আজ্ঞে হ্যাঁ।

জহর ॥ কি বাবা, বল ।

জীবন ॥ এই—এই—

অজিত ॥ বল বাবা, বল ।

জীবন ॥ এই বলছিলাম—বলছিলাম কি, রতনবিবির সঙ্গে একবার দেখা করতে পাই ?

শ্রাম ॥ কেন মশাই ?

জীবন ॥ শুঁকে একবার প্রাণের ভক্তি জানাব ।

জহর ও অজিত ॥ (কীৰ্ত্তনসুরে) সখী গো, ভক্তি জানাব !

শ্রাম ॥ ওরে বাবা, প্রাণের ভক্তি ! তা সে মনে-মনেই জানাবেন—
কেমন ? এবার আসুন ।

অজিত জীবনবাবুর মাথায় হাত রাখিয়া টাটি মারার ভঙ্গী করিতে লাগিল

* * * *

উাবুর ভিতরে বাঈজীর খাল-কামরায় রতন ও অর্জুন

রতন ॥ কাল যে হঠাৎ চ'লে গেলে—আমায় পায়ে ঠেলে ?

অর্জুন ॥ পায়ে ঠেলবার মত মানুষ তুমি নও । আমার কথা ধোরো না
বান্ধিজী ; আমি ভাবি এক, করি আর ।

রতন ॥ আমরা কাল চ'লে যাচ্ছি—আর হয়তো দেখা হবে না । আমাদের
তুমি ভুলে য়েয়ো ।

অর্জুন ॥ ভুলতেই চেয়েছিলাম ; কিন্তু পারলাম না ।

রতন ॥ না না, তুমি আমাকে ভুলে য়েয়ো । তোমায় ঘর আছে,
সংসার আছে, ছেলে আছে, বৌ আছে, কিন্তু আমার ? না না
তুমি যাও, অনেক রাত হয়েছে—তুমি এবার এস ।

বান্ধিজী পিছন কিরিল

কৃষ্ণাণ

অর্জুন ॥ রতনবাঈ ! দাঁড়াও ।

অর্জুনের দিকে কিরিয়া দাঁড়াইল বাঈজী

তারা ও বয়না পর্দার আড়ালে থাকিয়া দেখিতেছিল

আমার সব আছে রতনবাঈ, তবু কিছুই যেন নাই । কেন জান ?
আমার টাকা নাই । যার টাকা নাই, তার কিছুই নাই । বাড়ী
ফেরবার কোন মুখ নাই । জীবন কাছে গিয়ে দাঁড়াব, ছেলেকে বুকে
নেব—এ অধিকারও আমার নাই । আজ আমি তাদের ভুলতে চাই ।
আর, তাদের ভুলতে চাই ব'লেই আজ তোমাকে চাই !

হাস্তমুখে বাঈজী কাছে আসিয়া অর্জুনের হাত ধরিল

*

*

*

*

সারারাত্রি লক্ষণের ঘুম হয় নাই । সকালে উঠিয়াই
নিত্যকার অভ্যাসবশে সে গোরালঘরে গেল । তাহার
বাবা সেই যে কাল বেলায় গিয়াছে, আর তাহার
কিরিবার নামটি নাই । যেখানে 'রাজা' বাধা থাকিত,
সেই খালি জায়গাটা দেখিয়া তাহার মন আবার
থারাপ হইয়া গেল । এমন সময় সে শুনিতে পাইল,
দূরে একটা মোটরগাড়ীর শব্দ । কৌতূহলী বালক
তৎক্ষণাৎ ছুটিয়া পথের ধারে আসিয়া দাঁড়াইল ।
গাড়ী নিকটে আসিলে সে দেখিতে পাইল, গাড়ীর
মধ্যে বাঈজীর পাশে বসিয়া আছে ও কে ? তাহার
বাবা ? হ্যাঁ, তাইতো ! ব্যাকুল হইয়া সে অর্জুনকে
ডাকিতে লাগিল—

লক্ষণ ॥ বাবা ! বাবা ! বাবা !—

লক্ষ্মণ দেখিল, অৰ্জুন ড্রাইভারকে আরও জোরে গাড়ী
চালাইতে বলিতেছে। বালক ব্যাকুল হইয়া দুর্গার
নিকটে ছুটিয়া গিয়া কহিল—

লক্ষ্মণ ॥ মা ! মা !

দুর্গা ॥ কি হ'ল রে ?

লক্ষ্মণ ॥ (কাদিতে কাদিতে) ঐ যে, বাঈজীর সঙ্গে বাবা চ'লে যাচ্ছে !

দুর্গা নীরব। লক্ষ্মণ বাবাকে কিরাইয়া আনিতে ব্যগ্র
হইয়া গাড়ীর পিছনে ছুটিবার জন্য বাহিরে যাইতেছিল

দুর্গা ॥ কোথায় বাচ্চিস ?

লক্ষ্মণের হাত চাপিয়া ধরিল

লক্ষ্মণ ॥ বাবাকে ডেকে আনি মা।

দুর্গা ॥ (দৃঢ় কণ্ঠে) না, ভেতরে আয়।

কিন্তু তাহার মনের অবস্থা অন্তর্যামী বুঝিলেন। চোখের
সম্মুখে ঘর বাড়ী সমস্ত সংসার যেন ছলিতে লাগিল।

*

*

*

*

রতনবাইজীর কলিকাতার বাজীর একটি নিভৃত কক্ষে
জুরার আসর বসিয়াছে। বাঈজী নিজের খেলায়
ব্যাপৃত। দেখা যাইতেছে, অৰ্জুন জানালার ধারে
ঠেস দিয়া দাঁড়াইয়া আছে, তাহার শূন্য দৃষ্টি বাহিরের
উজ্জ্বল আকাশের দিকে। খেলা পূর্ণ উত্তমে চলিয়াছে।
টাকার স্বনংকারে ও মোসাহেবদের হট্টগোলে কক্ষ
সরগরম। বহিরাগত ভক্তগণ বাঈজীর মনরক্ষার জন্য
আজ মোটা টাকা সঙ্গে আনিয়াছে, কারণ বাঈজীর
নির্দেশই এইরূপ। বাঈজীর মোসাহেবদের এবং
বাইজীর নিজেরও লোপুণ দৃষ্টি সেই দিকে। সহসা

কুমাণ

সকলে চকল হইয়া উঠিল। নৃপতি নামে এক মোসাহেব ব্যস্ত হইয়া ভিতরে আসিয়া সংবাদ দিল—পুলিস আসিতেছে! মুহূর্ত্তে কক্ষের মধ্যে যেম একটা ওলট-পালট হইয়া গেল। জুয়ার সরঞ্জাম অদৃশ্য হইল—সকলে ভীত-ত্রস্ত হইয়া যে বেদিকে পারিল ছুটিয়া গেল। বহিরাগত ভক্তগণ টাকার রাশি ফেলিয়া প্রাণের দায়ে পলাইল—কারণ তাহা কুড়াইয়া লইতেও সময়ের দরকার।

একটা চমকপ্রদ দৃশ্য-পরিবর্তনের পর দেখা গেল, কক্ষে কেবলমাত্র অর্জুন ও বাঈজী। অর্জুন হতবুদ্ধি ও বাঈজীর মুখে মূঢ়হাসি। পুলিস-বেশী মোসাহেবগণ উক্ত পলায়িত ভক্তবৃন্দের পরিত্যক্ত টাকাকড়ি কুড়াইয়া লইতেছিল।

*

*

*

*

সেই সময়ে কল্যাণপুরে অর্জুনের গৃহপ্রাঙ্গণে লক্ষ্মণ ও দুর্গার কথাবার্তা চলিতেছিল। ইতিমধ্যে মহাজনের হাতে-পায়ে ধরিয়া দুর্গা লক্ষ্মণকে তাহার বাড়ীর গরুর রাখালের কাজে নিযুক্ত করিয়া দিয়াছে। লক্ষ্মণ কাজে যাইবার জন্য প্রস্তুত হইয়াছে।

দুর্গা ॥ একুনি ঘাচ্ছিস? একটু দাঁড়া। পান্ডাভাত ক'টি খেয়ে যা।
ফিরতে তো সেই বেলা যাবে।

লক্ষ্মণ ॥ না মা, দেয়ি হ'লে মহাজন ভারী বকে, বলে—মাইনে কাটবে, তাড়িয়ে দেবে। তুমি ভেবো না মা, টিয়া আমাকে কত মুড়িমুড়কি খাওয়ায়। তুমি গরুটাকে জল খাইয়েো মা—
কেমন?

লক্ষণ ব্যস্ত হইয়া চলিয়া গেলে দেখা গেল, রুক্মিণী
বক্ বক্ করিতে করিতে অবশ করিল।

রুক্মিণী ॥ নাঃ, বাড়ীটা ধাঁ-ধাঁ করছে। এ বাড়ীতে আর পা দেওয়াই
যায় না। কি ভাই, তোমার যে আর কাজই ফুরায় না। বলি
আর কা'র জন্তেই বা খেটে মরছ ?

দুর্গা ॥ বস ভাই।

রুক্মিণী ॥ বাক্যঃ ! ঐ মানুষটার পেটে পেটে যে এত সয়তানী ছিল তা
কে ভেবেছিল ? এমন ভাব দেখাত যেন সংসারে দুর্গা ছাড়া আর
কেউ নেই। শেষে কিনা সেই দুর্গাকে লাগি মেরে, বাড়ীজীর হাত
ধ'রে ড্যাং ড্যাং ক'রে বেরিয়ে গেল ! এমন সোয়ামীর মুখে কাঁটা।

দুর্গা ॥ তুমি ভুল করছ ভাই। চাষবাসে কিছু থাকে না দেখে তিনি
রোজগার করতেই গেছেন।

রুক্মিণী ॥ অমনি পালিয়ে ?

দুর্গা ॥ না না, পালিয়ে কেন, ব'লেই গেছেন ভাই।

রুক্মিণী ॥ ব'লেই গেছেন ? ব'লে গেলে তুমি যেতে দিতে ? তোমাকে
আমি চিনি না ? বাক্য ! আমার চোখে ধুলো দেবে তুমি ?—
সে অনেক দেরি।

দুর্গার প্রতি কুটিল কটাক্ষ করিল, কিন্তু মনে মনে খুসীই
হইয়াছে—দুর্গার দুর্দশা দেখিয়া। এতদিনে তাহার
জন্মের ভাগিয়াছে—বেশ হইয়াছে ! অর্জুনের প্রতি
মনে মনে আকৃষ্ট। এই কুবকরমণীর মুখে চাপাহাসির
রেখা দেখা গেল।

দুর্গা ॥ যদি বলি, আমিই তাঁকে যেতে বলেছি—চাকরী করতে—
টাকা রোজগার করতে—বাথার ঘাম পায়ে কেলে নয়, আরাম

কুশাণ

ক'রে, আনন্দ ক'রে, কলকাতার মত সেরা জায়গায় সেরা তবলচি
হয়ে—তাতে আমার লজ্জাটা কি ?

কুশ্লিণী ॥ ওঃ ! বলি, টাকা রোজগার করতেই যদি সোয়ামীকে পাঠিয়েছ,
তবে হুধের ছেলেটাকে মহাজনের ওখানে খাটতে পাঠিয়েছ কেন ?
সোয়ামী নিয়ে যার এত গরব, না-থেকে মরলেও সে ও-কথা
বলবে না। আমি জানি। যতই বল বিশ্বাস করব না—কেউ
করবে না।

দুর্গা ॥ যেদিন একগাদা টাকা নিয়ে ঘরে ফিরবে, লোকে বিশ্বাস
করবে তো ?

তা হয়তো করবে। তবে ভাই, একমণ তেলও পুড়ছে না—
রাধাও নাচছে না। (দীর্ঘনিঃশ্বাস ফেলিয়া) তা বেশ, ফিরলেই ভাল।
আমাদের আর কি ? যাই—চানের বেলা হয়ে গেল।

* * * *

কলিকাতার বাঙ্গালীর বাড়ী। নাচগানের মহলা এই-
মাত্র শেষ হইয়াছে। কক্ষমধ্যে মোসাহেবগণে ও ভক্ত-
বৃন্দে পরিবেষ্টিত রতনবাঙ্গলী। অদূরে মাথা নিচু করিয়া
বসিয়া আছে অর্জুন।

১ম ভক্ত ॥ মাইরি রতন, এক কথায় মার্ভেলাস্ !

২য় ভক্ত ॥ আমি কিছ ভাই হক্ কথা বলব। মুখচেয়ে কথা বলা আমার
ধাতে নেই। না জমল নাচ—না জমল গান।

১ম ভক্ত ॥ মাইরি আরকি ! জমেনি মানে ?

২য় ভক্ত ॥ তুই ব্যাটা সজতের কি বুঝিস ? ঐ বোকচন্দ্রের তবলা জমল
নাচগানটাকে শ্রেফ্ মাটি ক'রে দিয়েছে ! মানে 'ট্রেন-কলিশন্' !

রতনবাঈ ॥ না না ওস্তাদ, ওদের কথা—ওদের কথা ধোরো না ।

২য় ভক্ত ॥ ওদের কথা ধোরো না ! ওহে, রতন আমাদের অবাক করলে !

এতক্ষণে ১ম ভক্ত নিজের ভুল বুঝিয়া ২য় ভক্তের হুঁসে বাজিয়া উঠিল

১ম ভক্ত ॥ তা নয় তো কি ?

২য় ভক্ত ॥ তা থাকো—ঐ বেতাল তবলচি-নিয়েই থাকো । এই ‘তালে’রা সটকে পড়ল এবার ।

১ম ভক্ত ॥ যেখানে বেতাল, তাল সেখানে অচল ।

রতন ॥ যাক্গে, তুমি এস ওস্তাদ । দেখি ওখানে কি হচ্ছে ।

* * * *

নিভৃত কক্ষান্তরে জুয়ার আড্ডা পূর্বোক্তরূপে ভাষিয়া যাইতেছে । পুলিশ-অফিসার-বেশী শ্রামলাল বথাকর্তব্য সমাধার পর অৰ্জুনকে সম্বোধন করিয়া রঙ্গ করিতে লাগিল—

পুলিস-অফিসার ॥ এই, তুম্ কোন্ হ্যায় ?

রতন ॥ বল, তুম্ হামারা খসম হ্যায় ।

অৰ্জুন ॥ হাম্—হাম্ খসম হ্যায় ।

পুলিস-অফিসার ॥ ক্যায়সা খসম হ্যায় ? ভাত-কাপড় দেতাহ্যায় ?

অৰ্জুন ॥ ভাত-কাপড় দেবার সুরোদ আমার নেই, আমি পালিয়ে এসেছি এর সঙ্গে ।

পুলিস-অফিসার ॥ তুম্ বাড়ীঘরো নকর হ্যায়—উস্কো কুত্তা হ্যায়—
বোলো—বোলো ।

অৰ্জুন ॥ ইঁা হুজুর—হাম কুত্তা হ্যায় ।

কৃষাণ

রতন ॥ তুম্ মেয়া জান্ ছায় । ই কুহারা দোস্ত্ ছায় শ্রামলাল ।

(শ্রামলালের প্রতি) কেত্ না মিলা আজ ?

শ্রামলাল ॥ গণো ।

রতন ॥ (গণিতে লাগিল) দশ—বিশ—চল্লিশ—পঞ্চাশ—শ’—

এই আবেষ্টনীর মধ্যে অর্জুন দিনের পর দিন তাহার
অধঃপতনের এক-একটি ধাপ করিয়া নিচে নামিয়া
যাইতেছে । পূর্বের জড়তা ও দ্বিধাসংকোচ মন হইতে
ক্রমেই মুছিয়া যাইতেছে । সরতানের সহস্র বাহর
কবলে মল্লুস্ত্রের এই আত্মসমর্পণে অর্জুন কোন্
রসাতলের গর্ভে চলিয়াছে কে জানে !

* * *

মহাজন মুখিতির সামন্তর গোলাবাড়ীর প্রাঙ্গণে লক্ষ্মণকে
ডাকিতে ডাকিতে প্রবেশ করিল টিগা—মহাজনের
অষ্টমবর্ষীয়া কস্তা । সে দেখিল, লক্ষ্মণ গালে হাত দিয়া
চুপ করিয়া বসিয়া আছে ।

টিগা ॥ ওমা, চুপ ক’রে ব’সে আছ ! দাঁড়াও, বাবাকে ব’লে দিচ্ছি ।

লক্ষ্মণ ॥ বলোগে । সকাল থেকে এই খড়ই যে কেটেছি, তাই ডের ।

ক্যালো দু’টো কাঁচামিঠে আম—দাঁড়িয়ে দেখ কত খড় কাটি ।

টিগা ॥ ওমা, বলে কি ! কাঁচামিঠে আম আমি দেবো, না তুমি দেবে ?

লক্ষ্মণ ॥ পেটে কিছু না পড়লে পা চলে—না হাত ওঠে ?

টিগা ॥ তাই বল (হাসিল) ! শোন, মোরা ধাবে ? আমার খেতে
দিয়েছে—আমি খাইনি । দুঃ ছাই, মিষ্টি আমি খেতে পারিনি ।
খেতে হয় তুমি খাও ।

মোরা বাহির করিল

লক্ষণ ॥ দেখি দেখি ! (কামড় দিয়া) বাঃ, বেশ তো !

টিয়া ॥ আরো আছে ।

লক্ষণ ॥ কৈ দেখি—দেখি !

টিয়া । (কৌচড় হইতে কদমা বাহির করিয়া) এই বে ।

লক্ষণ ॥ (ছেঁা মারিয়া লইয়া) তুমি ভারী লক্ষী মেয়ে, টিয়া ।

টিয়া হাসিল

*

*

*

*

আমগাছতলার বালক-বালিকা । লক্ষণ উঁচু ডালে উঠিল,—টিয়া নিচে আম কুড়াইতে লাগিল । বাহিরে মহাজনের কানে আম পড়ার শব্দ গিয়াছে । ওদিক হইতে শোনা গেল—“আম পাড়ছে কে রে ?”

টিয়া দ্রুতপদে গাছের একটা নিচু ডালে গিয়া চড়িল । এমন সময় মহাজনের প্রবেশ ।

মহাজন ॥ ও, তোমার এই কাজ—খিজী মেয়ে ?

টিয়া ॥ বাবা, বাবা, ঐ বে তোমার ঘরে গরু ঢুকল ! হিসেবের খাতাপত্র সব চিবিরে খাবে !

মহাজন ॥ অ্যা বলিস কি ! খেলে—খেলে—সবাই মিলে আমায় খেলে !

দ্রুত চলিয়া গেল

টিয়া ॥ নেমে এস, শীগ্গির নেমো এস, বাবাকে সরিয়েছি ।

*

*

*

*

ওদিকে গণেশ মণ্ডল নিজ বাড়ির উঠানে ভাড়ি খাইয়া কিম্বাইতেছে । কুৰ্কা কুৰ্কা ভীষ্মী-সহকারে মুখ ছুটাইয়া চলিয়াছে—

কৃষ্ণাণ

কৃষ্ণিণী ॥ বলি ভেবেছ কি তুমি ? নিত্য নিত্য রস খেয়ে মাতলামো করবে ?

গণেশ ॥ দেখ রাভাবো, বেশী বকিস না আমাকে—তা হ'লে কিন্তু দোস্ত অর্জুনের মত আমিও সহরে চলে যাব !

কৃষ্ণিণী ॥ (ভঙ্গীর মাত্রা আরও বাড়াইয়া) অ'্যা, তুমি যাবে ? কোথায় যাব গো ! ইস, মুরোদ ! ঠাকুরপোর মত তেজ আছে নাকি তোমার ? তুমি যাবে সহরে ! থাক থাক, আর শুনিয়ো না । তোমায় যত বীরত্ব এই ধরের কোণে । কিন্তু শুনে রাখ, আর সহিব না আমি !

এমন সময় দুর্গা সেখানে আসিল

কৃষ্ণিণী ॥ ওমা ! হঠাৎ গরীবের ঘরে হাতীর পা পড়ল যে !

দুর্গা ॥ আমার বড় বিপদ, ভাই ।

কৃষ্ণিণী ॥ অর্জুন ঠাকুরপো বোধহয় অনেক টাকা পাঠিয়েছে ! রাখবার জায়গা পাচ্ছ না—এই তো ?

গণেশ পূর্ববৎ বিমাইতেছে । হঠাৎ মাথা চাড়া দিয়া বলিয়া উঠিল—

গণেশ ॥ সে কি তোমার এই সিদ্ধিদাতা গণেশ ? ওস্তাদ লোক, সহরে গেছে, 'তেরে-কেটে-তাক্'এর চোটে কলকাতার তাক্ লেগে যাবে—তখন শ'য়ে শ'য়ে পকেট ভরবে, আর আওয়াজ হবে—ঠন্-ঠন্-ঠন্—

তুই আঙ্গুলে টাকা বাজাইবার ভঙ্গী করিয়া দেখাইল

কৃষ্ণিণী ॥ 'তাই তো তার বাচ্চা-ছেলেটা মহাজনের বাড়ীতে সারাদিন হাড়ভাঙা খাটুনি খাটে !

দুর্গা ॥ হ্যাঁ, এখুনি ফিরে আসবে ভাই—না থেয়ে। ঘরে আমার আজ চা'ল বাড়ন্ত।

গণেশ ॥ বেশ তো বৌঠান, নিয়ে যাও। আঁহা কচি ছেলেটা সারাদিন খেটে এসে উপোস ক'রে থাকবে! এই, দিয়ে দে—দিয়ে দে।

রুস্বিনী ॥ ইস, দয়দ কত! যেন গোলা গোলা খান রয়েছে—চাইলেই পাওয়া যায়। ওর ছেলে উপোস ক'রে রয়েছে তো আমি কি করব? এমনি না পারে ভিক্ষে ক'রে খাওয়াক। আবার বড়মুখ ক'রে বলা হয়—সোয়ামীকে রোজগার করতে পাঠিয়েছে!

দুর্গা একবার নিঃশব্দে রুস্বিনীর মুখের দিকে তাকাইয়া চলিয়া গেল।

ওমা, তেজ দেখে যে আর বাঁচিনে!

গণেশ ॥ কেন তেজ করবে না? ওর যখন দিন ছিল তখন ও কি কাউকে ফিরিয়েছে?

রুস্বিনী ॥ ওমা, আমিই কি ফিরিয়ে দিলুম? আমি কি বলেছি যে চা'ল দেব না? লক্ষণ কি শুধু ওর ছেলে? কোন্ প্রাণে ঐ চামারটার বাড়ীতে ও কাজ করতে পাঠায় ঐ দুধের ছেলেটাকে?

আশ্চর্য্য এই নারীচরিত্র। রুস্বিনী সত্যই কান্দিয়া ফেলিল!

গণেশ ॥ রাঙাবো, তুই কাঁদছিস?

রুস্বিনী ॥ (গজিয়া উঠিল) না।

*

*

*

*

রুস্বিনীর নিক্ষিপ্ত প্রত্যেকটি শব্দই যে দুর্গার মর্মান্বল ভেদ করিয়াছে, তাহার মুখ দেখিলেই তাহা সুস্থিতে দেবী হয় না। দুর্গা শাক-পাভা সংগ্রহ করিয়া

কৃষাণ

বেড়াইতেছে। ইহা ছাড়া তাহার আর উপায়ই বা কি !
লক্ষণের সম্মুখে একটা-কিছু ধরিয়া দিয়া তাহাকে
বুঝ দিতে হইবে তো।

*

*

*

*

এদিকে দেখা গেল, ঐ মুখরা কৃষিগী লক্ষণের জন্ত
নিজের বাড়ী ভাত একখালা অন্নব্যঞ্জন আনিয়া তাহা
চাপা দিয়া রাখিয়া একা অর্জুনের দাওয়ার বসিয়া
আপন মনেই দুর্গার বাপান্ত করিতে করিতে মনের খেদ
মিটাইতেছে। এমন সময় পেটের ক্ষুধার অস্থির হইয়া
লক্ষণ বাড়ীতে ঢুকিল ও কৃষিগীকে দেখিয়া বলিল—

লক্ষণ ॥ এ কি মাসা, তুমি ! মা কৈ ?

কৃষিগী ॥ ও-পাড়ায় কি কাজে গেল।

লক্ষণ ॥ বাঃ রে, আমার যে খিদে পেয়েছে।

কৃষিগী এখন যেন অস্ত মানুষ

কৃষিগী ॥ (হাসিয়া) সেইজন্তেই তো ব'সে আছি বাবা। তোর জন্তে
খাবার ঢাকা দিয়ে, আমাকে বসিয়ে রেখে গেছে তোর মা।

লক্ষণ ॥ (খুদী হইয়া) তাই বল !

কৃষিগী ঢাকা তুলিয়া ও সবজি খালা সাজাইয়া
লক্ষণকে খাইতে দিল। খাইতে বসিয়াই লক্ষণ হাসি-
মুখে সানন্দে কহিল—

লক্ষণ ॥ দেখেছ মাসী, মা আজ রেঁধেছে কত ! যেন নেমস্তন্ন !

কৃষিগী ॥ তা আর রাঁধবে না ? তুই রোজগার করছিল, তোর বাবা
শ'য়ে শ'য়ে টাকা পাঠাচ্ছে ! তোদের তো এখন পোয়াবারো !

অনুপস্থিত-দুর্গার উদ্দেশে কুটিল কটাক্ষ করিল

লক্ষণ ॥ আমার বাবা কি যে-সে লোক ভেবেছ ? বাবা কলকাতায়
তবলা বাজায় !

রুস্বিনী ॥ হ্যাঁ রে, মাছের ঝোলটা কি আজ খুব ভাল লাগছে ?

লক্ষণ ॥ নাঃ, খুব ভাল হয়েছে। আমার মায়ের মত কেউ ভাল
রাঁধতে পারে না।

এমন সময় অকস্মাতঃ একরাশ কলমিশাক লইয়া
প্রবেশ করিল দুর্গা। প্রবেশপথেই সে লক্ষণের
কথা শুনিতে পাইয়া বলিল—

দুর্গা ॥ না, পারে না! এ কি!

প্রথমে একটু অপ্রস্তুত হইলেও, পরমুহূর্ত্তেই রুস্বিনী
নিজেকে সামলাইয়া লইল।

রুস্বিনী ॥ নাও গো, এইবার তোমার ছেলেকে খাওয়াও। আমি সামনে
থাকলে হয়তো আবার ছেলের খাওয়া হবে না।

দুর্গার প্রতি রোষকটাক্ষ নিক্ষেপ করিয়া প্রস্থান করিল

লক্ষণ ॥ মা, আজ খুব ভাল রেঁধেছ তো! এই দেখ, একটা ভাতও
প'ড়ে নেই।

দুর্গা ॥ (বিস্মিত হইয়া) ভাত! কোথায় পেলি রে ?

লক্ষণ ॥ বা রে, তুমি ভাত ঢাকা দিয়ে রুস্বিনীমাসীকে বসিয়ে রেখে
গেছ, আবার বলছ—ভাত কোথায় পেলি ?

দুর্গা এতক্ষণে ব্যাপারটা বুঝিল। দেখা গেল, তাহার
চোখে জল ও মুখে হাসির রেখা।

কুশাগ

দুর্গা ॥ লক্ষ্মণ, মহাঙ্গন তোর মাইনে দেবে কবে? দেখি, আজ একবার যেতে হবে।

*

*

*

*

যুধিষ্ঠির সামন্তর মহাঙ্গনী সেরেস্তা। খাতকগণের অকহতব্য ব্যবহারে তাহার মন ভারাক্রান্ত। এ মাসে আসল তো দূরের কথা—হুদ দিবার নামটিও কেহ করে নাই। সবাই কাঁকি দিয়া পলাইয়া বেড়াই-তেছে। একটা দীর্ঘনিঃশ্বাসের পর দুর্ঘোষনের উদ্দেশে বলিয়া উঠিল—

মহাঙ্গন ॥ বুঝলে দুর্ঘোষন, এ ছুনিয়ায় কোন শালায় ভাল করতে নেই।

প্রত্যুত্তরে দুর্ঘোষন কি একটা বলিবার উজোগ করিতেই, মহাঙ্গন বাহিরের দিকে দৃষ্টিপাত করিয়া কহিল—

মহাঙ্গন ॥ ওরা আবার কা'রা আসছে?

দুর্ঘোষন ॥ বোধ হচ্ছে, লক্ষ্মণের মা লক্ষ্মণের মাইনে নিতে আসছেন।

মহাঙ্গন দুর্ঘোষনের প্রতি একটা চোখের ইশারা করিয়া পানপাঠ উহাদিগকে বিদায় করিবার পরামর্শ দিল।

অবগুপ্তিতা দুর্গা ও লক্ষ্মণ আসিল

মহাঙ্গন ॥ আরে, এস এস—লক্ষ্মণ এস। কিন্তু তোমার মা এসেছেন কেন বাবাজী?

লক্ষ্মণ ॥ আমার মাইনে নিতে এসেছেন।

মহাঙ্গন ॥ তা বটেই তো। লক্ষ্মণের ক'মাস কাজ হ'ল দুর্ঘোষন?

দুর্ঘোষন ॥ আজ্ঞে, এই পরন্তু তিন মাস পূর্ণ হ'ল।

মহাজন ॥ (যেন কিছুই জানে না এইভাবে) তিন মাসের ওর মাইনে দাওনি!

দুর্ঘোষন ॥ সে কি, মাইনে দেব না কেন? মাইনে মাসান্তে সঙ্গে-সঙ্গেই চুকিয়ে দিয়েছি। তবে হ্যাঁ, ওদের হাতে দেইনি, হিসেবে দিয়েছি।

মহাজন ॥ ওদের হিসেবে মানে?

দুর্ঘোষন ॥ অর্জুনের খানের দরুন আমাদের সেই পাওনা টাকাটা—সেই হিসেবে মাসে মাসে স্তম্ভ বাবদ ওয়াশিল দিয়ে যাচ্ছি।

মহাজন ॥ নাঃ, অর্জুন যে এমন ফাঁকি দিয়ে পালাবে তা কোনদিন ভাবিনি।

দুর্গা ॥ তিন মাসের মাইনেতেও কি দেনা শোধ হয় নি?

মহাজন ॥ হিসেবটা দেখিয়ে দাও তো দুর্ঘোষন।

দুর্ঘোষন ॥ হিসেবের কি বুঝবে ওরা?

কুড়োবা কুড়োবা কুড়োবা লিঙ্কে

কাঠায় কুড়োবা কাঠায় লিঙ্কে—

বলি বুঝলে কিছু?...তবে?

মহাজন ॥ তবু একটু বুঝিয়ে দাও।

দুর্ঘোষন ॥ মাইনে হচ্ছে মাসে তিন টাকা। আমাদের পাওনা—আসল, আসলের স্তম্ভ, তস্ত স্তম্ভ এসব নিয়ে হচ্ছে তিনশ' টাকা। মানে দেনা এ জন্মে শোধ হবার কোন রাস্তা দেখছি না।

দুর্গা ॥ তা ঠিক। আপনাদের ঋণ জন্ম-জন্মান্তরেও শোধ করতে যখন পারব না, তখন আমার লক্ষণকে এ হাড়ভাঙা খাটুনি আর আমি খাটতে দেব না। লক্ষণ, বাড়ী চল বাবা!

কৃষাণ

তাহারা বাহির হইয়া পথ চলিতে লাগিল। হঠাৎ
লক্ষণ মাকে কহিল—

লক্ষণ ॥ না মা, আমি ফিরে যাই।

দুর্গা ॥ ফিরে যাবি! কেন বাবা?

লক্ষণ ॥ বাবা তো এখনো টাকা পাঠাননি। টাকা এলে কাজ ছেড়ে
দিয়ে আসব। তবু তো এক বেলা ক'রে ধেতে পাই মা—

দুর্গা ॥ আমি যখন একবার 'না' ব'লে এসেছি, ও-কাজে তোমার আর
যাওয়া হবে না।

লক্ষণ ॥ বাবা টাকা পাঠাচ্ছে না, চলবে কি ক'রে মা?

দুর্গা ॥ আমি বলছি, টাকা তিনি পাঠাবেন।

*

*

*

*

পরদিন দুর্গা একাকিনী এক স্বর্ণকারের দোকানে
আসিয়া দাঁড়াইয়া অঞ্চলমধ্য হইতে বাহির করিল
জ্বাকড়ায় বাধা একটি ছোট্ট পুঁটুলি। কর্ণবাস্ত
দোকানী তাহার চোখের এক জোড়া ভাঁটার মত
চলমার উপর দিয়া দুর্গাকে ভাল করিয়া লক্ষ্য করিল।
তাহার ভাগ্যে আজ যে বেশ একটু বড় রকম লাভের
যোগাযোগ ইহা ঐ পাকা লোকের নৃষিতে আর বাকী
রহিল না। একে স্ত্রীলোক, তাহার উপর আবার
সে আসিয়াছে সম্পূর্ণ একা।

যথারীতি হস্তকৌশল-সহকারে ওজন-গণ্বাদি সারিয়া
দুর্গাকে লক্ষ্য করিয়া স্বর্ণকার কহিল—

স্বর্ণকার ॥ (কাগজে কলমে হিসাব করিতে করিতে) তা হ'লে তোমার
হ'ল গিয়ে একতরি পাঁচ রতি। তার দাম হ'ল গিয়ে একশ'

ছ'টাকা—আর হ'ল গিয়ে—আচ্ছা, নাও, পুরো একশ' পাঁচ
টাকাই নাও ।

ভূগী নীরবে মূল্যগ্রহণ করিয়া চলিয়া গেল ।

স্বর্ণকার ॥ (সহকারীর প্রতি) সোনাটা চটপট গালিয়ে ফ্যালো হে,
আবার একটা ফ্যাসাদ বাধতে পারে ।

* * *

গ্রাম্য ডাকঘরের বারান্দায় গাঙ্গাগাদি ভীড়ের মধ্যে
বসিয়া এক বৃদ্ধ মনিঅর্ডার-লেখক নিজকর্ণে রত ।
চতুর্পার্শ্বস্থ গ্রাম্য নিরক্ষর লোকের এই ধরনের কাজের
একমাত্র নির্ভর উক্ত ব্যক্তির অনুগ্রহ । কিন্তু এই
অনুগ্রহ করিতে যাওয়ারও যে কি ঝকঝক, তাহা
আজ মর্মে মর্মে অনুভব করিতেছেন ঐ লেখকটি ।

লেখক ॥ কত টাকা ?

প্রেরক ॥ পাঁচ সিকে ।

লেখক ॥ কে পাবে ?

প্রেরক ॥ যজ্ঞেশ্বর মোহান্তি !

লেখক ॥ কি বললে ? বানান ক'রে বল বাপু ।

প্রেরক ॥ বানানই যদি করতে পারব, তবে পরমা খরচ ক'রে আপনাকে
দিয়ে লেখাব কেন মশাই ?

লেখক ॥ উঃ ! গ্রামের নাম ?

প্রেরক ॥ বজ্রডগুরা ।

লেখক ॥ ওরে: বাবা !.....পোস্ট অফিস ?

প্রেরক ॥ জ্যেষ্ঠেশ্বর ।

কৃষ্ণাণ

লেখক ॥ এই সেরেছে !...কে পাঠাচ্ছে ?

প্রেরক ॥ পুণ্ডরীকাক্ষ কুণ্ড ।

লেখকমহাশয়ের ধৈর্য্য এবার সীমা অতিক্রম করিল

লেখক ॥ (ভঙ্গী করিয়া) পুণ্ডরীকাক্ষ কুণ্ড । হবে না বাপু, এ চার
পয়সার কস্ম নয় ।

প্রেরক ॥ তা বেশ, ছ'আনাই নেবেন—আপনি লিখুন ।

লেখক ॥ নামটা আবার বল ।

প্রেরক ॥ পুণ্ডরীকাক্ষ কুণ্ড ।

লেখক ॥ পুন-ড-রি-কা-থ্—এইঃ যা, নিবের দফা গয়া !

প্রেরক ॥ কিন্তু কুপন যে এখনও লেখা হল না ?

লেখক ॥ আর হবেও না । এই পাঠাতে হয় পাঠাও, নয়তো আর
কাউকে দিয়ে লেখাও । যত্নসব—উঃ !

প্রেরক ॥ কা'কে আবার পাই ?

ক্লম মনে প্রস্থান করিল

হঠাৎ লেখকের দৃষ্টি আকর্ষণ করিল দুর্গা ! সেও

ঐখানে দাঁড়াইয়া ছিল ; সম্মুখে আসিয়া কহিল—

দুর্গা ॥ আমারটা লিখে দি'ন-না ।

লেখক ॥ (লিখিতে আরম্ভ করিয়া) কত টাকা ?

দুর্গা ॥ একশ' ।

লেখক ॥ কে পাবে ?

দুর্গা ॥ দুর্গামণি দাসী ।

লেখক ॥ এইবার ঠিকানা—কা'র বাড়ী ?

দুর্গা ॥ লিখুন—লক্ষণ মণ্ডলের বাড়ী ।

লেখক ॥ নাঃ, আজ দেখছি দিনটাই খারাপ । কোন পাড়া ?

দুর্গা ॥ উত্তর পাড়া ।

লেখক ॥ গ্রামের নাম ?

দুর্গা ॥ কল্যাণপুর ।

লেখক ॥ পোস্ট অফিস ?

দুর্গা ॥ শ্রামনগর ।

লেখক ॥ কে পাঠাচ্ছে ?

দুর্গা ॥ (বিচলিত হইয়া) লিখুন—অর্জুন.মণ্ডল ।

লেখক ॥ কুপনে কি লিখবে ?

দুর্গা ॥ আপনি লিখে দিন ।

লেখক ॥ লিখব তো আমি, কিন্তু কি লিখব—বল না ?

দুর্গা ॥ সে অনেক কথা । আপনাকে শুনতে হবে—আপনাকে লিখে দিতে হবে—আপনার পায়ে পড়ি ।

লেখক ॥ সে কি মা ? ব্যাপার কি ? আচ্ছা বল ।

দুর্গা বলিয়া যাইতে লাগিল—

*

*

*

কল্যাণপুরে সপ্তাহে মাত্র একদিন শ্রামনগর ডাকঘর হইতে পিওন আসিবার নিয়ম । ঐ দিন একটা নির্দিষ্ট স্থানে গ্রামের লোকেরা তাহার প্রতীক্ষা করে, বিশেষ দরকার না হইলে পিওনের প্রতি বাড়ীতে যাওয়ারও বড় একটা দরকার হয় না । আর বিশেষতঃ গ্রামটিও চাষী-প্রধান বলিয়া গ্রামবাসীর নিত্য চিঠি-পত্র লিখিবার ও পাইবার সম্ভাবনাও খুবই কম থাকে । কিন্তু আজ গ্রামের বনমালী বিশেষ একটা চিঠির

কৃষ্ণাণ

প্রতীক্ষায় বসিয়া আছে—কখন পিওন আসিবে।
আজ এক মাস হইল তাহার 'ইস্ত্রী' সেই যে তাহার
ভাইএর বাড়ী গিয়াছে, আর তাহার পৌছ-খবর
দিবার নামটিও নাই। সেই চিঠি পড়িয়া শুনাইবার
লোকও তাহার এখানেই মজুত।
কিছুক্ষণ পরে দেখা গেল পিওন আসিতেছে। বনমালী
অগ্রসর হইল সকলের আগে।

জৈনৈক গ্রামবাসী ॥ আমার চিঠি আছে ?

পিওন ॥ না।

বনমালী ॥ আমার ?

পিওন ॥ কি নাম ?

বনমালী ॥ শ্রীবনমালী—

পিওন ॥ না।

বনমালী হতাশ হইয়া পড়িল

বনমালী ॥ আজও এল না চিঠি ! এত ক'রে ব'লে দিলুম—বাপের বাড়ী
পৌছেই চিঠি দেবে—

পিওন ॥ আজ্ঞা, এ গাঁয়ে দুর্গামণি দাসী কে—লক্ষণ মণ্ডলের বাড়ী ?

বনমালী ॥ হ্যা—হ্যা আছে। কেন বল জো ভাই ?

পিওন ॥ টাকা এসেছে।

বনমালী ॥ টাকা ! টাকা কে পাঠিয়েছে ?

পিওন ॥ অর্জুন মণ্ডল।

বনমালী ॥ কত টাকা ?

পিওন ॥ একশ' টাকা।

বনমালী ॥ একশ' টাকা অর্জুন মণ্ডল পাঠিয়েছে ? আমি এক্ষুনি গিয়ে

খবর দিচ্ছি। তুমি চ'লে এস—গণেশ দাসের পাশের বাড়ী। ঐ দেখা যাচ্ছে।

নিজের সকল দুঃখ ভুলিয়া অৰ্জুনের বাড়ীর দিকে ছুটিল। সম্মুখে বাহার সহিত দেখা হইল, এই সংবাদ প্রচার করিতে লাগিল বনমালী।

বনমালী ॥ গণেশভাই, ও গণেশভাই—আরে অৰ্জুন সত্যি-সত্যিই বোকে টাকা পাঠিয়েছে!

গণেশ ॥ (বাহিরে আসিয়া) কি ? কি হয়েছে ?

বনমালী ॥ অৰ্জুন বোকে টাকা পাঠিয়েছে ! বাবা, একশ' টাকা !

গণেশ ॥ (আশ্চর্য্য হইয়া) তাই নাকি ! বল কি হে ?

বনমালী ॥ পেত্যয় না হয় তো জিজ্ঞেস কর, এই ভো পিওন সাহেব দাঁড়িয়ে।

সকলে অৰ্জুনের বাড়ীর সম্মুখে আসিলে গণেশ লক্ষ্মণকে ডাকিতে লাগিল—

লক্ষ্মণ ! লক্ষ্মণ ! আরে তোর বাবা তোর মাকে একশ' টাকা পাঠিয়েছে। এই যে পিওন এসেছে—তোর মাকে ডাক শীগগির।

লক্ষ্মণ বাহিরে আসিয়াছিল, পুনরায় ভিতরে মাকে খবর দিতে ছুটিল—

লক্ষ্মণ ॥ মা, মা ! বাবা টাকা পাঠিয়েছে।

দুর্গা ধীরে ধীরে বাহির হইয়া আসিল

গণেশ ॥ আরে বাবা, দোস্ত যে টাকা পাঠাবে তা আমি আগেই গাঁতুছ লোককে ব'লে রেখেছি।

পিওন ॥ তোমারই নাম দুর্গামণি দাসী ?

কৃষ্ণাণ

গণেশ ॥ হ্যা গো হ্যা ।

পিওন ॥ ঠিক জান ?

গণেশ ॥ বা রে ! পাশের বাড়ীতে থাকি, আর আমি জানব না ? এত

‘সে’ পেটে পড়েনি বাবা যে ভুল হবে ।

পিওন ॥ তোমার নাম ?

গণেশ ॥ হেঁ-হেঁ—শ্রীগণেশচন্দ্র দাস ।

পিওন ॥ তোমায় সাক্ষী হ’তে হবে ।

গণেশ ॥ আলবাত্ হব !

পিওন ॥ লিখতে পার ?

গণেশ ॥ লেখা ? না পিওন বাবা, ওসব অভ্যাস নেই—আসে না ।

তা শিখছি একটু একটু—ঐ রাঙাবৌয়ের কাছে ।

পিওন ॥ হঁ । তা হ’লে দেখি—আঙুল দেখি ? উহঁঃ, বুড়ো আঙুল ।

গণেশের টিপসহি লওয়ার পর দুর্গার উদ্দেশে

দুর্গামণি দাসী, তোমার টিপসই লাগবে এইখানে ।—এ-ই—হঁ ।

দুর্গার হাতে টাকা দিল

গণেশ ॥ কোথায় আছে ? কেমন আছে ? ও রাঙাবৌ, একবার এস-না এদিকে ।

পিওন কুপন ছিঁড়িয়া গণেশের হাতে দিল । কন্সিগী
আসিয়া গণেশের হাত হইতে উহা লইয়া পড়িতে স্বাক্ষর
করিল । তাহার এই পড়ার ধরণ দেখিয়া বুঝা
গেল—তাহার বিজ্ঞার দোঁড় খুব বেশীদূর নয় ।

কন্সিগী ॥ (পড়িতে লাগিল) আমার দুর্গামণি (এইখানে কন্সিগীর জ
কুক্ষিত), মেলায় মেলায় ঘুরিয়া বেড়াইতেছি । তাই সময়মত টাকা

পাঠাইতে পারি নাই । আজ একশত টাকা পাঠাইলাম । তোমার
জন্ত মনটা বড়ই হুহু করে (মুখের একটা ঝাঁকি) । আমার লক্ষণ
ভাল আছে তো ? কলিকাতায় ফিরিয়া বাসা করিতে পারিলেই
তোমাদের লইয়া আসিব । আমার খুব নাম হইয়াছে, বেতন বাড়িবে ।
তুমি আমার ভালবাসা জানিবে । —তোমারই অর্জুন

শেষ কথাটি পড়ার সঙ্গে সঙ্গে কল্পিলী দুর্গার পানে
কটাক্ষ হানিয়া পুনরায় মুখনাড়া দিল ।

গণেশ ॥ তবে চলুম রাঙাবৌ—

কল্পিলী ॥ কোথায় গো ?

গণেশ ॥ দোস্তর কলকাতার বাসায় ! টাক ডুমাডুম ডুম—

নাচিতে নাচিতে প্রস্থান করিল

কল্পিলী ॥ আমাদের ভাই আজ মিষ্টিমুখ করাতে হবে ।

দুর্গা ॥ আঁ—তা খাবে বৈকি ? লক্ষণ, যা তো বাবা, মিষ্টি কিনে আন ।

(উপস্থিত বালকবালিকাগণকে) সন্ধ্যা গড়ালে তোমরা সব এস ।

লক্ষণ ॥ আয় সব !

বালকবালিকাগণ ॥ মিষ্টি খাব রে—সন্ধ্যাবেলায় মিষ্টি খাব রে ।

লক্ষণ ও বালকবালিকারা চলিয়া গেল

কল্পিলী ॥ সত্যি, মানুষকে চিনতে যে কত ভুল হয়, আজ তা বুঝেছি ।

তুই ভাই আমাকে মাক কর ।

দুর্গা ॥ সন্ধ্যাবেলা এস—কেমন ?

কল্পিলী ॥ আচ্ছা লো আচ্ছা—আনন্দ যে আর ধরে না দেখছি !

কল্পিলী প্রস্থান করিলে পরক্ষণে প্রবেশ করিল

লক্ষণ সহ মহাজন ও তাহার গোমস্তা ।

কৃষ্ণাণ

মহাজন ॥ শুনে আমিও খুব খুসী হয়েছি লক্ষ্মণের মা । অর্জুন যে এমনি
একটা বড় কিছু করবে, তা আমি জানতাম । শিকারী বেড়ালের
গোঁফ দেখলেই চেনা যায় । এ কি শুধু তোমার একলার মাথা উচু
হয়েছে—আজ আমাদের এই গোটা গাঁটা উজ্জল হয়ে গেল ।
কি বল দুর্ঘোষন ?

মহাজন ইসারা করিল

দুর্ঘোষন ॥ আজে হ্যাঁ, তা তো বটেই ! তা লক্ষ্মণের মা, কথায় বলে,
শত্রুর শেব আর ঋণের শেষ রাখতে নেই । তাই বলছিলাম কি,
হাতে যখন টাকা এসে পৌঁছেচে তখন অন্ততঃ আমাদের পাওনা
সুদটা শোধ ক'রে দাও ।

মহাজন ॥ দুর্ঘোষন, হিসেবটা বার কর তো ।

দুর্ঘোষন দপ্তর বাহির করিয়া হিসাব দেখাইতে যাইতে—
ছিল, দুর্গা তাহাকে বাধা দিয়া কহিল—

দুর্গা ॥ থাক, কত টাকা—তাই বলুন ।

দুর্ঘোষন ॥ কুড়োবা কুড়োবা কুড়োবা লিজে—

তা শ'খানেক টাকা হ'লে হালের সুদটা মিটে যায় ।

দুর্গা ॥ লক্ষ্মণ !

লক্ষ্মণ ॥ মা !

দুর্গা ॥ তোমার হাতের টাকাও দিয়ে দাও ।

লক্ষ্মণ ॥ দিয়ে দেব ?

দুর্গা ॥ হ্যাঁ, হ্যাঁ !

লক্ষ্মণের হাত হইতে টাকা কাড়িয়া লইয়া—সবগুলি
মহাজনের সম্মুখে ছুঁড়িয়া দিল । দুর্ঘোষন বিনা-
বাক্যব্যয়ে ঐগুলি কুড়াইতে লাগিল । দুর্গা কহিল—

দুর্গা ॥ ওগো, শুধু একটা নোট আমার ভিক্ষে দাও। আজ একমাস গুরুশুলোকে পেটভ'রে খাওয়াতে পারিনি। যেমন ক'রে পারি তোমাদের সব দেনা শোধ করব—আজ শুধু একটা নোট ভিক্ষে চাইছি।

দুর্গার খৈর্যের বাঁধ ভাঙ্গিয়া গেল। সে অব্যক্ত যন্ত্রণায় হাউ-হাউ করিয়া কাঁদিয়া উঠিল।

*

*

*

*

এদিকে অর্জুন এখন বাঈজীর হাতের ক্রীড়াকন্দুক মাত্র। এতদিনে বাঈজী বহু আয়াসে তাহাকে সম্পূর্ণ করায়ত্ত করিয়াছে। গত জীবনের সুখ-দুঃখের অনেক কথা আজও মনে পড়ে, কিন্তু তাহার সেই অনুভূতির গভীরতা নাই। সমাজ, সংসার, দুর্গা ও লক্ষ্মণের স্মৃতি—কোন-কিছুই মনে আর গভীর রেখাপাত করে না। তাহার অতীত অলপট, বর্তমান খরস্রোতে ভাসিয়া-বাওয়া তৃণশুষ্কের মত, আর ভবিষ্যৎ নিকব-কালো যবনিকার অন্তরালে অদৃশ্য। বাঈজীর গুপ্ত ব্যবসারের রঙ্গমঞ্চে এখন অর্জুন একটি বিশিষ্ট ভূমিকায় হৃদয় অভিনেতা।

আজও বাঈজীর নিভৃত কক্ষে জুরার আড্ডা বসিয়াছে, কিন্তু অর্জুন আজ এখানে অনুপস্থিত—কক্ষান্তর হইতে তাহার তবলার ধ্বনি শোনা যাইতেছিল। বাঈজী নিজে জানালায় দাঁড়াইয়া পুলিশের গতিবিধির প্রতি লক্ষ্য রাখিয়াছে। পুলিশ দেখিতে পাইয়াই সে নির্দেশ দিতেই জুরাড়িরা সঙ্গে সঙ্গে অন্তর্হিত হইল। এখন রতন কক্ষমধ্যে একা—মুখে মুহু হাসি। বন্ধ দরজার পুলিশের পুনঃ পুনঃ করাঘাত হইতেছে। অর্জুন

কৃষাণ

ছুটিয়া আসিয়া পুলিশকে সাদর সম্ভাষণ জানাইতে
গিয়াই একেবারে অবাক হইয়া গেল—আজ আবার
তাহাদের এ কি মূর্ত্তি !

অৰ্জুন ॥ (জনৈক পুলিশের প্রতি) বা রে দোস্ত, আজ আবার এ কি
বেশ ! গোঁফ নেই কেন ?

পুলিসটি তাহার ভুঁড়িতে একটা ঘা মারিল। পরপর
আরও কয়েকজন পুলিশ ভিতরে প্রবেশ করিল ;
তাহারা দ্রুত হস্তে অৰ্জুনের হাতে হাতকড়ি
পরাইয়া দিল।

অৰ্জুন ॥ বা রে ! এ কি কত বাড়াবাড়ি হচ্ছে।

পুলিসের দল সারা ঘর অনুসন্ধান করিতে লাগিল

জনৈক পুলিশ ॥ টেবিল ফাঁকা, শালালোগ্‌ সব ভাগ্‌ গিয়া—

দ্বিতীয় পুলিশ ॥ কাঁহা ভাগেগা। হিঁয়াই ছায়। এই শালা, দেখাও।

অৰ্জুনকে রুলের গুঁতা মারিতে লাগিল। এইবার সে
বুঝিল, ইহা তাহার সর্পে রজ্জুলম—পালে এবার
সত্য-সত্যই বাঘ পড়িয়াছে।

*

*

*

*

জেল-হাজতের মধ্যে বসিয়া নিজ অদৃষ্টের কথা ভাবিতেছে
অৰ্জুন। যাঁহা-কিছু সে করিত, বাঙ্গালীর অঙ্গুলি
হেলনে তাহার হকুম তামিল করিত—এইমাত্র।
কারণ স্বকীয় ব্যক্তিত্ব বলিয়া কিছুই তাহার অবশিষ্ট
ছিল না। আর যে অপরাধে তাহার আজ এখানে
আগমন তাহাতে পরোক্ষভাবে জড়িত থাকিলেও
প্রত্যক্ষ রক্তভূমি হইতে সে তো দূরেই ছিল। কিন্তু
(সত্যই যাহারা ছিল রক্তমঞ্চে, লুটের মাল সহ তাহারা

সকলেই নিরাপদে অন্তঃস্থান করিয়াছে। তাহার জন্ত নির্দিষ্ট সর্বনিম্ন বথরাটাও সে পাইল না, আবার তাহারই ভাগ্যে ঘটিল এই শোচনীয় বিড়ম্বনা। সহসা তাহার চিন্তার গতি মোড় ফিরিল। মনে পড়িয়া গেল তাহার গবকরটির কথা, খেত-খামারের কথা, আর মহাজন ও জমিদারের তাগাদা, সঙ্গে সঙ্গে দুর্গার কথা। না-জানি মহাজন কি লাহুলাই করিতেছে দুর্গার আর লক্ষণের। কি করিয়া সংসার চলিতেছে? কেমন করিয়া সব ভাল সামাল দিতেছে দুর্গা? ঘর-সংসারের প্রতিটি খুঁটিনাটি বিষয় মনে হইয়া বুকে কাঁটার মত বিঁধিতে লাগিল। আবার হঠাৎ তাহার মনে হইল, রতন নিশ্চয়ই তাহাকে এ বিপদ হইতে রক্ষা করিবে—টাকার অসাধ্য কি আছে? তাহা না করিয়া সে পারে না—এই দীর্ঘকালেও সে কি রতনকে চিনিতে পারে নাই? কাল বিচারের সময় আদালতে হাজির হইয়াই সে দেখিতে পাইবে, রতন ব্যাকুল হইয়া তাহার প্রতীক্ষা করিতেছে—উকিল-মোক্তার সহ। এইরূপ অসংলগ্ন কত চিন্তাই যে তাহাকে আচ্ছন্ন করিয়া ফলিতে লাগিল, তাহার বৃত্তি আর শেষ নাই।

*

*

*

*

একাত্তর আদালতে পরদিন আসামীর কাঠগড়ায় দণ্ডায়মান অর্জুনের সেইসকল আশাভরসার আকাশ-কুসুম আকাশেই মিলাইয়া গেল—যখন বাদসজী নিজে তাহারই বিরুদ্ধে সাক্ষ্য দিয়া একমাত্র তাহাকেই অপরাধী প্রমাণ করিল।

কৃষাণ

বিচারক ॥ আসামী অর্জুন মণ্ডল, বাঈজী রতনবাঈ ও অন্তান্তের
সাক্ষ্যে এটা নিঃসন্দেহে প্রমাণিত হয়েছে যে, এ জুয়ার আড্ডাটি ছিল
তোমার। পুলিশ সেজে জুয়াড়ীদের ধাওয়া দিয়েও তুমি পয়সা কামাই
করতে। সমাজের বুকে এই দুর্নীতি একটা দুষ্কৃত। আইন-
মোতাবেক আমি তোমার এক বৎসর সশ্রম কারাদণ্ডের আদেশ
দিলাম।

দুইজন প্রহরী অর্জুনকে কাঠগড়া হইতে নামাইয়া
লইয়া বাহির হইয়া গেল।

*

*

*

*

অর্জুনের জীবননাট্যের একটি অঙ্ক সেইদিন শেষ হইল
—যেদিন অর্জুনের বাড়ীর সম্মুখে আদালতের পিওন
সহ দুর্ঘোধন অর্জুনের স্থাবর-অস্থাবর সকল সম্পত্তিতে
দেনার দায়ে ডিক্রিজারী করিতে আসিয়াছে।
ঢোলসহরং শুনিয়া কৌতূহলী গ্রামবাসিগণ ছুটিয়া
আসিল ও সবিস্ময়ে শুনিতে লাগিল আদালতের
পিওনের স্থল্লষ্ট ঘোষণা—

আদালতের পিওন ॥ (হাঁকিতে লাগিল) অর্জুন মণ্ডলের দেনার
ডিক্রিজারী দ্বিগুণিত মহাজন অর্জুন মণ্ডলের হাল-বলদ ও বাড়ীতে
খাসদখল পেলেন।

পুনরায় ঢোলসহরং চলিতে লাগিল। দুর্গা ও লক্ষণ
বাহিরে আসিল—দুর্গার হাতে একটি ছোট পুঁচুলি।
দুর্ঘোধনের স্তনদুটি পড়িল উহারই উপর। তাহার
আদেশে পুঁচুলিটি খোলা হইলে দেখা গেল—উহাতে
অর্জুনের সেই পড়মজোড়া।

দুর্ঘোধন ॥ আচ্ছা আচ্ছা, এ নিষে বাও।

বাড়ীর বাহির হইয়া দুর্গা ও লক্ষ্মণ পথ চলিতে
লাগিল। কয়েকজন প্রতিবেশী তাহাদের অনুসরণ
করিল।

১ম প্রতিবেশী। কোথায় যাবে লক্ষ্মণের মা, এই অবেলায় ?

২য় ॥ আজকের দিনটা থেকে যাও।

৩য় ॥ মাথা ঠাণ্ডা ক’রে ভেবে নাও—কি করবে-না-করবে।

১ম ॥ আজ যদি অর্জুন থাকত তা হ’লে কি আর—

২য় ॥ লক্ষ্মণের মা !

দুর্গা নীরব। সকলে অগ্রসর হইতে লাগিল। হঠাৎ
নেপথ্য হইতে মহাজনের কণ্ঠা টিয়ার গলার স্বর শোনা
গেল—“লক্ষ্মণদা ! লক্ষ্মণদা !”

টিয়া লক্ষ্মণের সম্মুখে আসিয়া কহিল—

টিয়া ॥ তোমরা চ’লে যাচ্ছ ?

লক্ষ্মণ ॥ হ্যাঁ টিয়া, আমরা কলকাতা যাচ্ছি—কলকাতা।

টিয়া ॥ কেন ?

লক্ষ্মণ ॥ বাবার কাছে।

টিয়া ॥ তোমরা—তোমরা আর গাঁয়ে আসবে না ?

দুর্গা ॥ আসব মা। ভগবান যদি মুখ তুলে চান—আসব বৈকি।

দুর্গা ও লক্ষ্মণ তাহাদের গন্তব্য পক্ষে চলিতে লাগিল।
টিয়া তাহাদের দিকে চাহিয়া রহিল।

*

*

*

*

কলিকাতায় দুর্গা ও লক্ষ্মণের একটা আশ্রয় মিলিয়াছে।
গৃহকর্ত্রী মাতঙ্গিনী দেবী পাকা লোক। এই মাগুণির
বাজারে দুই-দুইটি লোকের পেট চালানো তো বড়

কুৰাণ

যে-সে কথা নয়। তাই তিনি প্রথমেই কথাবার্তা ঠিক
করিয়া লইয়াছেন—বিনা বেতনে তাহারা কাজ করিবে
আর সেই কাজেরও কোন শ্রেণীবিভাগ থাকিবে না।
যদিও সে রাধুণী তথাপি দরকার হইলে সব রকম
কাজই ছইজনে করিবে।

এই বাটীর একটি কক্ষে দেখা যাইতেছে, গৃহকর্ত্তার
ছোট ছেলে ভুলো পাঠাভ্যাসে রত। লক্ষণ ঘর
পরিষ্কার করিতেছে।

ভুলো ॥ (ছলিয়া ছলিয়া পড়িতেছে)

তিন একে তিন

তিন দু'গুণে ছয়

তিন তিরিকে নয়

তিন চারে দশ

লক্ষণ ॥ তিন চারে কখনো দশ হয় ? বারো—বারো।

ভুলো ॥ তিন চারে বারো ? তুই তো বড় জানিস ! তিন চারে বারো !

লক্ষণ ॥ বা রে, তিন চারে কখনো দশ হয় ! হাঃ হাঃ হাঃ ।

কক্ষে প্রবেশ করিলেন স্বয়ং মাতঙ্গিনী দেবী

মাতঙ্গিনী ॥ ঘরখাঁটি না দিয়ে এত হাসাহাসি হচ্ছে যে ?

ভুলো ॥ দেখতো মা, 'তিন চারে আমি বলাছি দশ—ও বলছে বারো।

মাতঙ্গিনী ॥ বলি দশ হোক, বারো হোক—তুই ভুল ধরবার কে র্যা ?

গোলমাল শুনিয়া দুর্গা সেখানে আসিল। মাতঙ্গিনী

বলিলেন—

এই যে লক্ষণের মা, তোমার এই পণ্ডিত ছেলে দিয়ে আমার ঘরখাঁটি
দেওয়া, বাসনমাজা চলবে না বাপু ! তুমি রাধুণী—তুমি যদি চণ্ডী-
পাঠ করতে যাও তবে তো বাছা এ বাড়ীতে থাকা চলবে না। কথাটা

তোমার ছেলেকেও ভাল ক'রে সমঝে' দিয়ে। রান্না ছেড়ে উঠে এসেছ, ওদিকে গেল—সব পুড়ে ছাই হয়ে গেল !

দুর্গা ॥ কেন, কি হ'ল মা ?

মাতঙ্গিনী ॥ এই লক্ষ্মণ, তোকে না বাজারে যেতে বলেছিলাম তু' পয়সার গরমমশলা আনতে ? এনেছিস ?

লক্ষ্মণ ॥ আমার বাজার-ঘেতে ভয় করে কর্তামা—যদি হারিয়ে যাই !

মাতঙ্গিনী ॥ স্ত্রীকা আমার ! হারিয়ে যাবেন ! কেবল কাজে ঠাকি দেবার মতলব !

দুর্গা ॥ ছেলেমাহুষ, পথ চেনে না, ভয় পায়। গরমমশলা আমিই নিয়ে আসছি মা।

মাতঙ্গিনী ॥ তুমি গেলে মিছিমিছি কয়লাগুলো পুড়বে না ? খালি খরচ বাড়াবার মতলব ! এই দেখ, রান্না ছেড়ে উঠে এসেছ ! এমন করলে বাপু তোমাদের রাখা চলবে না।

*

*

*

*

পূর্বেস্তু ঘটনার মাসকয়েক পরে একদিন সকালে আলিপুর জেল হইতে বাহির হইল অর্জুন। কিন্তু দেখিয়া তাহাকে চেনা কঠিন—এমনি চেহারা হইয়াছে। দেখা গেল, সে দ্রুতপদে চলিয়াছে শিয়ালদহ স্টেশনের দিকে। শিয়ালদহ পৌছিয়া সে টিকিট করিয়া ট্রেনে চড়িল।

*

*

*

*

বাড়ীতে পা দিয়াই অর্জুন স্তম্ভিত হইয়া গেল। এ কি ! ইহারা সব ঘরে তালাবন্ধ করিয়া কোথায় গেল ? আর বাড়ীঘরেরও এমন ভয়দশা কেন ? সে ডাকিতে লাগিল—

কৃষ্ণাণ

অৰ্জুন ॥ লক্ষ্মণ ! লক্ষ্মণ !

সারা উঠানে আগাছা জন্মিয়াছে ! কিন্তু দুৰ্গাকে
তো তাহার চিনিতে বাকী নাই, কত যত্নেই সে
কুটিরখানি সাজাইয়া রাখিত ! নিজের অগোছাল
স্বভাবের জন্য কতদিন সে দুৰ্গার কাছে বকনি
খাইয়াছে। গোয়ালঘরের দিকে ছুটিয়া গিয়া আরও
অবাক হইল। ব্যাপার কি ? অৰ্জুন ছুটিল গণেশের
বাড়ীর দিকে।

অৰ্জুন ॥ গণেশ ! গণেশ বাড়ী আছ ?

ঘরের বাহিরে আসিল কল্পিণী। বিস্মিত হইয়া
কহিল—

কল্পিণী ॥ এ কি ? ঠাকুরপো না ?

অৰ্জুন ॥ হ্যাঁ আমি। দুৰ্গা, লক্ষ্মণ—এরা সব কোথায় ? বাড়ীতে
তারা দেওয়া কেন ?

কল্পিণী ॥ তারা তো তোমার কাছে যাবে ব'লে কলকাতায় গেছে।

অৰ্জুন ॥ কবে ?

কল্পিণী ॥ গেল-পূজোর আগে। তুমি যে টাকা পাঠিয়েছিলে তা
পেয়েই—

অৰ্জুন ॥ টাকা পাঠিয়েছি ! আমি ! কা'কে ?

কল্পিণী ॥ কেন, দুৰ্গাকে—একশ' টাকা মনিঅর্ডার ক'রে।

অৰ্জুন ॥ তুমি বলছ কি ? আমি যে কিছুই বুঝতে পারছি না !

গণেশ কে ?

কল্পিণী ॥ সদরে গেছে। তুমি বস—আমি বলছি। মহাজন যেদিন

ঘরে তালা দিল, সেই থেকে ভিটে অন্ধকার ।
সাঁজের বাতিও আর জলে না । এ কি, উঠছ যে ?

অর্জুন ॥ চলি ।

কৃষ্ণিণী ॥ সে কি ? কোথায় ?

অর্জুন ॥ জানি না বৌদি । মহাজন বাড়ী আছে ?

কৃষ্ণিণী ॥ তা হয়তো আছে । কিন্তু তুমি তো নঃ খেয়ে যেতে পারবে না ঠাকুরপো ।

অর্জুন ॥ তুমি খেতে বললে—তাতেই আমার খাওয়া হ'ল । জান বৌদি—আজ একটি বছর এই কথাটি আমি কারও মুখে শুনিনি ।

কৃষ্ণিণী ॥ সত্যি, সব কেমন গোলমাল হয়ে গেল । তুমি একটু বস, ছ'খানা বাতাসা দিয়ে একটু জল খেয়ে বাও । তুমি এমন ক'রে চ'লে গেলে আমার বুকে সেটা কাঁটার মত বিঁধতে থাকবে ।

*

*

*

মহাজন যুদ্ধটির সামগ্র্য মেলাজটি আজ বেশ একটু
খুসী । সেবেস্তায় বসিয়া সে মনের আনন্দে গুনগুন
ঘরে গান গাহিতেছে ।

মহাজন ॥ মন রে তুমি কৃষিকাজ জান না—

তোমার পতিত জমি আবাদ করলে ফলত সোনা ।

সম্মিতচর্চার পর দুর্বোধ্যনকে ডাকিতে লাগিল

দুর্বোধ্যন প্রবেশ করিল

মহাজন ॥ ওহে, কাল থেকেই অর্জুনের বাড়ীতে লোক লাগিয়ে দাও ।

ঘরগুলি ভেঙে ফেলে জমিটাতে হাল দাও—ওখানে ভাল তামাক
হবে ।

কুবাণ

দুর্যোধন ॥ যে আজ্ঞে ।

দুর্যোধন চলিয়া গেল । যুধিষ্ঠির পুনরায় গান শুরু করিল । হঠাৎ বাহিরের দিকে দৃষ্টি পড়িল ।

কে ? ওখানে কে দাঁড়িয়ে ?

নেপথ্য হইতে উত্তর আসিল—“আমি”

মহাজন ॥ ‘আমি’ কে ? সবাই তো ‘আমি’ ।

অর্জুন ॥ (প্রবেশ করিয়া কঠোর কণ্ঠে) আমি অর্জুন ।

মহাজন ॥ অর্জুন ! ওরে বাবা ! তুমি কোথেকে ?

অর্জুন ॥ জেল থেকে ।

মহাজন ॥ আ ! তোমার জেল হয়েছিল ? তবে যে শুনলুম... ..

অর্জুন ॥ আপনি কি শুনেছেন তা আমি শুনতে চাই না । আমি যা শুনেছি তাও বলতে চাই না । আমি আজ রাতেই কলকাতা ফিরে যাচ্ছি । দুর্গা আর লক্ষ্মণকে তন্ন তন্ন করে খুঁজে—বদি না পাই, আপনার সঙ্গে আমি আবার দেখা করব ।

মহাজন ॥ ও বাবা, এ খুন কববে নাকি ! দুর্যোধন, ও দুর্যোধন !

অর্জুন ॥ না, আজ কোন ভয় নাই । কিন্তু একা বদি ফিরে আসি, দুর্যোধনের বাবাও আগনাকে রক্তা করতে পারবে না ।

দ্রুত প্রস্থান করিল । দুর্যোধনের প্রবেশ

মহাজন ॥ তোমরা সব কোথায় থাক ? ডাকলে কা’কেও পাওয়া যায় না !

দুর্যোধন ॥ কেন, ছিলাম তো ! অর্জুনের বাড়ীতে হাল দেবার লোক ঠিক করছিলাম ।

মহাজন ॥ না না, হাস্টাল দিতে হবে না । ও-বাড়ী যেমন আছে—
তেমনি থাক ।

দুর্যোধন ॥ যে আজ্ঞে ।

ভাবিতে লাগিল, এ আবার কি ব্যাপার !

*

*

*

*

উচ্চ পর্বতশিখর হইতে সহসা যখন কাহারও পদাঙ্কলন হয়, সেই মুহূর্ত্তেই হয়তো তাহার জীবনাস্ত হয় না । তাহার জীবনের শোচনীয় পরিণতি দেখা যায় ঠিক তখনই যখন নিম্নের কঠিন সান্নিধ্যের সংস্পর্শে আসিয়া উহার সহিত তাহার দেহের সংঘর্ষ বাধে । অর্জুনের গৃহ-ত্যাগের পরও যতদিন দুর্গা নিজের বাড়ীতে ছিল, শত দুঃখ ও শত কষ্টের মধ্যেও তাহার অন্তঃ এইটুকু ছিল সাস্থ্যনা যে, নিজের আশ্রয়ে নিজের ব্যক্তি হইয়া সে স্বাধীন জীবন কাটাইতেছে । কিন্তু এখন সে মর্মে মর্মে বুঝিতেছে, পরের আশ্রয়ে পরের গলগ্রহ হইয়া এই প্রাণান্তকর উজ্জ্বলতার বেদনা কতখানি ।

দুর্গা ও লক্ষ্মণ দ্বিবারাত্রি কঠোর পরিশ্রম করে এবং গৃহকর্ত্রী ও ভুলোর সেবা-পরিচর্যায় সর্বদা তটস্থ । কিন্তু এত করিয়াও তাহাদের মন পায় নাই—পদে পদে লাঞ্ছনা ও গঞ্জনার অবধি নাই ।

দুর্গা রান্নাঘরে কর্ম্মবাস্ত । এমন সময় দেখা গেল, ভুলো লক্ষ্মণের কান ধরিয়া টানিতে টানিতে দরজার সম্মুখে আনিয়া দাঁড় করাইয়া দিল ।

ভুলো ॥ এই যে লক্ষ্মণের মা, তোমার ছেলেকে খুঁজে পাচ্ছিলে না—আমার বই দেখে চুরি করে ছবি আঁকা হচ্ছিল । তা, মজাটা টের পেয়েছেন—দিয়েছি দুই ঘুসি বসিয়ে । ফের যদি কখনো দেখি, লাথি মেরে তাড়িয়ে দেবো ।

কৃষাণ

দুর্গা ॥ (দরজার সম্মুখে আসিয়া লক্ষ্মণের দিকে তাকাইয়া) হঁ! কতীমা

না তোকে বাজারে যেতে বলেছিলেন, লক্ষ্মণ ?

লক্ষ্মণ ॥ বলেছি তো আমার ভয় করে—যদি পথে হারিয়ে যাই!

দুর্গা ॥ পথে ঘাটে দেখা হবে—সেই আশাতেই তো এখানে এসেছি;

কিন্তু বাড়ীর বাইরে না গেলে তাঁর দেখা তো কোনদিনই পাবি

না! আমাদের কি চিরদিন এমনি ক'রেই কাটাতে হবে রে?

শেষের দিকে তাহার গলায় স্বর কাঁপিতে লাগিল। লক্ষ্মণ নীরব।

দুর্গা ॥ কি, যাবি নে?

লক্ষ্মণ ॥ বলেছি তো, আমি যাব না—আমার বড় ভয় করে।

ইতিমধ্যে গৃহকর্ত্রীর প্রবেশ

মাতঙ্গিনী ॥ (ভদ্রী-সহকারে) ওরে আমার নবাবপুত্রুর! যেন কচি

খোকা! তা' তোর খোরাকটাও যদি খোকার মতই হ'ত তা হ'লেও

না হয় বুঝতুম যে হ্যাঁ! ওরে ছোঁড়া! বাজারে যদি যাবি না, তবে

তোর ঐ হাতীর খোরাক আসবে কোথেকে রে ডাকুরা?

দুর্গা ॥ বুড়ো ধাড়ি, হারিয়ে গেলেই হ'ল? খালি ফাঁকি! যা, যা

বলছি।

চড় মারিল। লক্ষ্মণ চড় বাহিরা বর্ধাহত হইল ও
মংয়ের মুখের দিকে একবার তাকাইয়া হন্ হন্ করিয়া
বাহির হইয়া গেল।

*

*

*

*

জীবনে মা'র হাতের প্রথম চড় খাইয়া লক্ষ্মণ জনাকীর্ণ
ফুটপাথে আসিয়া দাঁড়াইল। চাপা কান্নায় তাহার বুক
ফুলিয়া উঠিতেছিল। লক্ষ্যহীন অবস্থায় পথ চলিতে
চলিতে পথের ধারে বসিয়া পড়িয়া এইবার প্রাণ খুলিয়া

কাঁদিতে শুরু করিল। হঠাৎ তাহার দৃষ্টি পড়িল বিপরীত ফুটপাথের দিকে। সে দেখিল, কতকগুলি কৌতূহলী দর্শকের ভীড়ের কেন্দ্রবর্তী হইয়া এক বাদরওয়ালার বাদরনাচের ধুম লাগাইয়াছে। লক্ষ্মণ সেদিকে ছুটিল। কিন্তু খেলা তখন প্রায় শেষ। লক্ষ্মণ নাচ দেখিবার উদ্দেশ্যে বাদরওয়ালার পিছনে চলিতে লাগিল। এইবার আরও এক জায়গায় নাচ শুরু হইল। সে মুগ্ধ হইয়া দেখিতে লাগিল এবং কিছুক্ষণেই তাহার মনের সকল দুঃখ ও ক্ষোভ দূর হইয়া গেল। নাচের শেষে যখন তাহার বাড়ীর কথা মনে পড়িল— তখন সে দিকভুল করিয়া ক্রমাগত চলিতে শুরু করিল সম্পূর্ণ ভুল পথে। অনেক চেষ্টা করিয়াও যখন প্রভুগৃহের কোন সন্ধান করিতে পারিল না তখন রীতিমত ভয় পাইয়া পথের ধারে বসিয়া কাঁদিতে লাগিল। এমন সময় দুঃখী নামে তাহার সমবয়স্ক ভিন্দুক বালক তাহাকে ঐ অবস্থায় দেখিয়া কহিল—

দুঃখী ॥ কাঁদছ কেন ভাই? খিদে পেয়েছে? খাবে?

লক্ষ্মণ ॥ কি খাব? আমার তো পয়সা নাই।

দুঃখী ॥ দূর বোকা। পয়সা কি সবার কাছে সব সময় থাকে?

খাও-না—এই নাও।

খাবার দিল। লক্ষ্মণ খাইতে লাগিল

আজ আমি দিচ্ছি—তুমি খাচ্ছ, কাল তুমি দেবে—আমি খাব।

এমনি ক’রেই তো দুনিয়াটা চলছে ভাই। কোন বাড়ীতে যাবে?

লক্ষ্মণ ॥ কর্তামার বাড়ীতে।

কৃষ্ণাণ

দুঃখী ॥ কর্তামাটা কে ?

লক্ষণ ॥ ঐ যে কর্তামা, ঐ যে খুব মোটা মেয়েমানুষটা—গা-ভরা
পয়সা। মা আর আমি সেই বাড়ীতে চাকরি করি। সেটা কোন্
বাড়ী ভাই ? এই কাছেই—আমায় দেখিয়ে দেবে ?

দুঃখী ॥ মানে—পথ হারিয়েছ ? কত নম্বর ?

লক্ষণ ॥ নম্বর ? তা তো জানি না।

দুঃখী ॥ রাস্তার নাম ?

লক্ষণ ॥ এই কলকাতারই রাস্তা।

দুঃখী ॥ এবার বুঝেছি। এস আমার সঙ্গে। আমি বাড়ী নিয়ে যাচ্ছি।

লক্ষণ ॥ বাঁচালে তুমি—আমায় বাঁচালে।

দুইজনে কিছু পথ অগ্রসর হওয়ার পর হঠাৎ দুঃখী
লক্ষণকে কহিল—

দুঃখী ॥ এই, তুই একটু স'রে দাঁড়া, দুটো পয়সা কামিয়ে নিই।

পথের ধারে বসিয়া বিনাইয়া বিনাইয়া ককণ হুয়ে
আরম্ভ করিল—

দুঃখী ॥ আজ দু'দিন কিছু খেতে পাইনি বাবা। মুড়ি খেতে দুটো
পয়সা দাও বাবা—

পথচারিগণের নিকট হইতে তাহার হাতে পয়সা
পড়িতে লাগিল

দুঃখী ॥ দেখলি ? দু'মিনিটে চার পয়সা কামাই হল। চল।

*

*

*

*

লক্ষণের হাত ধরিয়া দুঃখী বহু পথ ঘুরিয়া শেষে
একটি সরু গলির মধ্যে আসিয়া পড়িল। লক্ষণ
ভয় পাইয়া কহিতে লাগিল—

লক্ষণ ॥ না না, এ গলি নয়। এত সরু গলি নয়। সেটা একটা বড় রাস্তা। বাড়ীর কাছেই বড় একটা বাজার—বাজারের মাথায় মন্ত বড় ঘড়ি—

হুঃখী ॥ হ্যাঁ-হ্যাঁ, এই গলি দিয়েই সে-রাস্তায় পড়ব।

একটি পানের দোকানে ঢুকিল

লক্ষণ ॥ বা রে, ওখানে কেন? মা'র কাছে নিয়ে চল।

হুঃখী ॥ হ্যাঁ রে, হ্যাঁ! আয়-না।

ভিতরে গেল তারা। মুহূর্ত্তে যেন একটি ভোজবাজার খেলা দেখা গেল। পানের দোকানের বড় আয়নাখানি সরিয়া গেল এবং উহারই পিছনে এক গুপ্তপথ দৃশ্যমান হইল। অথাৎ লক্ষণ এক ছেলেধরার গুপ্ত আড্ডার প্রবেশ করিয়াছে।

আড্ডার মালিক কৃষ্ণপ্রসাদ লক্ষণের প্রতি তাহার ভীষণ দৃষ্টি নিক্ষেপ করিয়া কহিল—

কৃষ্ণপ্রসাদ ॥ আরে! আরে, এ বেড়ালছানাটা কে রে? এ যে নতুন দেখছি।

হুঃখী ॥ ওর মাকে হারিয়েছে।

কৃষ্ণপ্রসাদ ॥ আরে মা'র কাছে গিয়ে কি হবে? কত ছেলে আছে এখানে—হুলো ভুলো হাবলা ঝণ্টু—কত দোস্ত হবে তো'র।

লক্ষণ ॥ বাঃ, আমার মা'র যে কেউ নেই।

কৃষ্ণপ্রসাদ ॥ কেউ নেই? আরে সেইজন্তেই তো এখানে থাকবি। গান শিখবি, কাজকর্ম শিখবি, অনেক পয়সা কামিয়ে মা'র কাছে যাবি।

কৃষ্ণপ্রসাদ বীভৎসভাবে হাসিয়া উঠিল

কুমাণ

*

*

*

*

এদিকে মাতঙ্গিনী দেবীর বাড়ীতে দুর্গার অবস্থা
বর্ণনা করিত। সে নিজের হাতে মারিয়া তাড়াইয়া দিয়াছে,
লক্ষণকে—ভয়ে বালক পথের বাহির হইতে চায় নাই
তথাপি তাড়াইয়া দিয়াছে। নিজের পায়ে সে নিজে
কুঠার মারিয়াছে। অনুতাপে দুঃখে দুর্গার জীবন্ত
অবস্থা।

মাতঙ্গিনী ॥ এই সারাদিন ধ'রে হাপিত্যে ক'রে লাভটা হচ্ছে কি
শুনি ? সে ছেলে যদি ফিরবার হ'ত, তখনি ফিরে আসত। এই
তো বাজার—ছ'মিনিটের পথ। যেতে-আসতে গাড়ীচাপা পড়বারও
ভয় নেই। আমি বলছি, ও পালিয়েছে। তা, তুমি বাছা যা-হুটি
মুখে দেবার, দিয়ে নাও। না খেয়ে উপোস ক'রে থাকলে আমার
ছেলের অকল্যাণ হয় না ? আচ্ছা সব লোক নিয়ে আমার বরকন্না।
একগান্না বাসনও তো প'ড়ে রয়েছে।

দুর্গা ॥ যাচ্ছি মা।

*

*

*

*

ছেলেধরার গুপ্ত আড্ডায় কৃষ্ণপ্রসাদ ও লক্ষণ

কৃষ্ণপ্রসাদ ॥ তোর কাছে কত ছিল ? ঠিক বলিস্।

লক্ষণ ॥ আট আনা।

কৃষ্ণপ্রসাদ ॥ মিথ্যে কথা।

লক্ষণ ॥ হ্যাঁ এই আছে—এই বে।

লক্ষণ খুঁজিয়া দেখিল—পরমা নাই ! কৃষ্ণপ্রসাদ
হাসিয়া উঠিল।

কৃষ্ণপ্রসাদ ॥ মিথ্যে বললি তো ?

লক্ষণ ॥ (অবাক হইয়া) সত্যি বলছি । আমার ট্যাকে ছিল—এই একটু আগেও ছিল ।

কৃষ্ণপ্রসাদ ॥ হাওয়া হায়ে কর্পূরের মত উড়ে গেল, না ? আও……

হাত বাড়াইয়া শূন্য হইতে পয়সা ধরিয়া আনিলা

লক্ষণ ॥ (আশ্চর্য্য হইয়া) তাই তো ! কি ক'রে এল ?

কৃষ্ণপ্রসাদ ॥ শিখবি এসব ? থাকবি এখানে ? কত পয়সা হাওয়া থেকে টেনে আনতে পারবি । এখানে থাকলে কত বিত্তে শিখবি । কত টাকা রোজগার করবি, আরামসে থাকবি—ঐ ওরা যেমন আছে । তারপর তোর মাকে আর ঝগিগি করতে হবে না । কাঁড়ি কাঁড়ি টাকা হাতে তুলে দিতে পারবি । থাকবি—কেমন ? (দুঃখীর প্রাতি) এই ব্যাটা শেয়াল, বেড়ালছানাটাকে নিয়ে বা । আজ থেকে ওর নাম হ'ল—‘হলো’, বুঝলি ?

* * * *

কলিকাতার রাজপথে অর্জুন রিক্সা টানিতেছে

আরোহী ॥ এ কি, থামলে যে ?

অর্জুন উদ্ভ্রাণের মত ছুটিয়া গেল—তাহার মনে
হইল ঐ যে তাহার লক্ষণ ।

অর্জুন ॥ লক্ষণ ! লক্ষণ !

একটি বালকের কাছে আসিয়া নিজের ভ্রম বুঝিল

আরোহী ॥ ব্যাপার কি ? কি দেখে এলে ?

অর্জুন ॥ না, সে নয় !……না না, কিছু না !

কৃষাণ

*

*

*

*

কলিকাতার একটি রাস্তার মোড়। কয়েকটি
বালক সহ দুঃখী শিকার খুঁলিয়া বেড়াইতেছে। দূরে
একটি বৃদ্ধকে লক্ষ্য করিয়া দুঃখী প্রস্তুত হইতেছিল
পকেটকাটার উদ্দেশ্যে।

দুঃখী ॥ এই, ঐ একটা বুড়ো আসছে। আমি কলার খোসাটা ফেলছি—
বুড়ো যদি প'ড়ে যায়, সবাই দৌড়োবি—জল জল ব'লে চোঁচাবি—সেই
ফাঁকে বুঝলি...!

মোড়ে পৌছিয়া বৃদ্ধ সেই কলার খোসায় পা পিছলাইয়া
ফুটপাতের উপর পড়িয়া গেলেন। বালকেরা তাঁহাকে
ঘিরিয়া চীৎকার শুরু করিল। কেহ বা তাঁহাকে
ধরিয়া তুলিবার ছল করিয়া তাঁহার পকেটে হাত দিল।

১ম বালক ॥ প'ড়ে গেল, প'ড়ে গেল—

২য় বালক ॥ খুব চোট লেগেছে—

৩য় বালক ॥ জল—জল—

৪র্থ বালক ॥ অ্যাঙ্কুলেন্স—

৫ম বালক ॥ এই ভাই, কেউ একটু বরফ আনতে পার—

বৃদ্ধ ॥ (উঠিয়া) এ কি আমার মানিব্যাগ নিয়ে গেল যে! মানিব্যাগ
নিয়ে পালাল। ধরুন—ধরুন—ঐ যে ছেলেটা পালাচ্ছে—

চতুর্দিক হইতে বিক্ষিপ্ত জনতা সোরগোল করিয়া
পকেটকাটার পিছনে ছুটিল। কিন্তু এই ধরণের
ঘটনায় সচরাচর অনেক ক্ষেত্রেই যাহা দেখা যায়
এখানেও তাহাই হইল। উষোর পিণ্ডি গিয়া পড়িল
বৃথোর ঘাড়ে। লক্ষ্যণ এই ঘটনাস্থলের কিছু দূরে

দাঁড়াইয়াছিল। এই পণ্ডগোল দেখিয়া নেও ছুটিতে
আরম্ভ করিল। ইহার পরিণতি হইল এই যে,
পকেটকাটা মনে করিয়া কুদ্ধ জনতা তাহাকেই ধরিয়া
ফেলিল।

জনতা ॥ মার—মার! শয়তানের বাচ্চা, তোমার পকেটমারা বের
ক'রে দিচ্ছি।

লক্ষণ চোরের মার খাইতে লাগিল

লক্ষণ ॥ উঃ—মাগো—মা !... ..

জনতা তাহাকে থানার দিকে লইয়া চলল

*

*

*

*

মুচিপাড়া থানার মধ্যে লক্ষণ দারোগাবাবুর সম্মুখে

দারোগা ॥ ব্যাগ কোথায় বল, নইলে মেরে হাড় গুড়িয়ে দেবো।

লক্ষণ ॥ ব্যাগ আমি নিইনি।

দারোগা ॥ নাওনি!

এমন সময় উক্ত বৃদ্ধ ভক্তলোকটি ছুটিয়া আসিলেন

বৃদ্ধ ॥ দাঁড়ান মশাই দাঁড়ান—এ ছেলেটা আমার ব্যাগ নেয়নি। যে

নিয়েছে তার একটা চোখ টাৱা, মুখে বসন্তের দাগ আছে।

দারোগা ॥ আরে মশাই, সেটা আগে বলতে হয়।

বৃদ্ধ ॥ আরে মশাই, বলবার কুরসত পেলাম কৈ?

দারোগা ॥ দেখুন দেখি, ছেলেটা অজ্ঞান হয়ে পড়ল। ইস, ন্থ দিয়ে
রক্ত পড়ছে! রাস্তার লোকেই মেরে সাবাড় করেছে। এখন দেখি
এ মরা মেরে খুনের দায়ে পড়ব!

বৃদ্ধ ॥ কাউকে দিয়ে একটা ট্যাক্সি আনিয়ে দিন। আমি বাড়ী নিয়ে
যাচ্ছি। দেখি চেষ্টা ক'রে ছেলেটাকে যদি বাঁচাতে পারি।

কৃষাণ

*

*

*

*

বুদ্ধের বাড়ীতে লক্ষ্মণ অজ্ঞান অবস্থায় শয্যায় শায়িত ।

বুদ্ধ টেলিফোনে কথা বলিতেছেন—

বুদ্ধ ॥ Burrabazar 718 ? আমি আপনাদের পাড়ার বিপিন বোস ।

দয়া ক'রে শীগ্গির আমার বাড়ী আসুন । একটা ছেলে বাঁচে কিনা
সন্দেহ ।

*

*

*

*

ডাক্তার আসিয়া রোগী পরীক্ষা করিয়া ইনজেকশন

দিলেন । শয্যাপার্শ্বে দাঁড়াইয়া—বুদ্ধ বিপিনবাবু ।

বিপিন ॥ বেচারি ! ক'টা টাকার জন্তে মিছিমিছি—

ডাক্তার সেন ॥ আপনি ভাববেন না । শীগ্গিরই জ্ঞান হবে । বিকেলে
আমাকে একবার খবর দেবেন ।

চলিয়া গেলেন । কক্ষ প্রবেশ করিলেন মানদা—

বিপিনবাবুর স্ত্রী । লক্ষ্মণের নিকটে গিয়া তিনি
বসিলেন ।

বিপিন ॥ শেষে আমার কপালে এই ছিল ! শিবরাত্রির সন্ধ্যাে একটি
ছেলে—সে-ছেলে আমার বাঁচল না—আজও তোমার কোল খালিই
রইল—তার ওপর আবার এই পরের ছেলেকে মেরে ফেললাম !

মানদা ॥ ছেলেটার বোধহয় জ্ঞান হচ্ছে !

বিপিন ॥ থোকা ! থোকা !

লক্ষ্মণ ॥ (চক্ষু মেলিয়া) কে ?...না, আমি চুরি করিনি—আমি চুরি
করিনি ।

বিপিন ॥ না বাবা, তুমি চুরি করনি । তোমার কোন ভয় নাই ।

মানদা ॥ এই দুধটুকু খাও বাবা ।

লক্ষণ ॥ মা!...না না তুমি তো মা নও, আমার মা কোথায়? আমার
মা কোথায়?

মানদা ॥ ছুটুকু খাও—একটু স্নান হ'লে তবে তো তাঁর কাছে
যেতে পারবে।

*

*

*

*

মাণিকতলা বাজারের সম্মুখে লক্ষণ সহ বিপিনবাবু
বাড়ী পুঁজিয়া বেড়াইতেছেন।

বিপিন ॥ তা হ'লে বাজার পেলুম—বাজারের ওপর ঘড়িও পেলুম।
তোমার সেই বড় রাস্তাও তবে এষ্ট। এইবার দেখ তো বাবা চিনতে
পার কিনা কোন্ বাড়ী?

পাশ্চবর্তী বাড়ীগুলির সম্মুখে বাইয়া একে একে
লক্ষণকে দেখাইতে লাগিলেন। দেখা গেল, একটি
বাড়ীর দরজার দাঁড়াইয়া আছে দুর্গা। হঠাৎ দুর্গা
তাহার হারানিধিকে দেখিয়া আনন্দে চীৎকার করিয়া
উঠিল—

দুর্গা ॥ লক্ষণ—লক্ষণ—লক্ষণ!

লক্ষণ ॥ মা! ত্রি যে আমার মা—ত্রি যে আমার মা!

দুর্গার বৃকে ঝাঁপাইয়া পড়িল

*

*

*

*

কল্যাণপুরে অর্জুনের ভাঙ্গা বাড়ীর সম্মুখে বিপিনবাবু,
দুর্গা, লক্ষণ, টিয়া ও অতান্ত সকলে। মহাজন অর্জুনের
বাড়ীর দরজার তাল খুলিয়া দিল।

মহাজন ॥ আমি তো এই চেয়েছিলাম যে, আমার পাওনা টাকা মিটিয়ে
দিয়ে এরা সব ফিরে এসে আবার এখানে বসবাস করে। তা

কুমাণ

আপনারা হলেন গয়ে কলকাতার লোক—সদাশয় মহাশয় ব্যক্তি,
নইলে পরের দুঃখে কারও প্রাণ এমন ক’রে কাঁদে ! পরের দেনা
কেউ এমনি ক’রে মিটিয়ে দেয় ? না না, আপনার মশাই পায়েয়
ঘুলো নিতে ইচ্ছে হচ্ছে ।

বিপিন ॥ না না, সে কি ? আপনি অতি সজ্জন—তাই বাড়ী ফিরিয়ে
দিলেন । ভগবান আপনার মঙ্গল করুন ।

*

*

*

*

বাস্তিনার কোণে একটি গন্ধরাজফুলের গাছের নিকট
দাঁড়াইয়া টিয়া ও লক্ষ্মণ :

লক্ষ্মণ ॥ দেখেছ—দেখেছ টিয়া, তোমার সেই গন্ধরাজের চারা ? সেই
যে তুমি দিয়েছিলে—আমি এইখানে পুঁতেছিলাম । আজ কেমন
ফুল ফুটেছে !

টিয়া ॥ কেন ফুটেছে জান মশাই ? আমি চুপি চুপি এসে একে জল
দিভুম । তবে-না আজ ফুল ফুটেছে !

লক্ষ্মণ ॥ কি সুন্দর গন্ধ ! দেখতে কি সুন্দর ! তোমার খোঁপায় খুব
ভাল মানাবে ।

খোঁপায় গুঁজিয়া দিতে গেল । টিয়া লাজ্জিত হইয়া
আপাঙি করিল বটে, কিন্তু ফুলটি যথাস্থানেই পৌছিল ।

টিয়া ॥ বা রে ! যাও !

*

*

*

*

ঈশ্বরগীর হইয়াছে এখন আর-এক মুন্সিল । দুর্গার
অগোছালো ঘরসংসার দেখিয়া তাহার অবন্তির
অস্ত নাহ—এ কি চোখে দেখা যায় ? তাই সে
নুতন কারয়া দুর্গার সংসার পাতিয়া দিতে ব্যস্ত ।
কোমরে কাপড় বাঁধিয়া সে কাজে লাগিয়া গিয়াছে ।

কল্পিনী ॥ এ তোরঙটা কোথায় ছিল ভাই ?

দুর্গা ॥ ঐখানে। কিন্তু ভাই, তুমি কেন এত খেটে মরছ ?

কল্পিনী ॥ আবার তোমাদের পেলাম—এ কি আজ আমার কম আনন্দ ভাই ? ঝগড়াও করব, হিংসেও করব। পাড়াপড়শী না থাকলে এসব কা'র সঙ্গে চলবে ? সত্যি ভাই দুর্গা, তোমরা যে আমার কতখানি, তা আগে বুঝিনি। তোমরা চ'লে গেলে তবে বুঝলুম।

দুর্গা ॥ তোমার ঠাকুরপো তোমাকে কোন ঠিকানা দিয়ে গেছে ভাই ?

কল্পিনী ॥ সে বুঝি তেমনি লোক ? তোমাকেই ঠিকানা দিলে না, আর দেবে আমাকে ? হু' দণ্ড ব'সে ভাত খাবারও সময় হ'ল না।

দুর্গা ॥ তুমি তো তবু তার দেখা পেলি ; কিন্তু এত ক'রেও যে আমি তাঁকে পেলাম না।

কল্পিনী ॥ কি ক'রে পাবে ? ঐ সর্কনাশী—ঐ বাঈজী যে তাকে বশ করেছে। কিন্তু ভগবান আছেন ভাই। তোমার সি'খের সি'খরের টানে একদিন সে ফিরে আসবেই আসবে—দেখে নিও।

দুর্গা কত কি ভাবিতে লাগিল

লক্ষণ আসিয়া বলিল—

লক্ষণ ॥ মা, দাছকে বল, আমি কিছ আর কলকাতায় ফিরে যাব না।

দুর্গা ॥ ছিঃ, তোমার নতুন দাছ যে তা হ'লে মনে বড় দুঃখ পাবেন। তোমার নতুন দিদিমা তোমার পথ-চেয়ে বসে আছেন। দেখেছ তো গুঁরা কেমন ভাল লোক। কত গুঁদের মায়ী। গুঁরা তোমায় লেখাপড়া শেখাবেন—মাহুয করবেন। তোমার বাবা যখন ফিরে আসবেন, দেখে তাঁর কত আনন্দ হবে বলতো ? আর সে-আশাতেই তো বেঁচে আছি বাবা।

আবেগে তাহার কণ্ঠ রুদ্ধ হইয়া আসিল

কুবাণ

*

*

*

*

কলিকাতার জনাকীর্ণ পথে অৰ্জুন এক আরোহীকে লইয়া রিক্সা টানিতেছে। মুখের গৌন্দাড়ি আরও ঘন হইয়াছে, কিন্তু তাহার শরীর শীর্ণ—কাজ না করিলে উপায় নাই তাই। আর দ্বিতীয় কথা, পাথ-পাটে হয়তো একদিন তাহার দুর্গা ও লক্ষ্মণকে পাইবে, এই আশায়ও সে এই রুতি অবলম্বন করিয়াছে। রিক্সা টানিতে টানিতে হঠাৎ সে ধামিয়া গেল, আরোহী বিস্মিত হইল। অৰ্জুন পথচারী একটি শ্রীলোকের দিকে দৌড়িয়া গেল—

অৰ্জুন ॥ দুর্গা ! দুর্গা !

নিকটে যাওয়া তাহার ভ্রম বুঝিতে পারিল। হতাশ হইয়া কিরিয়া আসিলে আরোহী বিরক্ত হইয়া কহিল—

আরোহী ॥ কেমন লোক হে তুমি ? পথের ওপর এমনিভাবে রিক্সা ফেলে...বে-আকৈল !

অৰ্জুন নীরব রহিল

নাও, রিক্সা তোল !

অৰ্জুন তখন যেন অন্ত জগতে

অৰ্জুন ॥ উঃ ! আমার মাপ করবেন ! আমি যাব না।

আরোহী ॥ অ্যান্দূর এনে যাবে না মানে ? যেতেই হবে। পয়সা নেবে না ?

অৰ্জুন ॥ না, নাবুন—আপনি নাবুন—

আরোহী ॥ কি রে বাবা ! মাথায় ছিট আছে নাকি ? নামছি—
নামছি।

*

*

*

*

এখানে বংশী নামে জনৈক রিক্সাওয়ালার সঙ্গে দেখা
হইল অর্জুনের। তাহার রিক্সার আরোহী অগ্নির হইয়া
উঠিয়াছে—রিক্সার মগ্নরপতির জন্ত।

আরোহী ॥ ব্যাটা যেন সাবু খেয়ে রিক্সা চালাচ্ছে! জোরে চল!

বংশী ॥ আঃ, আমি আর পারছি না বাবু।

রিক্সা থানাইল

আরোহী ॥ পারছ না মানে? কলুটোলা থেকে এখানে আসতে তো
আধঘণ্টা লাগিয়ে দিয়েছ! চল।

অর্জুন ॥ (অগ্রসর হইয়া) বংশীকাকা, তুমি আমার রিক্সা নিয়ে
আড্ডায় যাও—আমি তোমার সোয়ারী পৌছে দিচ্ছি। ভাড়া কত
ঠিক হয়েছে?

আরোহী ॥ বারো আনা।

অর্জুন বংশীর রিক্সা লইয়া ছুটিয়া চলিল। বংশী
অর্জুনের রিক্সা লইয়া অগ্রপথে চলিয়া গেল।

আরোহী ॥ এটা কি হল হে?

অর্জুন ॥ ও বুড়ো বেরামী লোক—দেখছিলেন না, টানতে পারছিল না।

আরোহী ॥ যাক ও বাচ্চ—আমিও বাচলাম। কলুটোলা থেকে
এখানে আসতে আধঘণ্টা লাগিয়ে দিয়েছে! ও তোমার কেউ
হয় নাকি?

অর্জুন ॥ না স্ত্রয়, তবে এক আড্ডার লোক।

*

*

*

*

একটি বিদ্যালয়ের প্রাঙ্গণ। অর্জুন দুইটি ছাত্রকে
রিক্সায় চড়াইয়া এখানে পৌছাইয়া দিল। ১ম বালক
অর্জুনকে ভাড়া দিতে গেল।

কুবাণ

অৰ্জুন ॥ না খোকা, থাক ।

২য় বালক ॥ বা রে ! ভাড়া নেবে না ?

অৰ্জুন ॥ তোমরা তো আমাকে ডাকনি—আমিই তোমাদের ডেকে
তুলেছি ।

১ম বালক ॥ না না, সে হয় না । তুমি ভাড়া নাও ।

অৰ্জুন ॥ না খোকা, ও দিয়ে তোমরা মিষ্টি কিনে খেয়ো—রসগোল্লা ।

আমার ছেলে রসগোল্লা খেতে খুব ভালবাসত ।

চলিয়া গেল

২য় বালক ॥ আরে ! মাথায় ছিট আছে নাকি !

এমন সময় একপাশি গাড়ী হইতে বই-হাতে
নামিল লক্ষণ ।

লক্ষণ ॥ বা'র কথা বলছ ?

১ম বালক ॥ (দূরে অৰ্জুনকে দেখাইয়া) ঐ যে রিক্সাওয়ালা—ঐ যে
দেখছ যাচ্ছে—ভাড়া নিলে না ; বলে, রসগোল্লা কিনে খেয়ো—
আমার ছেলে খেতে খুব ভালবাসত ।

লক্ষণ ॥ বা : রে তাই নাকি ! আমিও যে রসগোল্লা খেতে ভালবাসি ।
কিছু দেয় কে !

২য় বালক ॥ কপালে থাকলেই মেলে ! এস !

*

*

*

*

সুদীর্ঘ দশটি বৎসর পরের কথা । এই সময়ের মধ্যে
দেশের রাজনৈতিক অর্থনৈতিক অবস্থার অনেক-কিছু
পরিবর্তন ঘটয়াছে । অনেক দুঃখ সহিয়া যেন সহন-
শীলতার এক চরম পর্যায়ে আসিয়া দাঁড়াইয়াছে আজ
দেশের সর্বশ্রেণীর লোক । লোকের মনে সেই দশ

বছর পূর্বের চিন্তাধারাও এখন আর নাই—তাহাতে অনেক পরিবর্তন দেখা দিয়াছে; এমন কি অশিক্ষিত-নিরীহ কৃষকগণও চিরন্তন পাড়ন ও আবচারের বিরুদ্ধে আজ প্রতিবাদ জানায়। মাথা তুলিয়া দাঁড়াইতে চায় ও বিক্ষুব্ধ জনমত সৃষ্টি করিতে চেষ্টা করে। তাহারা এখন বুঝিতে পারে, ভগবানের দেওয়া আলো-বাতাসের উপর যেমন সকলেরই একটি সহজ ও বাস্তবিক অধিকার আছে, তেমনি কৃষকগণের একটা সহজ ও বাস্তবিক দাবী আছে। গাছের সৃষ্ট মৃত্তিকার উপর—বাহার বুকে তাহারা জলে ভিজিয়া, রৌদ্রে পুড়িয়া, হাড়ভাঙ্গা পরিশ্রমে মোনার ফসল ফলায়।

কল্যাণপুরে এমন একটা উল্লেখযোগ্য পরিবর্তন আনিয়াছে লক্ষণ। অদীঘ দশ বৎসর সে কলিকাতায় তাহার অংশালী 'নতুন দাহু'র রেহ ও উচ্চ আদরের মধ্যে প্রকৃত মানুষ হইয়া কিছুদিন ভয় গ্রামে আসিয়াছে। ইহারই মধ্যে সে গ্রামের উন্নয়নে মন দিয়াছে, সমবায়-সমিতি খুলিয়াছে এবং সংগঠন-মূলক আরও অনেক রকম কাজেরই সে উদ্যোগ করিয়াছে। নিজ গ্রাম ও উহার চতুষ্পাশ্ব গ্রামের কৃষকগণকে তাহার সমবায়-সমিতির সভ্য করিয়া তাহাদিগকে সে বুঝাইয়াছে যে, গ্রামে যেসকল পতিত জমি আছে, গ্রামের সমবায়-সমিতি হইতে স্বেচ্ছা মূল্যে দখল লইয়া তাহাতে চাষ করিতে হইবে। ইহারই ঘটনাবলে লক্ষণের ও জ্যোতিদার-মহাজনের লোকদের মধ্যে একটা সংঘর্ষ বাধিবার উপক্রম দেখা যাইতেছে। উভয় পক্ষই উত্তেজিত হইয়া উঠিয়াছে।

কুবাণ

হুৰ্যোধন ॥ মহাজনের জমিতে হাল জুড়লে মাথা থাকবে না । হাল তুলে
দাও ।

লক্ষ্মণের পক্ষ ॥ থবরদার—জমিতে পা দিয়েছ কি মরেছ ।

লক্ষ্মণ ॥ গাঁয়ের সব জমি চলে বলে কৌশলে তোমরা গ্রাস করেছ ।

নিজেরাও চাষ করবে না, আমাদেরও চাষ করতে দেবে না !

হুৰ্যোধন ॥ আমাদের জমি, আমরা যেমন খুসী ফেলে রাখব । মুরোদ
থাকে কিনে নাও—তারপর হাল দিতে এস ।

লক্ষ্মণ ॥ আমাদের সমবায়-সমিতি সে চেষ্টা করেছিল, কিন্তু তোমরা
ত্যাগ্য দামের দশগুণ বেশী হেঁকে ফিরিয়ে দিয়েছ । তা ব'লে আমরা
চূপ করে থাকব না । এ গাঁয়ে কোন পতিত জমি থাকবে না ।
চালাও হাল ।

লক্ষ্মণের দল হাল চালাইতে শুরু করিল

হুৰ্যোধন ॥ (নিজের দলের লোকদের প্রতি) তোমরা হাঁ ক'রে দাঁড়িয়ে
দেখছ কি ? যাও ঝাঁপিয়ে পড়—মেরে হাড় শুঁড়ো করে দাও ।

মহাজনের দল অগ্রসর হইয়া আসিল

লক্ষ্মণ । (সম্মুখে আসিয়া) দাঁড়াও ভাইসব । ভেবে দেখ, তোমরা
কে ? একদিন তোমাদেরও জমি ছিল । ওই মহাজন আর জমি-
দারের চক্রান্তেই তোমাদের সব গেছে । তাই আজ তোমরা হু'মুঠো
ভাতের জন্তে তাদেরই গোলামী করছ—যারা তোমাদের জাতজমি
সব কেড়ে নিয়েছে । ভাইসব, তোমরাও আমাদের সঙ্গে এস,
আমাদের সমবায়-সমিতির সভ্য হও । যেখানে যত পতিত জমি
আছে, এস আমরা জোর ক'রে চাষ করি—নিজেরা খেয়ে বাচি—
বাংলাকে আবার সোনার ফসলে ভ'রে তুলি । এস, ফেলে দাও লাঠি ।

মহাজনের দল লাঠি দূরে কেলিয়া দিল

দুর্যোধন ॥ এই, কোথায় যাচ্ছিস তোরা ?

১ম লাঠিয়াল ॥ হাল ধরতে—ঐ ভায়েদের সঙ্গে চাষ করতে।

দুর্যোধন ॥ বেইমান !

১ম লাঠিয়াল ॥ বেইমান ! ফাঁকি দিয়ে যখন সব জমি কেড়ে নিয়েছিলে তখন কোথায় ছিল তোমাদের ইমান ? চ'লে আয় ভাইসব !

সকলেই তাহার নির্দেশমত কাজে লাগিয়া গেল।

দুর্যোধন নিজের ঘোড়ায় চলে গেল।

*

*

*

*

মহাজন যুধিষ্ঠির সামন্তর বাটীর মহাজনী সেরেপুত্র।

যুধিষ্ঠির, তাহার পুত্র কুবের—ও কপ্তচরী দুর্যোধন

গভীর চিন্তামগ্ন।

কুবের ॥ মাথা নিচু ক'রে সহ করব সব ?—না।

দুর্যোধন ॥ বুঝলেন, মামলা করুন। নইলে এতবড় বিষয়টা গালে

চড় মেয়ে জোর-জবরদস্তি ক'রে গায়ের লোকে কেড়ে নেবে ?

মহাজন ॥ করব। কিন্তু এখন নয়। মামলার ঢের সময় আছে।

ফসল ফলাচ্ছে—ফলাক্ না। ও ফসল আমারই গোলাতে উঠবে।

কিন্তু আগেই আমি মামলার হাঙ্গামায় যেতে চাইনে। একটা

সোজা রাস্তা মাথায় এসেছে।—দাঁড়াও, দেখি !

যুধিষ্ঠির মহাজন গভীর চিন্তায় নিমগ্ন হইল। তাহার

মস্তিষ্কে যেন এক দুর্বোধ্য সমস্যার কাণ্ড-কারখানা

স্বরূপ হইল।

*

*

*

*

লক্ষ্মণের বাড়ীর বহিঃপ্রাঙ্গণে কল্যাণপুর সর্কার্সসাধক

কৃষাণ

সমবায় সমিতির ক্ষুদ্র তিনটি ঘর নূতন নির্মিত
হইয়াছে। সম্মুখে বোর্ড ঝুলিতেছে।

(১) “কল্যাণপুর সর্বার্থসাধক সমবায়-সমিতি

চরখা-বিভাগ”

(২) “কল্যাণপুর সর্বার্থসাধক সমবায়-সমিতি

বয়ন-বিভাগ”

(৩) “কল্যাণপুর সর্বার্থসাধক সমবায়-সমিতি

কুটারশিল্প-বিভাগ”

দেখা গেল, দক্ষিণী ও গ্রানের অগ্ন্যস্ত্র মেয়েরা হাতের
কাশ করিতেছে, ডুর্গা হস্তাবধান করিতেছে

*

*

*

*

মহাজন বৃষ্টিটির সামস্ত নিজ বাটীর চণ্ডীমণ্ডপে
বসিয়া আছে। লক্ষণ প্রবেশ করিল।

মহাজন ॥ এই যে এস বাবাজী, তোমারই অপেক্ষায় বসে আছি।

দেখ লক্ষণ, তোমাদের সঙ্গে আমার ব্যাপারটা আমি মিটিয়ে ফেলতে
চাই।

লক্ষণ ॥ আমরাও তাই চাই, ক্যাঠামশাই।

মহাজন ॥ বাঃ বাঃ বাঃ ! তবে আর কি ! কিন্তু বাবাজী, একটু বসতে
হবে যে, আজিকটা সেরে তাবপর কথা বলছি। এস বাবাজী
ভেতরে এস।

মহাজন লক্ষণকে অন্তরে লইয়া গেল

মহাজন ॥ বস বাবাজী। টিয়া, দেখ্ কে এসেছে।

টিয়া ॥ কে, বাবা ? ও লক্ষণদা।

মহাজন ॥ হু'জনে ব'সে একটু গল্প কর—আমি আফিকটা সেয়ে আসি।

চলিয়া গেল

টিয়া ॥ তুমি নাকি আজকাল আমাদের মন্ত শত্রু, লক্ষ্মণনা ?

লক্ষ্মণ ॥ তাই তো শুনি।

টিয়া ॥ তা ভালো। তবে কিনা, রাজার-রাজার বৃদ্ধ হয়, আর উলুখাণ্ডার
প্রাণ যায় !

লক্ষ্মণ ॥ তাই নাকি ?

টিয়া ॥ তা নয় তো কি ? কিন্তু কি যে বৃদ্ধ হচ্ছে কিছুই বুঝি না। এত
বড় শত্রু তুমি, কিন্তু বাবা দেখলাগ জামাই-আদরে ঘরে বসিয়ে
গেলেন। এ কি রকম বৃদ্ধ বল তো ?

লক্ষ্মণ ॥ বৃদ্ধ বাইরে—ঘরে নয়। তোমাদের বাড়ীর অনেক পরিবর্তন
হয়েছে দেখছি।

টিয়া ॥ তুমি বুঝি বদলাও নি ?

লক্ষ্মণ ॥ না, তা কেন ? আমিও বদলেছি সত্য, কিন্তু তোমার মত নয়।

টিয়া ॥ ও ! টিয়াকে বুঝি কাক মনে হচ্ছে ?

লক্ষ্মণ ॥ না, টিয়া আজ ময়ুর হয়েছে।

টিয়া ॥ হুঁ ? খুব কথা শিখেছ তো !

মহাজন সেখানে আসিল

মহাজন ॥ কৈ রে টিয়া, লক্ষ্মণকে সরবত-টরবত দিয়েছিস ?

টিয়া ॥ এই যা !—দেখেছ ?

ছুটিয়া গিয়া সরবত আনিয়া দিল। লক্ষ্মণ সরবত পান
করিয়া কহিল—

লক্ষ্মণ ॥ আঃ ! তোমার সরবতটা কি মিষ্টি, টিয়া ! আর-এক গেলাস

কৃষ্ণাণ

আন দেখি। কিন্তু চিনি এত কম দিও না বেন। আর দেখ, একটু
লেবুর রস দিয়ো।

মহাজন ॥ হ্যা, ভাল ক'রে দিস্।

টিয়া ॥ দিচ্ছি বাবা।

চলিয়া গেল

লক্ষণ ॥ এইবার বলুন, জ্যাঠামশাই।

মহাজন ॥ আমি বলছিলুম কি—এই যে মাটি নিয়ে কামড়াকামড়ি
করছ, দরকারটা কি শুনি? আমার তো ঐ একটা মেয়ে। এ
তুম বাবা সবই নাও-না কেন?

লক্ষণ ॥ আপনি যা বলছেন, আমি বুঝেছি। খুব আনন্দের কথা
জ্যাঠামশাই। আপনি জানেন কিনা জানি না—ছোটবেলা থেকে
এই স্বপ্নই আমার মনে। মাও এতে খুব খুসীই হবেন। আর বাবা
যদি কোনদিন ফেরেন—তঁারও কোন ক্ষোভের কারণ হবে না।
কিন্তু একটা কথা পরিষ্কার ক'রে নেওয়া ভাল।

মহাজন ॥ হ্যা-হ্যা, পরিষ্কার ক'রে নিতে হবে বৈ কি বাবা। বল, কি
বলতে চাও।

লক্ষণ ॥ বিষয়সম্পত্তি আপনি আপনার মেয়েকে যা দেবেন, সেটা
আমাদের সমবায-সমিতি স্থায্য মূল্য কিনে নেবে। এতে আপনার
আপত্তি আছে?

মহাজন ॥ সমবায-সমিতি! ঐ নামটাই যে আমি সহ করতে পারি না
বাবাজী। তা ছাড়া আমার এই পতিত জমিগুলোও তোমরা জোর
ক'রে চাব করছ—এর কি হবে?

লক্ষণ ॥ ও তো আপনার প'ড়েই ছিল। জমিদারকে ওর জুতে যা
খাজনা দেন, সমিতির কাছে আপনি বড়জোর সেই খাজনাটা আশা

করতে পারেন। আদালতে গেলে কি হবে জানি না, কিন্তু দেশের খাদ্যসংকট দূর করবার জন্তে ও-জমি আমরা চাষ করব; দখল আমরা ছাড়ব না। দেশের জন্তে হাজার-হাজার লোক গত চল্লিশ বছর ফাঁসিকাঠে ঝুলেছে, জেলে গেছে, সর্বস্বান্ত হয়েছে—সে দৃষ্টান্ত আমাদের চোখের সামনে ভাসছে জ্যাঠামশাই।

মহাজন ॥ টিয়া, টিয়া! এক গেলাস সরবত আনতে কি তোর এক মাস লাগবে?

টিয়া ॥ এই যে এনেছি বাবা।

মহাজন ॥ আমি উঠি। আমার আবার সেরেস্তায় যেতে হবে।

চলিয়া গেল

লক্ষণ ॥ হ্যা, একেই বলে সরবত।

টিয়া ॥ আর আগেরটা?

লক্ষণ ॥ আগেরটাও সরবত,—সে সরবত তোমার হাত থেকে রোজই কেড়ে খাই—মনে মনে।

টিয়া ॥ বুদ্ধ খামল?

লক্ষণ ॥ উহু, ভাল ক'রে বাধল।

টিয়া ॥ বুদ্ধ না ছাই। বুদ্ধই যদি হ'ত তবে তোমাকে এখানে হাতে পেলে ছেড়ে দিতাম না। আর তুমিও আমাকে ধ'রে নিয়ে যেতে পারলে ছেড়ে দিতে না।

*

*

*

*

ওদিকে মহাজন সেরেস্তায় আসিয়া বসিল। তাহার মুখ কালবৈশাখীর মেঘের মত ঘনঘটাচ্ছন্ন।

মহাজন ॥ দুর্ঘোষন!

দুর্ঘোষন ॥ আজ্ঞে করুন।

কুমাণ

মহাজন ॥ সোজা রাস্তায় হবে না—একটু বৈকে যেতে হবে।

দুর্যোধন ॥ সে আমি আগেই বলেছিলাম। মানে থেকে ফৌজদারী
করতে দেবী হয়ে গেল।

মহাজন ॥ আগে থানা, তারপর ফৌজদারী। কাছে এস—শোন।

*

*

*

*

ঘরে একটা নির্দিষ্ট স্থানে সবধে স্থাপিত শঙ্কুনের
খড়মজোড়ার সম্মুখে নতজানু হইয়া প্রণাম করিতেছিল
দুর্গা, এমন সময় লক্ষ্মণ ডাকিতে ডাকিতে ঘরে প্রবেশ
করিল। দুর্গা যেন একটু অপ্রস্তুত হইয়া পড়িল।

লক্ষ্মণ ॥ মা, মা!

লক্ষ্মণ মাকে প্রণাম করিয়া পায়ের ধুলা লইল।

দুর্গা ॥ (অবাক হইয়া) হঠাৎ প্রণাম করছিস যে? কি হ'ল বাবা?

লক্ষ্মণ ॥ অর্দ্ধেক রাজত্ব আর রাজকল্পে—আমি সে-প্রলোভন জয়
করেছি মা।

দুর্গা ॥ কি বলছিস তুই, আমি যে কিছুই বুঝতে পারছি না।

লক্ষ্মণ ॥ টিয়ার বাবা জমি আর মেয়ে দিয়ে আমাকে কিনে নিতে চায়
—কিনতে চায় আমার আদর্শকে।

দুর্গা ॥ (বুঝিতে পারিয়া) তা হ'লে আমাকে নয় (খড়ম দেখাইয়া)
ঐখানে প্রণাম কর। তোর বাবা জলে ভিজে রোদ্ধুরে পুড়ে
আমাদের জন্তে লড়াই ক'রে গেছে। অতাব আর অনাগারে দিনের
পর দিন কাটিয়েছে—তবু মাথা নোয়ায়নি সে—কেউ তাকে কিনতে
পারেনি।

দুর্গা দাঁড়াইল। তাহার মুখে একটা দীপ্তি ফুটিয়া উঠিল
আর দুই চক্ষু হইতে জল গড়াইয়া পড়িতে লাগিল।

*

*

*

*

সেইদিন সন্ধ্যায় হঠাৎ মহাজন তাহার এক অভাবনীয়
বিপদের বার্তা লইয়া দুর্গার নিকটে উপস্থিত হইল।
দুর্গা ব্যস্তসমস্ত হইয়া তাহার অভ্যর্থনা করিল।

মহাজন ॥ একটু বিপদে প'ড়েই তোমার কাছে এসেছি লক্ষণের মা।

দুর্গা ॥ সে কি? আপনার আবার কি বিপদ?

মহাজন ॥ শালী খবর পাঠিয়েছে, শান্তিভীর কলেরা হয়েছে কলকাতায়।

এখন-তখন! সেবা-শুশ্রূষার লোক নিয়ে যেতে বলেছে। কাজেই,

আমার মাসী পিসা—মানে বাড়ীর সকলকেই নিয়ে যেতে হবে

রোগীর সেবা করতে। না গিয়েও পারি না। কিন্তু মেগেটাই বা

এখানে একা-একা থাকবে কি করে? চাকর-বাকরের ভরসায় তো

আর ফেলে যেতে পারি না! বিপদটা দেখেছ?

দুর্গা ॥ তা, এ আর বিপদ কি? টিয়া আমার কাছেই থাকবে। আমি

গিয়ে তাকে নিয়ে আসছি।

মহাজন ॥ তাকে আমি নিয়েই এসেছি। টিয়া, আয় মা—আয়।

বলিনি যে তোর কাকীমা থাকতে তোর কোন ভাবনা নাই।

টিয়া সেখানে আসিল

দুর্গা ॥ এ তো আমার ভাগ্য। এস মা এস।

মহাজন ॥ এমন মা না হ'লে লক্ষণ আজ লক্ষণ! কিন্তু আমি আজ

দাঁড়াতে পারছি না। আমাদের একুনি রওনা হ'তে হবে—নইলে

ট্রেন ধরতে পারব না। দুর্গা শ্রীহরি—দুর্গা শ্রীহরি।

*

*

*

*

কুমার

দৃষ্টান্তের টিয়াকে লক্ষণ বলিতেছে—

লক্ষণ ॥ ঘরে একটা ময়ূর উড়ে' এসেছে দেখছি ! শেকল দিয়ে
বেঁধে রাখব ?

টিয়া ॥ ধরা দিতেই যে এসেছে, তাকে বেঁধে লাভ ?

লক্ষণ ॥ ধরা তো দিচ্ছ শুধু দিন-কয়েকের জন্তে—মা'র কাছে সব
গুনেছি । কিন্তু বাঁধতে চাই চিরজীবনের জন্তে ।

টিয়া ॥ কথাটা শুনে মনে হচ্ছে—ই্যা এরই নাম সত্যিকার যুদ্ধ ।

*

*

*

*

পরদিন ভোরে এক রোমাঞ্চকর দৃশ্য দেখা গেল ।
একদল লালপাগড়িধারী পুলিশের সিপাহী সহ দারো-
গার আবির্ভাব হইল লক্ষণের বাড়ীর সম্মুখে । ইতা
ছাড়া আরও একটি লোককে দেখা যাইতেছে—সে আর
কে নহ—মহাজন যুধিষ্ঠির সামন্ত স্বয়ং ।

দারোগা ॥ বাড়ী ঘিরে ক্যালো । দু'জন আমার সঙ্গে ভেতরে এস ।

দারোগা বাড়ীর ভিতরে প্রবেশ করিলেন । দুর্গা দরজা
খুলিয়া বাহির হইল । লক্ষণও বাহিরে আসিল ।

দুর্গা ॥ এ কি ! ব্যাপার কি ?

দারোগা ॥ তল্লাসী পরোয়ানা—আমি বাড়ীঘর তল্লাসী করব ।

টিয়া সেখানে আসিল

মহাজন ॥ টিয়া !

দারোগা ॥ ও কে ?

মহাজন ॥ ওই আমার মেয়ে, ছক্কর ।

দারোগা ॥ (মহাজনকে দেখাইয়া) ইনিই তোমার বাবা ?

টিয়া ॥ ই্যা ।

দারোগা ॥ তোমাকে এই লক্ষণ মণ্ডল জোর ক'রে ধ'রে এনেছে ?
বেধে রেখেছে ?

টিয়া প্রথমে তাহার বাবার মুখের দিকে তাকাইয়া পরে
লক্ষণের মুখের দিকে চাহিয়া একটু হাসিল

টিয়া ॥ হ্যাঁ, রেখেছে তো ।

দারোগা ॥ (লক্ষণের প্রতি) আপনাকে গ্রেফতার করা হল । (একজন
কনেষ্টবলকে) এই 'হাণ্ড কাফ্' ।

দুর্গা ॥ সে কি ? মহাজন যে নিজের ঐ নেয়েকে কাল আমার কাছে
রেখে গেছেন । (মহাজনের প্রতি) রেখে যাননি আপনি ?

মহাজন ॥ সম্পত্তি নিয়ে যখন লক্ষণের সঙ্গে আমার হাকামা চলছে, তখন
আমি আমার মেয়েকে এখানে রেখে যাব ! এরা দেখছি দিনকে
রাত করতে পারে স্তর ।

দুর্গা ॥ ভগবান এত বড় মিথো কখনও সহিবেন না, মহাজন ।

লক্ষণ ॥ তুমি থামো মা । (দারোগার প্রতি) 'চার্জ'টা কি ?

দারোগা ॥ 'কিড্‌ন্যাপিং চার্জ' । মহাজনের নাবালিকা কন্যা টিয়া
দাসীকে তুমি জোর ক'রে ধ'রে বাড়ীতে আটকে রেখেছ ।

টিয়া ॥ তা, কালও তো বলেছে—বেধে রাখব চিরদিনের জন্যে । তুমি
বললে না লক্ষণদা ?

মহাজন ॥ মানে ? কি বলছিস তুই ?

টিয়া ॥ বাবার ধারণা যে, আমি আজও তাঁর পুঁকিটি রয়েছি ।

মহাজন ॥ তা নোস তো কি ? এই তো সবে তেরো পেরিয়েছিস
তুই ।

টিয়া ॥ কিন্তু তুমি ভুলে যাচ্ছ বাবা—দু'দিন আগেও তুমি আমার কোণ্ঠী

কুশাগ

দেখে বলেছ—‘এই আঠারোতে পড়লি মা, আর তোকে ঘরে রাখা যায় না’ ।

কোণ্ঠী লইয়া মহাজনের পুত্রবধু হান্তমুখী মালা সেখানে আসিল

মালা ॥ (টিয়াকে) এই যে ভাই, সেই কুণ্ঠীটা—

মহাজন ॥ বোমা ! তুমি !

মালা ॥ হ্যাঁ বাবা, কাজে লাগতে পারে ব’লে নিয়ে এলাম কুণ্ঠীটা ।

(টিয়ার প্রতি কোতুকদৃষ্টিতে) যেখানে-সেখানে ফেলে রাখিস যে ?

টাক্কে রাখতে পারিস না ?

দারোগা ॥ দেখি কোণ্ঠীটা ।

মালা ॥ (দারোগার হাতে দিয়া) তা, ওর বয়স আঠারোই হয়েছে ।

মহাজন ॥ (ক্রোধে ফাটিয়া পাড়িয়া) বোমা ! তুমি এখানে কেন ?

দারোগা ॥ (কোণ্ঠী দেখিয়া হাসিয়া) আর কেন ? বিয়েটা এইখানেই

দিয়ে দিন মহাজন । মানে, ঘ’রে রাখতে যে মেয়ে কান্দেনি, ছাড়িয়ে

নিয়ে গেলে সে যে কান্নাকাটি করবে—এ-কথা মনে না করার কোন

কারণ নেই । (টিয়াকে) কি বল মা ? বাড়ী যাবে ?

মহাজন ॥ বাড়ী যাবে না মানে ?

টিয়া ॥ আর কি ক’রে যাব বাবা ! তুমি ব’লে দিয়েছিলে—‘জিজ্ঞাস

করলে বলবি, তোকে বেঁধে এনেছে—বেঁধে রেখেছে’ । সেই মিথ্যেটাই

এখন এমন সত্যি হয়ে দাঁড়িয়েছে যে, সে-বাঁধন আর কেউ খুলতে

পারবে না—তুমিও পারবে না, আমিও না ।

দারোগা ॥ (লক্ষণের প্রতি) ‘কংগ্রেচুলেশন্স !’

(কনেস্টবলের প্রতি) এই, খুলে দাও ।

(মহাজনের প্রতি) খানায়-আদালতে ছোটোছোটো না ক’রে পুঙ্কত-

ঠাকুরের বাড়ী চ'লে যান সোজা । আর কেলেকারি বাড়াবেন না । (কনেষ্টবলদের প্রতি) চল হে ।

মহাজন ॥ যত কেলেকারি হোক—মেয়ে জাহান্নমে যেতে হয় যাক—এ বিয়ে আমি কিছুতেই হ'তে দেবো না । কলকাতায় গিয়ে আমি বড় ব্যারিস্টার ধরছি, তারপর সবাই বুঝবে—কোথাকার জল কোথায় গিয়ে দাঁড়ায় !

ঝড়ের মত বাহির হইয়া গেল মহাজন । তৎপশ্চাৎ
সদলে দারোগা হাসিতে হাসিতে চলিয়া গেলেন ।

*

*

*

*

রাত প্রায় দশটা । কলিকাতার উকিল-ব্যারিস্টারের
পরামর্শ লইবার জন্ত মহাজন শিয়ালদহ প্র্যাটকরমে
নামিলে তাহাকে কুলি ও রিক্সাওয়ালাতে ছাঁকিয়া
ধরিল । যাহা হউক, সে একখানা রিক্সা ঠিক করিয়া
তাহাতে চড়িয়া বসিল ।

মহাজন ॥ এই রিক্সাওয়ালা, চলো—চালাও নয়! রাস্তা ১২ নম্বর
রতন চাটাজ্জীর লেন ।

ছোট-বড় অনেক পথ ঘুরিয়া অবশেষে রিক্সা একটা
নির্জুন সরু গলির মধ্যে আসিল ।

মহাজন ॥ এই রোখো—রোখো—বীয়ে রোখো ।

রিক্সা থামিল, মহাজন রিক্সা হইতে নামিল

মহাজন ॥ কেতনা ভাড়া দেগা ?

রিক্সাওয়ালা । এক রূপইয়া, বাবু ।

মহাজন ॥ রূপইয়া ! চাইলেই হ'ল ? টাকা অত সস্তা নয় । এই নে ।

ঐ রিক্সাওয়ালাই যে অর্জুন আজ কিন্তু কাহারও তাহা
বুঝিবার উপায় নাই—চেহারার এমনই পরিবর্তন

কৃষ্ণাণ

হইয়াছে । মহাজন বাহা দিল তাহা হাতে নইয়া
দেখিয়া অর্জুন কহিল—

অর্জুন ॥ এ কি ! যাত্র চার আনা !

মহাজন ॥ ওই বখেটে ।

অর্জুন কটমট করিয়া মহাজনের দিকে তাকাইল ।
ইষ্টাৎ সে মহাজনকে চিনিতে পারিল

অর্জুন ॥ তাই বটে ! বোল আনা খাটিয়ে তুমি চিরকাল চার
আনাই দিবেছ !

মহাজন ॥ কি বলছিস ?

অর্জুন ॥ শুধু কি তাই ? অনেককে তুমি একেবারেই ফাঁকি দিবেছ !

মহাজন ॥ (উত্তেজিত হইয়া) তার মানে ?

অর্জুন ॥ (ভয়ঙ্কর ভঙ্গীতে) আমার চিনতে পারছ মহাজন ?

মহাজন ॥ (চিনিবার চেষ্টা করিয়া) কে ? কে ?

অর্জুন ॥ চিনতে পারবে—চেষ্টা কর মহাজন । তুমি আমার বাবাকে
পাগল ক'রে দিবেছ—আমার স্ত্রী-পুত্রকে ভিটেছাড়া ক'রে খড়-
কুটোর মত সহরের দরিয়ায় ভাসিয়ে দিবেছ ।

চরম উত্তেজিত হইয়া উঠিল

মহাজন ॥ (চিনিতে পারিয়া) অ—অর্জুন !

অর্জুন ॥ (লাকাইয়া পড়িয়া) হ্যাঁ, তোমার বম !

মহাজনের গলা টিপিয়া ধরিল

মহাজন ॥ আমার মারিসনে অর্জুন—তোর পারে পড়ি—আমার ছেড়ে দে ।

অর্জুন ॥ ছেড়ে দেবো ! (চাপা উৎকট হাসি) জীবনের হিসেব আমার
গরমিল ক'রে দিলে তুমি—তোমার আমি ছেড়ে দেব ?

গলা আরও জোরে টিপিয়া ধরিল

মহাজন ॥ (যন্ত্রণার গোড়াইতে লাগিল) ছেড়ে দে অর্জুন—তোমার ভেলের
সঙ্গে আমার মেয়ের—আমার মেয়ের—

মহাজন নিশ্বাস হইয়া গেলে অর্জুন থামিল

অর্জুন ॥ এ কি! মহাজন! মহাজন!...ম'রে গেছে? আমি খুন
করেছি!...আমি খুন করলাম!...এ আমি কি করলাম?—এ
আমি কি করলাম?

*

*

*

*

অর্জুন প্রাণপণে ছুটিতে লাগিল—কিন্তু কোথায় তাহা
সে জানে না। সে ছাটে আর পিছু ফিরাইয়া সম্ভব
দৃষ্টি নিক্ষেপ করে—কেহ তাহার পিছু নিহাচ্ছে কিনা।
সে খুনি—মহাজনকে সে উদ্বেজনার বশে, প্রতিভিংসার
বশে গলা টিপিয়া মারিয়াছে। তাহার মনে হইতে
লাগিল—সকলেই যেন তাহার দিকে সন্দেহ দৃষ্টিতে
তাকাইতেছে। যে-দিকে চোটে সেও দিকেই মনে
হইতে লাগিল যেন সীমাহীন জলরাশি তাহার পথরোধ
করিয়া দাঁড়াইয়াছে। সে ঠাপাইয়া উঠিল—আর
ছুটিতে পারে না। হঠাৎ সে এক পথচারীর গায়ে
ধাক্কা খাইল। লোকটি গালি দিয়া উঠিল—

লোকটি ॥ কানা নাকি ব্যাটা!

সে অর্জুনের ঘাড় ধরিল, কিন্তু অর্জুনের মুখের অবস্থা
দেখিয়া যখন সে বৃঞ্চিল যে, রিক্সাওয়ালা বেচারি
অনুতপ্ত ও অতিরিক্ত শঙ্কিত হইয়া পড়িয়াছে, তখন
আর বিশেষ কিছু না করিয়া শুধু বলিল—

হ্যা ব্যাটা, সাবধানে পথ চলবি।

লোকটি নিজের পথে চলিয়া গেল

অৰ্জুন চার একটা নিৰ্জুন জায়গা। তাহার কানে বাজিতে লাগিল মৃণ্মু মহাজনের সেই কাতর কণ্ঠ “আমায় মারিসনে অৰ্জুন—তোর পায়ে পড়ি আমার ছেড়ে দে—তোর ছেলের সঙ্গে আমার—”

একটা বাড়ীর দেয়ালে ঠেস দিয়া সে ঠাঁফাইতে লাগিল। খানিক পরে আবার চলিতে হুকুর করিল। এইভাবে সে দূরিতে লাগিল লক্ষ্যহীন অবস্থায়—কলিকাতার রাস্তায়। সহসা এক সময় তাহার মনে জাগিল—সে তাহার গ্রামে যাইবে, কলিকাতার বাতাস তাহার পক্ষে অসহনীয় হইয়া উঠিয়াছে, গ্রামে গেলেই হয়তো সে বাঁচিবে—নিৰ্জুনতা, মুক্ত হাওয়া, সবকিছুই সেখানে আছে।

অৰ্জুন শিয়ালদহ স্টেশনে আসিয়া গাড়ীতে চড়িয়া বসিল। গাড়ীর মধ্যে বসিয়া কান পাতিয়া শুনিতে লাগিল একটানা গাড়ীচলার শব্দ। উহাই রূপান্তরিত হইয়া যেন তাহার কানে বাজিতে লাগিল “আমায় মারিসনে অৰ্জুন—তোর পায়ে পড়ি—আমায় ছেড়ে দে—”

*

*

*

*

“কল্যাণপুর সমবায় সমিতি—ধাণুবিক্রয়-বিভাগ।” গাড়ীবোঝাই ধান সামান্য ভাণ্ডারে জমা হইতেছে। লক্ষ্মণের বাড়ী হইতে সানাইয়ের স্বর ভাসিয়া আসিতেছে।

*

*

*

*

আলোকমালায় সজ্জিত লক্ষ্মণের বাড়ী। সমবায়-সমিতির দরগুলিও দীপসাজে সজ্জিত। অন্ধকারে দাঁড়াইয়া অৰ্জুন দেখিতেছে।

নহবত বাজিতেছে

*

*

*

*

দুর্গার ঘর। উন্মুক্ত বাতায়ন। নহবতের বাজনা শুনা
যাইতেছে। বধুবেশে সজ্জিতা টিয়া ও বরবেশে
সজ্জিত লক্ষ্মণকে লইয়া দুর্গা ঘরে আসিল। বর ও
বধু উভয়ে অর্জুনের খড়ম প্রণাম করিয়া উঠিল।
দুর্গা গললগ্নীকৃতবাসে খড়মের সামনে বসিয়া স্বামীর
উদ্দেশে কহিল—

দুর্গা ॥ এমন দিনে তুমি আমাদের কাছে নাই! যেখানেই থাক, তুমি
এদের আশীর্বাদ করো। যে-দুঃখ পেয়ে তুমি গেছ, সে-দুঃখ যেন
এদের জীবনে কখনও না আসে।

অর্জুন বাহিরে দাঁড়াইয়া বাতায়নপথে সবই দেখিল—
সবই শুনিতে লাগিল। তাতার দুই চোখ জলে
ভরিয়া উঠিল।

*

*

*

*

গভীর রাত্রি। স্বপ্ন ধরণী। ক্লেশঘা। বরবধু
ঘুমাইতেছে।

*

*

*

*

দুর্গার শয়নকক্ষ। দুর্গা তাতার বিছানার শুইয়া এপাশ-
ওপাশ করিতেছে। এই আনন্দের দিনেও তাহার
গোখে ঘুম নাই। গভীর বেদনায় তাহার চিত্ত
ভরিয়া উঠিয়াছে। ঘরের মাটির প্রদীপটি নিভিয়া
আসিতেছে। শয্যাপার্শ্ব উন্মুক্ত বাতায়নের বাহিরে
নিশাচর প্রেতের স্থায় অর্জুন আসিয়া দাঁড়াইল।
দেখিল, খড়ম হাতে লইয়া দুর্গা কাদিতেছে।

অর্জুন ॥ দুর্গা!

দুর্গা। কে!

কুশাণ

অৰ্জুন ॥ চুপ, আমি ।

হুৰ্গা ॥ তুমি—তু—

অৰ্জুন ॥ (চাপা গলায়) চুপ । আন্তে ।

হুৰ্গা ॥ (চাপা গলায়) তুমি !

অৰ্জুন ॥ (চাপা গলায়) হ্যা । একবার বাইরে এস হুৰ্গা—বাইরে এস—

হুৰ্গা ॥ যাচ্ছি—আমি যাচ্ছি—

*

*

*

*

বাতাসনের বাহিরে হুৰ্গা ও অৰ্জুন

হুৰ্গা ॥ তুমি—কিছু এখানে এমনভাবে দাঁড়িয়ে কেন ? বরে এস
—আজ তোমার ঘরে চাঁদের হাট ।

অৰ্জুন ॥ হ্যা-হ্যা, আমি দেখেছি—আমি সব দেখেছি । দেখেছি
চোরের মত লুকিয়ে ।

হুৰ্গা ॥ কেন—লুকিয়ে কেন ? বরে এস । আমি ওদের ভেঁকে
তুলছি । তুমি ওদের আশীৰ্বাদ করো ।

অৰ্জুন ॥ অ্যা, আশীৰ্বাদ ! জানি না আমার আশীৰ্বাদের কোন দাম
আছে কিনা ; তবু আশীৰ্বাদ করেছি—জীবনে এই শেষ বার ভগবানের
কাছে কৈদে বলেছি, ওরা যেন আমার মত কোনদিন গরিব না হয় ।
গরিব বলেই তোমার মত স্ত্রী, লক্ষণের মত ছেলে থাকতেও তোমাদের
নিয়ে আমি ঘর করতে পারিনি ।

হুৰ্গা ॥ কিন্তু আজ ও-কথা কেন ? আজ তোমার ছেলে সত্যি বড়
হয়েছে । আজ তার বিয়ের রাত ।

অৰ্জুন ॥ সেইজন্মেই তো আজ সব কথা এক সঙ্গে মনে পড়ছে হুৰ্গা ।
চাষীর ছেলে—বাবার মেলা ঘাড়ে নিয়ে জন্মেছিলাম । চেয়েছিলাম
পৃথিবীর কাছে—ছু'বেলা ছু'মুঠো ভাত আর পরনে খানজুই কাপড়,

মাথার ওপর একটু খানি ঢালা থাকবে, থাকবে একটি হাল আব
দুটি বলদ, আর থাকবে বিঘে দুই মাটি, সেখানে কলবে আমাদের
পেটের অন্ন। আরো একটু দাবী ছিল দুগা। তারই সঙ্গে
চেয়েছিলাম বাগের মেষ, স্ত্রীর ভালবাসা, ছেলের সেবা—

আবেগে কণ্ঠ কঁদে হইয়া আসিত্তেছিল—পুনরায়
স্বাভাবিক স্বরে কহিতে লাগিল।

বছরের পর বছর রোদে পুড়েছি, জলে ভিজেছি—জমিদার-মহাজনের
পাওনা মেটাতে ; তবু—তবু আজ আমার ছেলে আর ছেলের
বোকে আশীর্বাদ করার আমার অধিকার নেই।

দুগা ॥ কেন ?

অর্জুন ॥ পুলিশ—পুলিস আমার পিছু নিয়েছে।

দুগা ॥ পুলিশ ! কেন, কি করেছে তুমি ?

অর্জুন ॥ মহাজন—

দুগা ॥ মহাজন কী ?

অর্জুন ॥ আমি তাকে খুন করেছি।

দুগা অক্ষুট আর্তনাদ করিয়া উঠিল

গরিব হওয়ার পাশে আমার এই সংসার ভেঙে চুরে খান খান হয়ে
গিয়েছিল। দেহের প্রতিটি রক্তবিন্দু জল ক’রে সেই ভাঙা সংসারকে
তুমি সোনার সংসার ক’রে তুলেছ। আমি পালাই দুগা। এখানে
ধরা পড়লে তোমার সাজানো সংসার আবার ভেঙে যাবে। বাপ হয়ে
আমি ভেঙেছি—মা হয়ে তুমি গড়েছ। কিন্তু এবার তাড়লে তুমিও
আর গড়তে পারবে না দুগা।

কুবাণ

নতমুখে দুর্গা শুনিতেছিল, এবার স্বামীর মুখের
দিকে তাকাইয়া কহিল—

দুর্গা ॥ দাঁড়াও, আমিও তোমার সঙ্গে যাব।

অৰ্জুন ॥ তুমি!

দুর্গা ॥ হ্যাঁ। আজ লক্ষণ সব পেয়েছে, কিন্তু তুমি তো কিছুই পেলে না
জীবনে! আমি কি শুধুই লক্ষণের মা? আমি তোমার স্ত্রী—
অনেক দুঃখের পর ফিরে পেয়েছি তোমাকে। আর তোমার
হারাতে পারব না—তোমার সুখ-দুঃখই আমার সুখ-দুঃখ।

অৰ্জুন। কিন্তু দুর্গা, পাপ—আমি পাপ করেছি—জীবনে কিছুই
তোমায় দেইনি, আজ শুধু আমার পাপের ভাগই কি তোমাকে
দেবো? না দুর্গা, আমি পারব না। আমি যাই—

নেপথ্যে লক্ষণের কণ্ঠ শোনা গেল—“মা-মা!” সেই স্বর
শুনিয়া অৰ্জুন বিচলিত হইয়া কহিল—

আমার ছেলে...! তোমার ডাকছে—তোমায় ডাকছে। তুমি
যাও—তুমি যাও।

অৰ্জুন চলিতে লাগিল

দুর্গা ॥ একটু দাঁড়াও।

অৰ্জুন থামিল। দুর্গা গলগলানো কৃতবাস হইয়া অৰ্জুনকে
প্রণাম করিয়া উঠিয়া দাঁড়াইল। অৰ্জুন দুর্গার মুখের
পানে তাকাইয়া অল্পটু স্বরে দুর্গাকে ডাকিল; কিন্তু
পরক্ষণেই নিজেকে সংবরণ করিয়া কহিল—

অৰ্জুন ॥ না, বলব না। তোমার এই পরশটুকুই আমার জীবনে
শেষ পরশ।

অৰ্জুন বুরিয়া দাঁড়াইল। সে চলিয়া যাইতে লাগিল
দুর্গার দৃষ্টির বাহিরে—জীবনের বাহিরে। দুর্গা
নিশ্চল হইয়া দাঁড়াইয়া রহিল—অৰ্জুনের প্রিয়া নয়—
অৰ্জুনের স্ত্রী নয়—অৰ্জুনের সন্তানের জননী—যে
সন্তানকে গাড়িয়া তোলে—স্বামীর সংসার গড়িয়া দেয়।

*

*

*

*

নিশাচর প্রেতের মত অৰ্জুন সেই নিশাচর রাত্রে গ্রামের
নির্জন পথে অগ্রসর হইতেছে। দেখিয়া মনে হইতেছে
তাহার ক্লান্ত অবসন্ন দেহ আর চলিতে চাহিতেছে
না। সে কখনও বসিয়া পড়িতেছে—আবার বিপুল
শ্রমাসে উঠিয়া দাঁড়াইয়া চলা শুরু করিতেছে। এমন
করিয়া চলিতে চলিতে অবশেষে আর চলিতে পারে না
অৰ্জুন। কিন্তু আজ সে দৃঢ়প্রতিজ্ঞ। যেমন করিয়াই
হোক সে তাহার গন্তব্যস্থলে যাইবেই। সে হামাগুড়ি
দিয়া পৌঁছিল তাহার গন্তব্যস্থলে—মহাজনের
বাড়ীর কটকের সম্মুখে। সেখানে সে মাটিতে মাথা
ধুঁড়িতে লাগিল।

অৰ্জুন ॥ মহাজন, মহাজন, আমার তুমি কমা কর, কমা কর মহাজন !

এই সময় পথ হইতে কটকের সামনে একটি
গরুর গাড়ী আসিয়া থামিল এবং গাড়ী হইতে একজন
লোক নামিয়া গাড়োয়ানের সহায়ে আর-একটি
লোককে ধরিয়া নামাইল—সে মহাজন। তাহার
দেহে তখনও ব্যাণ্ডাজ বঁধা। মহাজন কটকের সামনে
আসিয়া দাঁড়াইতেই দেখিল, একটি লোক সেখানে
পড়িয়া ধুঁকিতেছে।

মহাজন ॥ কে ? কে ওখানে ?

কৃষাণ

অজ্ঞান সেই স্বরে কাঁপিতে কাঁপিতে উঠিয়া দাঁড়াইয়া
মহাজনের মুখের দিকে তাকাইয়া দেহ ও মনের সমস্ত
শক্তিতে চিৎকার করিয়া উঠিল—

অজ্ঞান ॥ কে তুমি ? কে ! তুমি ! বেঁচে আছ ! আমায় ক্ষমা কর
মহাজন !

মহাজন ॥ মহাজন নয়, বল বেয়াই । বেঁচে যখন আছি, তখন এই
সম্বন্ধটাই পাকা হোক । বেয়াই, না বাঁচলে তো তোমাকে বেয়াই
ব'লে ডাকতে পারতাম না ।

অজ্ঞান ॥ বেয়াই ! বেয়াই !

উভয়ে আলিঙ্গনবদ্ধ হইল । লক্ষণের বাড়ী হইতে
তখনও সানাইএর সুর ভাসিয়া আসিতেছে ।



গুরুদাস চট্টোপাধ্যায় আণ্ড সন্সএর পক্ষে
মুদ্রাকর ও প্রকাশক—শ্রীগোবিন্দপদ ভট্টাচার্য্য, ভারতবর্ষ প্রিন্টিং ওয়ার্কস্,
২০৩১১১, কম'ওয়ালিস্ স্ট্রীট, কলিকাতা

নবযুগের নাট্যসাহিত্য

নাট্যকার মন্থ রায়ের

নাট্যাগ্রন্থাবলী

কালাপাত্র—পঞ্চাঙ্ক নাটক। মনোমোহন থিয়েটারে এবং পরে নাট্যানিকেতনে অভিনীত হইয়া “জাতির মর্ম্মস্পর্শ করিয়াছে। ‘বার্নার্ড শ’র ‘সেন্ট জোয়ান’এব সহিত একাসনে স্থান পাইয়াছে।”—বিজলী।...পর্য্যায় ভারতে এই নাটকের অভিনয় নিষিদ্ধ ছিল। নয় টাকা।

মুক্তির ডাক—একাঙ্ক নাটক। স্টার থিয়েটার। “মেটারলিকের ‘মনাভনা’র সহিত তুলনা হইতে পারে।”—প্রবর্তক। ছয় আনা।

দেবাসুন্দর—পঞ্চাঙ্ক বৈদিক নাটক। স্টার থিয়েটার। জাতির মুক্তিযজ্ঞে ধ্বীচির আত্মাহুতি। “ফ্রান্স এনাইন স্ট্রীটের কৃতিত্বের সহিত লেখকের কৃতিত্ব একাসনে স্থান পাইয়াছে।”—ডক্টর নরেশচন্দ্র সেনগুপ্ত। এক টাকা।

চাঁদ সদাপাত্র—পঞ্চাঙ্ক নাটক। মনোমোহন ও স্টার থিয়েটার। শত শত রাত্রি অভিনীত হইয়াও পুরাতন হয় নাই। “কি ভাষার দিক দিয়া, কি চরিত্রাঙ্কনে প্রকৃত শিল্পীর রসবোধের পরিচয় তিনি দিয়াছেন। বাঙলার প্রাণের বেদনা-ককণা-অশ্রুমাখা অতীত স্মৃতি এই চাঁদ সদাগর দর্শককে অভিভূত করিবে সন্দেহ নাই।”—আনন্দবাজার পত্রিকা। এক টাকা।

শ্রীবৎস—পঞ্চাঙ্গ নাটক। স্টার থিয়েটার। “এমনি নাটকের অভিনয়েই রঙ্গমঞ্চের লোকশিক্ষক নাম সার্থক।”—‘নবশক্তি’তে ‘চন্দ্রশেখর’। এক টাকা।

অজুজা—পঞ্চাঙ্গ নাটক। মনোমোহন থিয়েটার। “ও-দেশের জগৎ-প্রসিদ্ধ ‘কারসেন’এর সহিত তুলনা করিতে কিছুমাত্র কুণ্ঠাবোধ হয় না।”—‘নবশক্তি’তে ‘চন্দ্রশেখর’। এক টাকা।

সাবিত্রী—পঞ্চাঙ্গ নাটক। নাট্যানিকেতন। “সাবিত্রীর পুরাতন পরিচিত কাহিনীর মন্যগত সত্য অক্ষুণ্ণ রাখিয়া নাট্যকার উহাকে এমন এক চিত্তহারী মধুর রূপ দিয়াছেন যাগার নিক্ত সৌন্দর্য্য প্রত্যেক দৃশ্তে কোতুল ও কারুণ্যের মধ্য দিয়া অনাড়ম্বরে স্তরে স্তরে বিকশিত হইয়া এক আনন্দাশ্র-পরিপ্লুত তৃপ্তিময় পরিণতি লাভ করিয়াছে। ইহা পুরাতনকে নূতন করিয়াছে, আধুনিককে সনাতন সত্যের অচলপ্রতিষ্ঠ বেদী দেখাইয়াছে।”—আনন্দবাজার পত্রিকা। পাঁচ টাকা।

অশোক—পঞ্চাঙ্গ নাটক। রঙমহল। “নাট্যকারের সৃষ্টিমানা দেখে মুগ্ধ না হয়ে থাকা যায় না। অশোকের জীবনে যে দু’টি পরম্পরবিরোধী শক্তির সজ্জব্ব চলেছে এবং পশুশক্তির প্রভাবমুক্ত হয়ে পরিশেষে যেভাবে অশোকের মন্যচেতনের আত্মবিকাশ ঘটেছে, তা সম্পূর্ণভাবে উচ্চাঙ্গের ‘ড্রামা’র বিবয়বস্ত্ত। নাট্যকার যেভাবে কুণালের প্রতি তিস্তরক্ষিতার প্রেমের পরিচয় ফুটিয়ে তুলেছেন তা একমাত্র প্রথম শ্রেণীর ‘আর্টিস্ট’এর তুলির কাজের সঙ্গে তুলনীয়। নাট্যকারের ভাষানৈপুণ্যে এবং প্রকাশভঙ্গীর বৈশিষ্ট্যে নাটকের গল্পটি দর্শকসাধারণেরও চিত্তাকর্ষক হবে।”—‘দীপালী’তে ‘চন্দ্রশেখর’

‘An epic grandeur.’—Amritabazar Patrika. দুই টাকা।

খানা—পঞ্চাঙ্ক নাটক । নাট্যানিকেতন । “নাট্য-কৃতিত্বের চরম উৎকর্ষতা ।”—আনন্দবাজার পত্রিকা

“বঙ্গরঙ্গমঞ্চে এই নাটক যে একটি বিশিষ্ট স্থান অধিকার করিয়াছে তাহা আমবা নিঃসন্দেহে বলিতে পারি ।”—দেশ

“Khana, from the pen of Manmatha Ray, is perhaps God’s answer to the theatre-owners’ prayer for a play that will please all classes of audiences without calling forth the best in the artists. And that is where the dramatist triumphs over the players as a whole....An excellent example of this noted author’s rare knack of turning legends of yore into engrossing plays to the liking of modern audiences....Ray wields a powerful pen and is a past-master in giving such twists to a story that go a long way in creating dramatic situations and climaxes. In Khana both these qualities have admirably combined to effect popular entertainment with a capital P and E....A strong story-interest that never lets the attention of the audience flag till the very final curtain.—‘Thespis’ in ‘Dipali’ পাঁচ সিকা

সতী—পঞ্চাঙ্ক নাটক । নাট্যানিকেতন । দক্ষবজ্রের পুরাতন কাহিনীর অভিনব অপরূপ রূপ । “হাসি এবং অশ্রু সমুজ্জ্বল ।”—
আনন্দবাজার পত্রিকা । পাঁচ সিকা

বিদ্যুৎস্পর্শ—চারিটি দৃশ্তে সম্পূর্ণ একাঙ্কিকা । C. A. P., কাস্ট এম্পায়ার । সাধনা বোস ও অশীত্ব চৌধুরীর নাটনৈপুণ্যের কীর্তি-স্তম্ভ । গ্রহকারের অপূর্ণ সৃষ্টি । “নাটকীয় ঘটনা-সংস্থাপনায়, সংলাপ ও কল্পনার মনোহারিত্বে অভিনব ।”—দৃগাক্ষর ।

“The author is to be congratulated without reserve.”—Amritabazar Patrika. বারো আনা

কাজনা—এই নাটিকাখানি ‘রাজনর্তকী’ নামে বাঙলা ও হিন্দীতে এবং ‘Court Dancer’ নামে ভারতে প্রস্তুত প্রথম ইংরেজী সবাচ্ চিত্র রূপে চিত্রজগতে বিখ্যাত হইয়াছে।

“এই নাটকের মধ্যে তিনি যে মূল অন্তর্দৃষ্টি ও মনস্তত্ত্বের পরিচয় দিয়াছেন তজ্জন্ত আমরা তাঁহার প্রতিভার যশোগান করিতেছি।”—আনন্দবাজার পত্রিকা। বারো আনা

কামনা—চারিটি দৃশ্যে সম্পূর্ণ নৃত্যগীতবহুল নাটিকা। “এরূপ একখানি অভিনব ও সুলিখিত নাটকের জন্ত আমরা শ্রীযুক্ত মমথ রায়কে অভিনন্দিত করিতেছি।”—আনন্দবাজার পত্রিকা।

“Monmotho Roy, the noted play wright of the modern Bengali school has given it an exquisite dramatic shape mostly on the lives of the European pantomime.”—N K G in Amritabazar Patrika.

“Monmotho Roy has struck a new note in stage literature.”—‘Dipali’.

মীর কাশিম—পঞ্চাঙ্ক নাটক। “বর্তমান যুগে এই নাটকখানি বিশেষ আদর পাইবে আশা করি।” উক্তের রমেশচন্দ্র মজুমদার।

“আমরা নিঃসন্দেহে বলিতে পারি, নাটকখানি দেশপ্রাণ বাঙালী নরনারীর চিত্তজয় করিতে সমর্থ হইবে।”—দেশ,

“প্রত্যেকটি বাঙালীর এই ‘মীর কাশিম’ দেখা অবশ্যকর্তব্য। ‘মীর কাশিম’ নাটকে মৃতসজীবনীর মন্ত রহিয়াছে।”—
যুগান্তর

“ঐতিহাসিক সত্য অবলম্বন করিয়া শ্রীবৃদ্ধ মন্থর রায় অনবদ্য নাটক-সৃষ্টি করিয়াছেন।”—আনন্দবাজার পত্রিকা। দুই টাকা
একাক্ষিক—বাঙলাগাহিতো একাধ নাটকের প্রবর্তক মন্থর রায়ের সুপ্রসিদ্ধ আটটি একাধ নাটকের সংগ্রহ।

“Sri Monmotho Roy is the dramatist of the day. His dramas, whether social, mythological, or historical, are different from others of the kind, and have brought a change in the old order. Ekankika has created a new atmosphere in the circle of histrionic art as well as literary circle. Each of the playlets, though short, is complete in itself in one act, beautiful and thought-provoking.”—Amritabazar Patrika.

পাঁচসিকা